

საზოგადოებრივი თავი

2 = A.

29.4.1941

1941. 2/11

თბილისი
1941

ჩვენსი თაობა

წელიწადი მერვა

საქართველოს საბჭოთა მწერლების
კავშირის ყოველთვიური ორგანო

208
27

2



სახელმწიფო გამომცემლობა
თბილისი
1941 წელი. თებერვალი

შინაარსი:

	გვ.
მხატვრული ლიტერატურა	
ადამ ალვანელი — ლამე მთაზე	9
კარლო კალაძე — კობასთან ერთად	11
გიორგი ძიგვაშვილი — სიმღერა ამირანზე	15
ვლადიმერ უბილავა — უკანასკნელი ლამე	17
კოტე ხიმშიაშვილი — ჯონქა ხორნაული (დასასრული)	18

კრიტიკა

ერ. ასტვაცატუროვი — ლიტერატურული ახალგაზრდობა ოცი წლის მანძილზე	38
---	----

ბიბლიოგრაფია

გ. მ. — მაყვალა მრევლიშვილი — „ლექსები“	60
ვანო ხალიფაშვილი — ვ. ჯაბუშანური — „არაგვიანი“	61
ალ. სიგუა — კლიმენტი გოგიავა — „ვლადიმერ ნანეიშვილი“	64

რედაქტორი ღიმიტრი ბენაშვილი

ხელმოწერილია დასაბეჭდად 28/III-41 წ. შე 6270. ანაწყოების ზომა 7 × 12. ქაღალდის ზომა 70 × 108. სასტამბო ფორმათა რაოდენობა 4. ნიშანთა რაოდენობა სასტამბო ფორმაში 50688 საავტორო ფორმათა რაოდენობა 5,08. სტამბის შეკვეთის № 256. ტირაჟი 1500.

ტფილისი. სახელგამის ბეჭდვითი სიტყვის კომბინატი, ყორესის ქ. № 5.







მხატვრული ღიბარატურა

ალამ ალვანელი

ღ ა მ ე თ ე ო ზ ე

ყუჩად ირწევა შუალამის გამლილი კალთა,
თვალმოლივლივე ვარსკვლავები ზეცას ხატავენ,
მისდევს ხეობას ზუნძახისკენ გუგუნი ზვათა,
ჯანლი კი თეთრად ეფინება ივრის სათავეს....

ეგ ლურჯი მთები ვინ დააწყო ნეტავი ასე,
ან ეგ ღრუბელი ფრთანაცარა სადამდე ივლის?..
ღამეა ყუჩი და ქარვებით დალურსმულ ცაზე
თეთრ ბილიკივით გაზიდულა ნაფრენი ირმის....

ცრიატ სივრცეში დათოვლილი ქედები სჩანან,
ჩაიბალახეს დეკიანი ლეგა ნისლებმა, —
რძენარევ ღამეს იდუმალად გავყურებ, თანაც
ასე მგონია — ჩანჩქერებით მკერდი ივსება...

გამიკრთა ძილი, თითქო მიწის სუნთქვაც კი შესმის,
ღია თვალები მივაგებო განთიადს იქნებ, —
აქვე — თეოზე ბალახებში ჩამჯდარი მწყემსიც
ანდევენება ყმაწვილივით საკუთარ ფიქრებს...

ნაცრისფერადი ღამეები ასე გადიან,
გულს უხალისებს დოვლათი და იმედი ზვალის,
ზოგჯერ კაშკაშა ვარსკვლავების დათვლა სწადიან
და ნატრობს — არტელს ჰყოლოდაო მაგდენი ცხვარი...

ახარებს ნამით დაწინწკლული ფრთაცივი დილა,
უმზერს ვაჟკაცი ქარაფიდან აფრენილ არწივს,
ზოგჯერ ზსოვნაში ჩამოწვება ყორნისფერ ჩრდილად,
ყორნისფერ ჩრდილად გაეშლება წარსული თვალწინ...

ზოგჯერ კი უნდა ბავშვი იყოს რძიანი, რადგან
ახლა მიწაზეც ვარსკვლავები ყრია გუნდებად, —
გაჭხედავს აქვე ბამბასავით დაფენილ ბატკანს
და გულში თითქო ათასი მზე ჩაუცურდება.

შეეჩვია და თვითეულის გუმანი იცის,
იცის, სად გდია ამ მხარეში კენჭი ყოველი,
და სურნელებას აყვავებულ ქართული მიწის
გულზე დაიბნევს უხუცესი სტახანოველი.

მოსკოვსაც იყო, მზიანი დღე ნახა რამდენი,
რამდენ სიხარულს დაეწია კიდევ მასუჟან,
მისცეს ბარაქა, დაილოცა ძალა არტელის,
რომ ბერიკაცი ზელმეორედ გააჭაბუკა.

უნდა საფერხედ დარახტული ჰყავდეს ქურანი,
უნდა უმღეროს ჩვენი ქვეყნის შნოს და დიდებას,
მაგრამ იძალებს შუალამის ტკბილი ბურანი,
ტკბილი ბურანი ხშირ წამწამებს დაეკიდება.

ზეცა კი ისევ ალივლივებს ოქროსფერ თვალებს,
კრიატად სჩანან ხეობები კალთაგაშლილი,
ბორბალას წვერზე შემომჯდარი პირსავესე მთვარეც
ხვესურეთისკენ ჩაგორდება მწიფე ვაშლივით.

ქობასთან ერთად

კარგი მისამე *)

1.

სტუმრებივით ისხდნენ ჩუმად,
ეწეოდნენ ჩიბუხს მხოლოდ.
ეცვათ ირმის ტყავის ჯუბა
მოსირმული საუცხოოდ.
ეცვათ მხეტია ბეწვეული,
მოეხარათ ფართო მხრები,—
და თავის ბედს თვითეული
ჩასცქეროდა ჩაფიქრებით.
ისხდნენ ჩუმად. იქვე გვერდით
ხის უბრალო ტახტი სჩანდა
და ეკიდა კედელს ღვედით
სანადირო თოფი, ჩანთა.
იყო ზადეც კუთხის განზე,
გაფენილი, როგორც ფარდა,—
ხოლო მოგროძო მაგიდაზე
ხელნაწერი წიგნის გარდა
ათას წიგნს და ათას გაზეთს
უცხო მთები აღემართა...

2.

მათ გულისთქმა უხმოდ ხდიდა,
გულის პასუხს ანატრებდა,
და სანთურიც მაგიდიდან
იმედივით ანათებდა...
ასეთია ჩრდილოელის
გულითადი ჩვეულება,
ზის ტუნგუსი, ზის და გელის...
და არაფერს გეუბნება.
მცოდნე კაცთან იგი სტუმრად
მოკრძალებით მოვა ხოლმე,
სულს მოითქვამს თავისუფლად,
უყვარს ჩუმი სიახლოვე.

*) რომანი ლექსად. ნაწყვეტი.

შეჰყურებდნენ თვალში სტალინს,
ეხლა მათებრ ჩაფიქრებულს,—
რას ეტყოდა ძილგამკრთალი
ხმაწართმეულ კაცთა კრებულს!
მისი ჩუმი სამართალი
გრიგალს ჰგავდა ჩასაფრებულს...

3.

აქ მრავალჯერ მსხდარან ასე
თითო სიტყვის მოსასმენად,
რომ მგზნებარედ მობასემ
გადააწოთოს ფიჭვი რწმენად!
ღღეს კი თუმცა დაულამდათ,—
სდუმდა მათი მეგობარი...
გულჩათბრობილთ სუნთქვას ჰგავდა.
რომ გაილა ქონის კარი;
თქვეს: დავტოვოთ, მოვერიდოთ,—
აჭრიალდა ვიწრო კიბე,
და სტუმრები თითო-თითოდ
ოთახიდან გაიკრიფენ.
კობას არც კი გაუგია,
ვერ აართვა თვალი ბარათს,—
მარტოდმარტო და გულლიად
ზის ფიქრების ანაბარად,
მზერაც განგებ ჩაუქვრია.
მწუხარების დასაფარად...

4.

ჩრდილოეთით დაკარგული
დაშორებულთ წერილს სწერდა,
მაგრამ, უცებ დასწყდა გული,
უცებ ხელი შეუჭერდა.

ახლა ვინდა გაამხნეოს!
კვიმბირელთა ბედი იცის,
ახლო არვინ მოსახლეობს,
არის კიდე დედამიწის...
ალბათ უშიშით გამკლავება
სადღაც ბნელში მფეთქავ სანთურთ! —
ანუ მიმჭრალ ვარსკვლავებად
ცივს ქარბუქში მიმოფანტულთ...
ათას ცხრაას თექვსმეტ წელის
ჭირვეული ზამთარია.
კობა უკვე ნიშანს ელის,
სხვებიც ალბათ მზად არიან.
ვინ მიწვდება ენისეის
გაღმა სურენ სანდაროანს.

5.

— ალბათ იწვის ღამის თევით,
იცის აქვე უნდა იყოს,
რომ ლენინის ბარათები
ჩემთან ერთად გადვიტხოს!
გუგა ცეცხლის კერას უგავს,
იწვის აგრე თვალხილული...
სულს იმედით შეისუნთქავს
სუსხით ფილტვებდაცხრილული,
ჩაეჭედოს ოღონდ მაჯას
მტკიცე ხელი სტალინისა, —
და ვერც ჯავრი ვერ დასტანჯავს
გულში ჩამკვდარ წადილისა!...
მაგრამ, კობას გადაჭრილი
გზადაკვალი აგონდება...
დაეფარა ბარათს ჩრდილი,
— რატომ არის, რატომ ხდება! —
იტყვის კობა ჯულაშვილი
და ტყვესავით დაღონდება...

6.

— „კვლავ წასულან... მხოლოდ საით,
თოვლი საით გაიკვალა?!
ტუნგუსებიც აქ ჩვენსავით
უბინადროდ შთენილთ გვანან...
ჩვენ სამშობლო დაგვიკარგეს,
მათ სრულიად არ ჰქონიათ, —
მაგრამ ტუნგუსს, როგორც ქართველს
გულში ქექკად ჩაჰყოლია, —
მასხოვს როგორ დამაძახეს

დილით ერთხელ: „ნათესავო!“
და ვაჟკაცი დამანახეს
გამოსული სათევზაოდ!...
მან ჩამკიდა თრთოლვით ხელი,
თავის ქონში წამიყვანა,
თქვა: დამარქვეს კაცისმკვლელი,
მაგრამ მკვლელი მე ვარ. განა!“
კობას დარჩა აუხსნელი
მაშინდელი გამოცანა.

7.

„ჰქონდა სახე სანთლისფერი
მღუმარებდა სტუმარსავით,
მორეოდა შავი წვერი
წლიდანწლამდე უპარსავი.
ჩუმად იდგა „კაცისმკვლელი“
გადაეჭდო მკლავი მკლავში.
წინ ფიქრით უცოდველი
მშვიდად იწვა მიწის ბევში.
ქართველ მამას არყის ხისგან
ყრმის აკვანიც გაეთალა, —
ცოლი იქვე უცბოდ იდგა
თმა-ქერა და ცისფერთვალა...
— აი, ჩემი სიყრმის შვილი! —
ამოკენესით თქვა მან ბოლოს, —
— ასაფრენად ფრთებაშლილი
მტერმა უნდა დაიბონოს,
მშობლიური წანა ტკბილი
ვერც დედისგან გაიგონოს...

8.

„უსამშობლოდ ვხედავ შთენილს,
და თავზარი დამცა ბრაზმა, —
თქვი, განწირულს ვინ უწვევლის,
საბრძოლველად ხალხს რომ რაზმავ...
ჩრდილოეთით ამტყდარ გრივალს
არ შთაენთქა ჩემი ხვედრი, —
სატრფიალო გულის ფიქალს
თვითონ ხანჯლით არ გაეკვეთდი!
ახლა კაცის მკვლელი მქვია,
ნახეთ ბედი გურამისა! —
გრივალვით მომეხვია
ფიქრი ვანადგურებისა...
შვიდი წელი უხმოდ ეწუხდი,
მაინც დამრჩა ერთი რწმენა —
დამრჩა ერთად-ერთი წუთი,
ამოიდგას შვილმა ენა! —

თქვა და იქვე გახსნა ყუთი,
დედისგულიც გაიხსენა...

9.

„სჩანს, რომ დედას ამ ბარათით
დაულოცავს შვილისშვილი!
შორს მოსულა ამანათით
ჩურჩხელა და ხმელი ხილი...
თვალი ცრემლით გაუბრწყინდა
კობას, თითქო მოეჩვენა:
პაწაწინა ქრელი წინდა
და წითელი „დედა-ენა“.
მან ხმამალა ვადიკითხა,
წიგნის გული გადაშალა,
და გურამიც მტკიცედ იდგა,
თითქოს ანბანს ჰქონდა ძალა“.
უსამშობლოდ მარტო შთენილს
ხმა არ გასცა მაშინ კობამ...
დღეს კი ცრემლი წარუშლელი
მოაგონა მარტოობამ, —
თქვა, რომ ჯავრი არ უშველის,
მტერი უნდა დასცეს მტრობამ!...

10.

ტუჩებს ღიმილი ეფინათ,
კვლავ მორეოდათ ხალისი, —
ახსენდებოდა ზებირად
სიყრმის ოცნება თავისი:
„ვარდს გაეფურჩქნა კოკორი
გადახვეოდა იასა,
ზამბახსაც გაღვიძებოდა
და თავს უხრიდა ნიავსა,
ტოროლა მალა ღრუბლებში
წკრიალ-წკრიალით გალობდა,
ბულბულიც გახარებული
ნაზის ხმით ამას ამბობდა:
აყვავდი, ტურფა ქვეყანავ,
ილხინე, ივერთ მხარეო,
და შენც, ქართველო, სწავლითა
სამშობლო გაახარეო“.
დედის იმედო! — დასძინა,
ბრძოლაში დამიფარეო...

11.

ადგა და ფიქრი თან აჰყვა,
ხელთ ჩაიბღუჯა წერილი,
ლანდიც დასდევდა კვალდაკვალ
ჯავრით შემოჩენილი.
ლამითაც მთელი ქვეყანა
სჩანდა ამ ნათელ სახლიდან, —
თოვლი ქარს ამოეყარა
და მალალ სარკმელს ახლიდა...
ომის ხმა ამოიკითხა
სივრცეში, დაღამებოსას, —
თითქოს თვითონაც იქ იდგა
სიკვდილს ხედავდა მეფისას!
მან მოაგონა ყმაწვილი
სამშობლო დაკარგულისა...
ორთავიანი არწივიც
ნიშანი წყევლა-კრულვისა. —
გულს რომ იკორტნის განწირვით
მწყურვალს ყრმათა გულისა...

12.

ამბობდა: „ომში ჩარევა
რამდენჯერ გვინატრიაო,
ღროა მებრძოლმა ჯარებმა
კონდახი შეატრიალონ!
ულუკმაპუროდ შთენილი
ველარ დამშვიდდენ ზავითა!..
და მოწოდებას ლენინიც
უთუოდ გამოგზავნიდა..
გვკეტავს ციმბირის ზამთარი
ავი და ავდარიანი! —
ნეტავ სვერდლოვი სად არი,
სად არის სპანდარიანი!..
გრისხანედ წარბებდახრილი
სურენ ამ წუთებს ველოდით,
თოვლში მიჰქოდა მარხილი,
ქართულად მივიმღეროდით!
ქარიც შორსგადმოვარდნილი
გვისტვენდა ლერწმის ღეროთი...

13.

„ხელთა მაქვს ყველა ბარათი
შენკენ წამომსვლელთ ვეძებდი,
ვაჰ თუ ლოგინად ჩავარდნილს
ვერ მოგაწვდინო ვერცერთი!

ვერ გითხრა მეფის დამხობა,
ველარ აგინთო იმედი!..
ნეტავი შენთან შამყოფა,
ჩემს მკლავზე დაიძინებდი“.
დაჰქანცა თითქოს დგომამაც
და როგორც ბადე მეთევზემ
ერთის მოქნევით კობამაც
ჯუბა მოიგდო ბეჭებზე...
თან გული გაიხალისა, —
იფიქრა: ერთად ვიქნებით! —
რაზა რომ გახსნა კარისა,
შინ საიდუმლოს მიგნებით
ბრბო შემოიჭრა ქარისა
და გადაფურცლა წიგნები...

14.

შემოეგება ჯულაშვილს
წინ ვილაც მდგარი გვიანაც.
ხელი ჩასჭიდა ჯუბაში,
ლიმილით გაეხმინა:
— ვიდექი ღამის უკუნში
გითვალთვალეზი კობასა, —
ერთი საბრალო ტუნგუსი
ვჩემობდი მეგობრობასა!..
— შენი ალალი თვალებით
ვხედავ ბნელშიაც კიაფობ, —
ისევ ნუ დაიძალევი,
რა გსურს მკითხე და ვიამბობ...
მომყე ვაგაწყოთ მარხილი,
ვაყვაცო, შალალ მხრიანო, —
ჩვენი ხმის ამოძახილით
ხეობამ დაიხრიალოს, —
ტყე დარჩეს გზაზე წახრილი,
ძახილი დაიგვიანოს!..

15.

სამი დღე ასე ზვლიან,
არ გამოჩნდება სოფელი, —
ღრუბლებად დაფლეთილია
ცა ვარსკვლავიჩაუქრობელი!

ველარც ქარბუქი აბრკოლებთ,
სამი ფეხმარდი ირემი
გულდაგულ ტბრძვის მთაგორებს
უკან რქებგადაყრილები!..
მარხილს მხნე ვინმე თუ უზის
მმართველი მათი სიარბილის, —
ბნელს გაიგნებენ... ტუნგუსიც
მკვიდრი შვილია ციმბირის...
გზა ისე გადაიარა
წარბი არ გაუტხიარა, —
უგიათ მიწა კრიალა,
მდინარის მკერდზე მიჰქრიან,
ყინულ ქვეშ ტალღა კი არა,
მისი მღელვარე ფიქრია...

16.

მღელვარებს თვითონ სტალინიც,
ერთგულად მიეჩქარება,
გზა ყინულებში გავლილი
ვერ ჩაუყეტეს ქარებმა!
დახშულ ღამეებს ხალისით
გაივლის როგორც მალაროს, —
რომ გამოცნობა თავისი
სნეულ მეგობარს ახაროს.
რომ მასთან ერთად იხილოს
სინათლე ბედნიერების, —
სიმღერა დაილიღინოს
ბორკილასყრილი ერების!
გონების თვალთ უყურებს
და ბრძოლა თვალწინ ჰგონია,
გრძნობს უკვე ხალხი გუგუნებს
ჯავრი ქვეით ჩაუქოლია! —
გრძნობს გაჩაღებულ უკუნეთს
რამდენი მტერი ჰყოლია!..

სიბლერა ამიკანზე


სადაც ნისლში მთები არ სჩანს,
ტყე არ სჩანს და ლურჯი მდელი, —
ამიკანი შეეჯაქვათ,
წამებული საქართველო...
გმირის ფიქრი ნისლი იყო,
ოხვრა—მეხი ნაჟღერები,
ამიკანის სისხლი იყო.
კავკასიის ჩანჩქერები;
ელვა ერქვა გმირის ღიმილს
და მიწისძვრა — ერუანტელსა...
მაგრამ ბოლოს რისხვით საღესმ
შვილებს ასე უანდერძა:
— „სანამ ვიყავ, მტერი ვმუსრე,
ელვა კრთოდა ჩემი ხმლისა,
ვკვდები, მაგრამ ჯაფრი მიმაქვს
ერთი დევის ვერაგისა,
მისი იყოს ჩემი ოქრო,
ვინც იმ ვერაგს დასცემს ძირსა,
მახარობლად ვინც მომივა —
ცოლიც, ხმალიც ალალ მისა!...“
... დრო არ იყო გათენების,
თუმცა შეკრთა უგუნეთი,
მოდიოდნენ ქართველები,
ხმალს ლესდნენ და გუგუნებდნენ...
გუგუნებდნენ — დარდით მდიდრებს
რად გვინდაო ოქროს ქისა,
რად გვინდაო სხვისი ცოლი —
ჩვენიც მთებში გაიხიზნა!
კაცის გული ვანა მართლა
ზეირთი არის შავი ზღვისა?
ჩვენ ჩვენი ხმლით ბრძოლა გვინდა —
ჩრდილოეთიც ადგა მთელი,
შთის არწივი წამოფრინდა

და მგზნებარე კოლხიდელი...
და აჯანყდნენ... ბევრი ხანი
სისხლს იშრობდა ტყე და მდელი,
და დაიხსნეს ამირანი —
წამებული საქართველო...
დღეს კი, როცა ჩვენი მთებიც
ახალ მზის ქვეშ დადგნენ მტკიცედ —
დღეს სამშობლოს ერთგულება
უკვდავ ფიციტ შევიფიცეთ —
რომ იმ გმირის სასახელოდ,
ვინც მომავლის გახსნა გზანი —
მტერს არ მივცეთ საქართველო,
ბედნიერი ამირანი;
სულ ვადიდოთ, ვინც აანთო
შუქი ჩვენი ალამისა,
ვინც ნათლის გზა გახსნა ფართო
და მტარვალნი დაამიწა,
ვინც კლდეს ახსნა ამირანი
და სიცოცხლის ძალა მისცა —
ჩვენი გული, ჩვენი ჯანი,
ჩვენი სისხლიც ალალ მისა!..

უკანასკნელი ღამე

ფიქრებში ხშირად
 ისევ ადგება
 ის ბრძოლის ღამე ჯერარნახული;
 აი დაშლილი მტრების ბანდები,
 მთები, მინდვრები
 ტყვიით დასრული.
 მოღალატენი გარბიან ზღვისკენ;
 გზებს ტყვიაწამლის
 ბურუსი აკრავს.
 და განწირულნი დაბინდულ ცისქვეშ
 ეძებენ ბედის ჩაფერფლილ ვარსკვლავს.
 ზღვასაც არ სურდა
 მიღება მათი
 და თურმე თავი ვერ შეიმაგრა.
 დაჰკრეს ტალღებმა
 ვიში და ზათქი
 და ზალხმაც ბრძოლის ყიჟინა დაჰკრა.
 და გვიან, გემი
 შესვრილი სისხლი,
 ნაყაჩღარი განძის დამტევი,
 გადის, —
 მიყვება მასების ზიზლი
 და გავარდნილი ემიგრანტები.
 ბნელოდა...
 ჰქონდათ ალიონამდე
 გმირებს და ხანჯლებს ბრძოლა შემდგომი;
 დილით ლენინის
 მზე ამოვიდა,
 საქართველოში სჭექდა ზევკომი.
 ფიქრებში ხშირად ისევ ადგება
 ის ბრძოლის ღამე
 ჯერ არ ნახული;
 მერე წამიღებს ფეთქვა ვარდების
 და ჩემი ქვეყნის დიდი ზაფხული.

208 21



ჯონქა ხორნაული

(დასასრული)

IX

ჯონქა არც ისე გულუბრყვილო იყო, რომ არ შეეშინია—ნინოს საკუთარი ძლიერი წყენა, დედის გულისტკივილი ალაპარაკებდა, მაგრამ მის მხურვალე აღსარებაში, თითქოს შვილის ბუდიდან გადაფრენამ, მარტოობის პირველმა წუთებმა რომ ათქმევინა, ბევრი რამ მხოლოდ ჯონქას გასაგონად ისმოდა.

ჯონქამ მადლობა იგონა აქამდე მისთვის სრულიად უცხო ქალისადმი და გაიფიქრა, რომ იშვიათად შეხვედრია ასეთ კეთილშობილ ადამიანს.

ნინო გულწრფელად ლაპარაკობდა, თავის ერთადერთ ქალიშვილს კიდევ უთუოდ სხვებზე უკეთესად უნდა იცნობდეს. მით უმეტეს ისეთი დედა, როგორც ნინო კიხისელი იყო. ხორნაული გაჩერდა ფილაქანზე და სიბნელეში ხელები გაშალა — ნუ თუ თითონ სცდებოდა აქამდე?..

მას ისევ მოაგონდა წელანდელი ფიქრი, აქეთ მომავალი რომ უსიამოვნოდ გაჰკენწლა გულში—მანანასთან დაახლოვებამ მხოლოდ შფოთი მოუტანა, თავისთავთან ბრძოლა და დამცირება. თუ ნინო მართალია — ეს ესეც უნდა ყოფილიყო. ჯონქას ერთ წუთს თვალწინ გაუარა მანანასთან დამეგობრების, პირველი ნაცნობობის ამბებმა, თითქო უნდოდა მეხსიერებაში მიეგნო დაკარგული ნივთისთვის, ბევრი სიარულის დროს რომ სადღაც დარჩენია. ზოგს ერთი შეხედვით შეიცნობ, განა საკმარისი არ იყო კიტი ნადირაშვილისათვის თვალი გაგედევნებია, სანამ იგი ოთახის ერთი კუთხიდან მეორემდე მივიდოდა, რომ უკვე გცოდნოდა ყველაფერი? მანანას ძნელად გაუგებდი. ბევრ სტუდენტს, განსაკუთრებით პირველ წლებში, დამცინავ და ამაყ ქალად მიაჩნდა, რადგან მას შეეძლო გაჩუმებულიყო, როცა ყველა იცინოდა და პირიქით, მწვანე თვალები ხშირად დაცინვით უკრთოდნენ, როცა ძლიერ სერიოზულად ელაპარაკებოდი. მან უთუოდ კარგად იცოდა ვისთან როგორ უნდა მოქცეულიყო; მაგრამ ჯონქას ღრმად სწამდა — მანანა მაინც აროდეს თამაშობდა, არ ცდილობდა თავი სხვაგვარად მოეჩვენა. ისე კი, ჯონქა ხომ მუდამ გრძნობდა იმ უხილავ კედელს, რომელიც დღეს თითქო ზილული გახადა ნინომ. მერე რა უყოთ, თუ მანანა ძლიერ ახლო ეგონა, როგორც პატარა მწყემსს ბინდისას სერზე ამოსული მთვარე.

ჯონქამ უნებურად გულჯიბისკენ წაიღო ხელი და თითის წვერებით ფრთხილად ამოიღო გამზმარი, სიფრიფანა ენძელა, მინაზე ყინვის ნახატივით უცნაური.

ეს ავგაროზი მთელი გახაფზული ატარა მან. მარჯბი მინც ვერ აიკვინა.

თანაც თითქოს ძალა წაართვა ჯმუხ მთიელს იმ პატარა ყვავილმა, თავის ნებაზე დაატარებდა, ფიქრის მალვა და ჩუმი წუხილი ასწავლა, პირდაპირობა დაავიწყა. თავისთავს ველარ სცნობდა ჯონქა, თითონაც უკვირდა, რომ უწინდურად შეტევა, პირში თქმა აღარ შეეძლო. ითმენდა, ბევრს ითმენდა და ენაც კი შეეცვალა, მოკვეთილ, მთიულური სიტყვა-პასუხის მაგივრად თითქო დარცხენილი, გაუბედავი ლაპარაკი დასჩემდა. თუმც წინად გრძნობდა, რომ სწორედ პირდაპირობისა და ხასიათის სიმტკიცისთვის მოსწონდა იგი მანანას.

ჯონქამ ხელი შეკუმშა და მძლავრად, მაგრამ ალერსით მოუჭირა თითები პებლის ფრთასავით გამჭვივრვალე ენძელას. იქნებ ისე, როგორც მანანას ხელს მოუჭირდა და ატყენდა. ეს ალერსიც იქნებოდა, წუხილისთვის სამაგიეროს ზღაც.

ცოტახნის შემდეგ მან ხელი გაშალა. გამზმარი ყვავილი ფერფლივით პატარა, ბაცი ფერის ნამსხვრევებად ქცეულიყო.

ღიმილით გაიფიქრა, რომ ახლა მკლავში მეტი ძალა უნდა ეგრძნო, მხრებში გამართულიყო. ხელისგულს შეუბერა და როცა ყვავილის მტვერი გაიფანტა — ისევე მოიწყინა.

იჩვენებოდა, რომ ენძელის ნამსხვრევები კვლავ თითებზე ეკვრიან; ისინი ხელებსაც და გულსაც ახლა უკვე ქარისგან თვალში მოხვედრილი ქვიშის ნამცეცხბივით ეხამუშებოდნენ.

გამოდის რომ სიყვარულიც გაჰქრა იმ მარტის ყვავილივით.

ვინ იცის, ფიქრები მინც მას დასტრიალებდნენ, იქნებ უნებურად, როგორც მეთოვლია დაჰფარფატებს ხოლმე ზღვის ზედაპირს, მძლავრად მოქნეული ფრთები ველარ შეუჩერებია, თუმც თევზი უკვე კარგახანია შთანთქა ზვირთებში.

საკმაოდ ბევრი იარა ქუჩებში ჯონქამ. მას არც მოჰგონებია, თუ ამაღამ მეგობრებს გამოსალმების ღზინი ჰქონდათ; მაგრამ შეუშინეველად, ინსტინქტივით, რომელიც მატარებელში ჩაძინებულ კაცს გამოაფხიზლებს ხოლმე, თავი ასწია და ნახა, რომ სწორედ იმ ქუჩაზე გასულიყო, სადაც სტუდენტები უნდა შეკრებილიყვნენ. მან ახლა დაგვიანებულივით აუჩქარა ნაბიჯს, ნაცნობ რკინის ქიშკარში შევიდა, ხვეულ კიბეს აჰყვა მესამე სართულამდე და გრძელ აივანზე მინებთან კარს მიადგა. თეთრი, ორმაგი ბანდის ფარდებში ოთახიდან განთიადის სხივივით ყონავდა სინათლე აივანზე.

იმდენი ნაცნობი ზმა და მზიარული სიცილი ისმოდა შიგნიდან, რომ ფიქრებში გართულმა ჯონქამ პირდაპირ შეადლო კარი, თითქო თავის ოთახში შესულიყოს საერთო საცხოვრებელში.

სუფრაზე მსხდომთა თავები სწრაფად მობრუნდნენ მისკენ. მაგიდის ერთ ბოლოში ეგნატე ლაზიშვილის მოკლე წვერი ბრწყინავდა და ჯონქა გონს მოვიდა.

— ოჰ, ჯონქას გაუმარჯოს, — მიაძახეს. ამხანაგებმა; — აქეთ, ჯონქა... ავერ მობრძანდი...

სტუდენტები ისე შეეგებნენ და ეპატიყებოდნენ, რომ უთუოდ ყველა მასპინძლად სთვლიდა თავს.

ძალე ჯონქა მეგობრების გვერდით იჯდა და სიამოვნებით იშმუშნიდა ხელებს. იგი გაახარა გულლია შეხვედრამ და ძალდაუტანებელმა მზიარულებამ, რომელიც სუფრაზე მსუფობდა. სადა ჭიქებში, ყველაზე უფრო მოხერხებული ფორმა რომ აქვთ — მუცელთან ხელში დასაჭერად შეზნექილი და ზევით პირგადაშლილი — მაყვლის წვენივით შავი ღვინო იდგა. მისი წვეთები თეთრ სუფრაზე, თევშებზე თუ ტუჩზე, იისფერ მელანვიით სტოვებდნენ კვალს.

დიდი ზურჯინის ორივე თვალი ერთად დაკლილიყო მაგიდაზე. ცივად მობარშული დედლების გვერდით, გამკვირვალე, ხორკლიან კანზე სიმსუქნისგან ქარვისფერი რომ დაჰკრავდათ, გორული მსხვილი ვაშლი ეყარა, ნახამთარი, მაგრამ მაინც ცოცხალი და ლოყაწითელი, დიდრონი, ყვითელი კომშები, ყუნწითან და კორძზე ჩინჩლა მოუცლელი; ყოველგვარი ხილის ჩირი, — მსხლისა, ატმისა, ვაგარისა და შავქლიაისა; შინდის კერკი — ლალის მარცვლებივით; შელისყურა თხილი და გრძელი ჩურჩხელები, სიტკბო შორიდანვე ფერზე რომ ეტყობოდათ. სოფლის თონეში გამომცხვარი, ყუაშებრაწული, წალივით ქუსლწვერ ვაგრძელებული შოთი პურები. დანამული წიწმატის კონები, წნელის წვრილი ღვრები. რაც მთავარია — წლევენდელი ბალი, ცოტახნის წინ ვარეცხილი წყლის გიშერივით შავად მოციმციმე... იქვე — ქორვა, შუშა კიტრებიც ეწყო, მწვანე კანი დაბრთქლილი ჰქონდათ, თითქო ცივმა ოფლმა დაასხათ, რაკი ასე ადრე მოსწყვიტეს.

შენახული ხილისა და ღვინიანი ტიქტორის მაგარი სურნელი იდგა ოთახში. ახალგაზრდებს თვალები უბრწყინავდათ, ენას, პირსა და ხელებს ერთი წუთითაც არ ასვენებდნენ.

სუფრაზე სულ ხუთი-ექვსი კაცი იყო, ახლო მეგობრები. უცხოთავან მხოლოდ ეგნატე ლაზიშვილი და ვიგას მამა იხსდნენ, მაგრამ მათი აქ ყოფნა თითქო უფრო მეტ საბაბს აძლევდა სტუდენტებს, რათა ერთმანეთის სიყვარული ვერძნოთ, ერთად გატარებული წლები მოეგონებიათ. ჯონქასაც ხელს არ უშლიდა ეს ხნიერი ხალხი, ძლიერ თავისუფლად და მყუდროდ იჯდა ჩაგუს გვერდით.

ვიგა მამამისის ახლო, ტახტის კიდეზე მოწყობილიყო, ტიქტორა იქვე გვერდით მიესვენებია და წყლის სურას ავსებდა ღვინით. ძია თედომ, ასე ეძახდნენ მამამისს, თიხის პატარა ჯამი გაავსო, ფეხზე წამოდგა და ლეკური, რუხი ხალათი შეისწორა ვერცხლის ბალთიან ქამართან.

— ეს კი სწორედ მასიამოვნა ნიკომ, ჯამი რომ მომიტანა, — სთქვა მან და უბრალო, შავი ფოთლებით მოხატული, ღვინით პირამდე სავსე თიხის ჯამი ოსტატურად დაიჭირა შუათითსა და ცერს შუა, ისე, რომ თუ ჯამს ააცლიდი, — ხელი თითქო მომართვის ნიშნად დარჩებოდა გამოწვდილი, — გლეხური ჯამით შესმული გულსაც გაუვლის, სანამ სტომაქში ჩავიდოდეს, — დაუშატა თედომ, მგორე ხელი ქალარა ულვაშზე მოისვა და ჯონქას მოუბრუნდა, — შვილო, ჯონქა, ერთი ეს სასმისი გამომართვი.

ჯონქა, სწრაფად წამოდგა, ჯამი ჩამოართვა, მაგრამ ვერ მოახერხა თითონაც ისე ლაზათიანად დაეჭირა, ზუთივე თითი შეუდგა და გაიღიმა თავისთვის.

— აბა, შვილო — დაიწყო თედომ, — ამდენი ნასწავლი კაცი შეყრილხარტ და თამადად კი, სანამ შენ მოხვიდოდი, ეს გლეხკაცი ამირჩიეს. დიდ უარზე ვიყავ, მაგრამ ვერა ვავაწყე რა მოდი, ჩვენი აქ შეხვედრისა დალიე და დაგვეწიე.

ჯონქა ცოტახანს სდუმდა, მან ჩაფიქრებით გადახედა ამხანაგებს.

— შენებურად, ჯონქა. ძველებურად სთქვი რამე, — წაიბუტბუტა გვერდით ჩაგუმ, როცა ქათმის ბარკალი წამით პირიდან გამოიღო და მარჯვნივ დასწვდა.

„რატომ ძველებურად?“ გაიფიქრა ჯონქამ. იქნებ ჩაგუმ გრძობდა ცვლილებას, გრძობდა რომ ჯონქას ჩუმი წუხილი და შფოთვა, რაღაც მოდუნება დასჩემდა ამ ბოლო დროს.

ხორნაულმა გაბედულად ასწია თავი. დიად, იგი ისევ „ძველებურად“ იტყვის. აქ ზომ „შთამომავლობით ინტელიგენცია“ არ უსმენს. ეს ბიჭები მსხავით ჯონქები არიან, ახალი ფეხადგმული, მაგრამ კუნთმაგარნი და დიდ გზაზე მოსიარულენი.

— არჩევანში არ შემცდარან, ძია თედო, თამადად რომ აურჩევინხართ, — ჯონქამ თვალი გაუსწორა თედოს, უადვილდებოდა ლაპარაკი, როცა ამ გაქალარავებული, მაგრამ ჯერ კიდევ ჭარმაგი, მზისგან თიხის ჯამივით ბრინჯაოსფერად დამწვარი კაცის ღია სახეს შესცქეროდა.

— ამ სუფრაზე ყველაფერს გლეხის მარჯვენით მოყვანილსა ვხედავ, — განაგრძო ჯონქამ, — ჩვენ ყველანი, მე და ჩემი ამხანაგები, გლეხის შვილები ვართ. ეს დღე ჩვენთვის მუდამ მოსაგონარი იქნება, რადგანაც მიზანს შივალწიეთ და ახლა ერთმანეთს დავცილდებით, რათა ახალი ცხოვრება დავიწყოთ. შართალია, ქალაქს სასწავლებლად ჩამოსულები ჩვენ იქნებ სულ სხვა ადამიანები გავხდით, მაგრამ აი, შევკრებილვართ და თამადად მაინც გლეხი ავირჩიეთ. მე მგონი ეს იმიტომ, რომ მუდამ გახსოვს — ფესვები ხალხში გვაქვს და მიწას არ უნდა მოვწყდეთ, ხალხის ამაგი არ უნდა დავივიწყოთ, თორემ...

— ტურა წაგვიღებს, — მიეშველა ჩაგუმ ჯონქამ გაიცინა და ჯამი მოაყუდა.

— იცოცხლე, შეილო, გაგიმარჯოს, — უპასუხა თედომ.

ჯონქამ გამოსცალა ჯამი, დაჯდა და ლაზიშვილს შეხედა. ეგნატე უღიმოდა თავისი მკვირცხლი, ქროლა თვალებით, თან წინაკბილებით რაღაცას ცმუცნიდა და ალბათ ამიტომაც ახლა უფრო ეტყობოდა მოხუცებულობა. ღვინომ, ეგნატეს ღიმილმა თუ საკუთარმა სიტყვებმა ჯონქა საბოლოოდ კარგ გუნებაზე დააყენეს. მას მოაგონდა როგორ შეეკამათა მაშინ ეგნატე დავით ციხისეულს და გაიფიქრა, რომ ეს მოხუციც თავისიანია; მასთან შეიძლებოდა თავისუფლად ლაპარაკი, იგი ყველაფერს მიგიხვდება, იქნებ ტოლამხანაგებზე უკეთესადაც გაგიგებს.

სუფრაზე ისევ გაცხოველდა საუბარი. ნიკოს, ამ ბინის პატრონს, რძალი და ძმისშვილი ნათესავებთან გაუსტუმრებია, რათა ლხინის ინტიმურობა არ დაერღვია. მხოლოდ ნაშუაღამევს, შეიძლება ოჯახის უფროსი, რკინისგზელი ძმა მოსულოიყო, ღამის ცვლაში მუშაობდა თურმე და ეტყობა, უმცროსმა ვერ გაუბედა ეთქვა — შინ აღარ დაბრუნდეთ.

ლაზიშვილი ღვინოს აქებდა. — მშვენიერი, უხადო ატენური საფერავი ჯყო, ხორციანი — სქელი, როგორც ბადაგი და თან ხვევრდოვანი — მისი სმა არ მოგწყინდებოდა, კი არ ჰლიდა, ეალერსებოდა ენას. ძველ მევენახეს ესამოვნა თავისი ღვინის შექება, განაცხადა, რომ ეს ჯერ კიდევ ახალგაზრდა ღვინოა, თან მგზავრობაში ცოტა ვალახული, დასვენება სჭირდება. მეექვსე წელიწადია მარანში ერთი პატარა ქვევრი თავკვერისა აქვს შენახული, თუ სოფელში ეწვევიან — ამოიღებს და აბა, მაშინ იგემონ რა ღვინო სცოდნია ატენის ხეობას.

მერე ქართლის სხვა ღვინოებიც მოიგონა, მუხრანისა მოსწონდა, განსაკუთრებით თეთრი, წინამძღვრიათ კარსაც არაუშავსო, კასპისა და მეჯვრისხევი ისევ ზელალებით დაიწუნა, — სტუმარს ვერ დააღვინებო. ნანობდა, რომ ლიახვის ხეობაში უწინ კარგი წითელი ღვებოდა, მაგრამ ფილოქსერამ გაათუქა და ახლა ცუდი გემო დაჰკრავს, არც სუნი უფარგა, მდარეა. ისევ თავის ატენურს აქებდა, კახურსაც სჯობია და იმერულსაცაო. აქ კი ლაზიშვილი შეეკამათა, მაგრამ თედო გაჯიუტდა, გაიხსენა ყურძნის ყველა ჯიშები, რაც კი ქართლში მოდიოდა — გორულა მწვანე, თავკვერი, ჭყაპა, რქაწითელი, საფერავი და ბუდეშური, ახლა მუხრანსა და კავთისხევიში ევროპული ალიგოტე, რისლინგი და პინოც გაამენეს თურმე. დაკორძებულ, მოუხრელ თითებზე დინჯად, აუჩქარებლად იმდენი საბუთი წამოთვალა, ისეთ წვრილმანებში აღმოჩნდა ჩახედული, რომ ენამჭევრმა ისტორიკოსმა ვერ გაუძლო და სიცილით ჩაიქნია ხელი.

— აგრე იყოს ჩემო თედო.

თედოს თვალის კუთხეებში მხიარული ნაკეციები გაუჩნდნენ, მან თავი გადააქნია და დაეთანხმა:

— ეგეც მართალია, მე და ჩემმა ღმერთმა.

ჯონქა შესცქეროდა ამ ქედმაგარ, ძველ მუხსასავით კოჟრიან ვაყკაცს და გული კიდევ უფრო მეტად უთბებოდა.

თედო წამოდგა და ისევ გაავსო თიხის ჯამი.

— აბა, ხალხნო, სამენა იყოს. უწინ, ჩემ ჯველობაში. — დაიწყო მან ლაზურულად ისევ იმ ადგილას შეისწორა ქამართან ხალათის კალთა, — როცა ოსტატს შვილ ჩააბარებდნენ ხელობის სასწავლებლად, ოსტატი სულით ხორცამდე პასუხისმგებელი იყო თავის შეგირდზე. თუ ბიჭი არ ივარგებდა, ხელმრუდი ან უქარა დადებოდა, ოსტატისთვისაც იგიეთი შერცხვენა და ხალხში თავისმოჭრა იყო, როგორც იმ უბედურის მშობლებისთვის. თუ შვილი ოჯახს ასახელებდა და რამეს შემატებდა, — მადლობა ყველაზე ადრე ჯერ მისი გამზრდელი ოსტატისათვის უნდა ეთქვათ. ჩემ ვიგას მამა მუშაკაცი ჰყავს, დედა — გამრჯე, პაპა მაგისი კიდევ ოთხმოცზე მეტი წლისა იყო, როცა გარდაიცვალა, მაგრამა მთელ კოლმეურნეობას ენანებოდა, სოფელში იმაზე მუყაით და ბალენახების მცოდნე კაცს ვერ იპოვიდი. აბა, ჩემი ბიჭი ცუდი რალად უნდა ყოფილიყო. მე მეგონა ეგეც მამაპაპის კვალზე თავის ბალენახში იტრიალებდა, მაგრამ სხვა გზა აირჩია. რა უშვს, თუ თითონ ივარგებს, ყველა საქმე — კარგია.

— ნუ გედარდება, მამი, თინია მაინც ავრონომი გამოვა, — უთხრა გიგამ და შუბლზე ჩამოწოლილი სქელი, თითქო მუდამ სველი შავი თმა ხელისგულთ გვერდზე გადაივლო.

— ჰო, შვილო, ოღონდ ჯერ შენი კუდრაჭა დაია ბალღია, კვირაში შვიდი პარასკევი აქვს, იქნება ზვალ, აი, რა ჰქვიან, ფილოსოფიაა რალაც. ის მოინდომოს. მერე რა, აკი ვამბობ, თქვენ რითა ხართ სხვაზე ნაკლები. სიტყვას ნუ მაწყვეტინებ, ისედაც გამიგრძელდა. რაცა ხარ, შვილო, პირში ქება რა საკადრისია, კარგი ხარ, ისეთ დროსაც მოვესწარ, რომ შენ რჩევა გეითხო, შენ ჰკუთას დაუჯერო. ამისთვის კი მადლობა შენს გამზრდელს, შენს ოსტატს უნდა უთხრა. მარტო შენ კი არა, აი შენი ამხანაგებიც. მე ვიცი, რომ ყველა ეგენი პატრიოსანი და ნასწავლი ხალხია. პატივცემულო ეგნატე, ენაწითელობით ვერ გააკვირვებთ და უბრალოდ თქმს სჯობს, — მე როგორც მამა და ერთი მშრომელი კაცი, დიდ მადლობას გეუბნები ამ კარგი ახალგაზრდების გაწურთენისთვის. დიდხანს იცოცხლეთ და იღლეგრძელეთ.

ეგნატე წამოდგა და თამადას გადაეხვია. ყმაწვილებიც წამოიშალნენ, ქი-
ქები ასწიეს და აღელვებულნი ზან თავიანთ საყვარელ მოხუცს შესცქეროდნენ;
ზან ერთმანეთს გადახედავდნენ და თვალით ანიშნებდნენ — ყველას უძნელდე-
ბოდა ამ წუთში რაიმეს თქმა, სიტყვას ვერ დააწყობდა, იქნებ ზოგს ხმის კანა-
კალიც გამორეოდა, თანაც აუცილებლად უნდოდათ განსაკუთრებით ედღეგრ-
ძელებიანთ, გულწრფელად ეთქვათ მისთვის, რასაც ფიქრობდნენ. ბოლოს ისევ
ჯონქამ გაჰბედა, თუმც ისიც საკმაოდ წამოწითლებული იყო და წარბი
უთამაშებდა.

— ბევრჯერ უთქვამთ, რომ ადამიანს შეიძლება ყველაფერი წაართვა, —
ხმადაბლა, თითქო თავისთვის დაიწყო ჯონქამ, — ყველაფერი წაართვა, — ქო-
ნება, ღირსება, სიღამაზეც, მაგრამ ცოდნას ვერ წაართმევ, ეს ყველაზე უფრო
დიდი განძია, ყველაზე უფრო დიადი წუთები კი ადამიანის ცხოვრებაში უთუ-
ოდ მაშინ არის, როცა გრძნობ, რომ ახალ, აქამდე შენთვის სრულიად უცნობ
სამყაროს მისწვდი გონების თვლით. და ის, ვინც ამ სამყაროს კარები გააღო
შენს წინაშე, ისეთივე კეთილის მყოფელია, როგორც მკურნალი, უსინათლოს
რომ თვალისჩინი დაუბრუნა და ქვეყანა დაანახა. თვითეული ჩვენგანი, პატივ-
ცემულ მასწავლებელო, თქვენ გაფასებთ არა მარტო იმიტომ, რომ წაურთმე-
ველი განძი — ცოდნა მოგვეცით, არა მარტო იმისთვის, რომ უწინ თითქო ნახე-
ვარკაცები ვიყავით და ახლა, როცა ქვეყნის ავკარგი გავიგეთ, წარსულში
ჩავიხედეთ — მთლად კაცობას შგონი აღარაფერი გვიკლია. არის კიდევ ერთი
რამ, რისთვისაც დიდ პატივსა გცემთ, რისთვისაც განსაკუთრებით ძვირფასი
ხართ ჩვენთვის. ყოველი ახალგაზრდის ცხოვრებაში არის ხანა, როცა შეგნებუ-
ლად და თავისი ნებით, თუ უნებურად და თავისდა შეუთმნეველად, ვინმესა ჰმა-
ძავს. ზოგჯერ მიბაძვის საგანი უღირსია, ძლიერი შთაბეჭდილებით მიუზიდავს
უბრალო სული, როგორც ზიზილ-პიპილები იტაცებენ ბავშვებს. ამ მიბაძვას
ან როგორც იტყვიან ხოლმე — გავლენას, — იქნებ გადამწყვეტი მნიშვნელობა
ჰქონდეს პიროვნების ჩამოყალიბებისთვის, მისი მომავლისთვის...

ჯონქა შესდგა და ფეხზე მდგარ მგობრებს გადახედა. ისინი ჩუმად უსმენ-
დნენ. გივას ისევ ჩამოვარდნოდა შუბლზე სქელი თმა, შავი ნამგალას ფრთასა-
ვით, განიერი მხრებით ჩრდილავდა მავიდას, ღვინის ჭიქას დასცქეროდა და შე-
ერთებულნი, ხშირი წარბები თვალებს უფარავდნენ, მხოლოდ მოკლედ შეკრე-
ჭილი უღვაშები უკრთოდა ხანდახან. ჭერა, ცისფერთვალეა ნიკო მოწიწებით
უყურებდა ლაზიშვილს, ცალი ხელით ნერვიულად ღილებს იგრებდა ხალათის
საყელოზე, მეორეთი კი მალლა აწეული ჭიქა ისევ ეჭირა მჭერდიან, როგორც
თოფი საპატიო ყარაულში მდგომს. ჩაგუ ერთ წერტილს დასჩერებოდა მავი-
დაზე თავისი წყლისფერი გუბებით, მაგრამ ეტყობოდა, რომ ისიც უსმენდა
სხვებთან ერთად.

— მე შეძნელება ლაპარაკი, — განაჯრო ჯონქამ, — რადგან მსგავსი რამ
ჯერ პირში არავისთვის მითქვამს. თქვენ სწორედ ის ადამიანი ხართ, პატივ-
ცემულო მასწავლებელო, რომელსაც ჩვენ ვეცდებით მივბაძოთ. ყველა, ვისაც
სწავლა-განათლება მიუღია, თავს ინტელიგენტათ სთვლის, მით უმეტეს, თუ
უმალღესი განათლება აქვს; ჩვენ კი თქვენგან ვისწავლეთ, რომ არის ერთი,
ძნელად შესაძწნევი, მაგრამ უტყუარი სინჯი, რომელიც „ვითომ ინტელიგენ-
ტებს“ განასხვავებს ჭეშმარიტი ინტელიგენტებისგან, რამეთუ უთქვამთ — ყვე-
ლა ოქრო არ არის, რაცა ბრწყინავსო. ეს სინჯი ხალხისადმი სამსახური. მე თუ
მკითხავთ, უბრალოდ ვიტყვოდი — უწინ მთაში ძლიერი ის იყო, ვისაც ხმალი
უჭირდა, მაგრამ გმირი იყო მხოლოდ ის, ვინც თავის ძალით კისერზე კი არ

დაჯდებოდა სხეებს,—მშვიდობაში კაცი იქნებოდა უბრალო, და ომში—თემის დამხმარე და იმედი. ახლა ძალა ცოდნაშია.

ჩვენი ვეცდებით ვიყენეთ უბრალონი და ჩვენი ძალით ხალხის დამხმარე. სხვა რაღა ვთქვა, სტუდენტების კიდევ მრავალი თაობა გაგეცილებით ასე, მასწავლებელო...

ახლაგაზრდები მაგრადზე გადაიხარნენ და ჭიქები მიუჭახუნეს ეგნატეს. მღელვარება, ეტყობოდა, იმასაც გადაედო, მოკლე წვერს იფურჩქნიდა თითები და მადლობას ეუბნებოდა ყველას. შემდეგ მოითხოვა დამსხდარიყვენენ; მხოლოდ ნიკო დარჩა ფეხზე და ძლიერ ჩქარა, მაგრამ აბნეულად, ერთიადიმავე ფრაზების განმეორებით, სიტყვა უთხრა. მის ხმაში იმდენი გულწრფელობა იყო, თვალებიც ისე გაუწითლდნენ, თითქოს სატირლად მოემზადაო, რომ ადვილად აპატიებდი ბუნდოვან აზრებს და უხეირო წინადადებებს.

ჯონქა კი უკვე აღარავის უსმენდა. იგი იჯდა და ატყობდა თავის თავს, რომ უცნაური ამბავი ემართება, — ყველაზე მეტად საკუთარმა სიტყვებმა ისევე ჯონქაზე მოახდინეს შთაბეჭდილება.

ზოგჯერ ხმამალა ნათქვამი უეცრად ნათელს გახდის იმას, რაც ჩუმ ფიქრებში ბუნდოვანი და ძლიერ დახლართული გვეჩვენება.

განა, ერთ დროს, ისე როგორც ახლა, ყველაფერი გარკვეული არ იყო ხორნაულისათვის? მას თურმე ჰქონდა თავისი მიზანი ცხოვრებაში, თავისი იდეალი. მაშ საიდან გაჩნდა ეს შფოთვა, დაბნეულობა...

„უფრო მაღლა, მაღლა უმიზნე“...

ღიად, იგი ისმენდა ქადაგებას და სდუმდა, თუმცა კარგად იცოდა რა სიმადლეზეც იყო საუბარი, ალფევი საკმაოდ ცინიკურად ლაპარაკობდა.

და იმ კაცის თინიანობით, ზელში შესობილ ხიწვს რომ იჩიქნის, ჯონქა შეუღდა ყველა იმის გამოძიებას, რაც უკანასკნელი თვეების განმავლობაში უფიქრია და განუცდია.

მანანას დაბადების დღეს იგი ჯერ კიდევ ჯონქა ხორნაული იყო. გაქრქეშებულმა საყელომ ხელი ვერ შეუშალა — მიხვდა, რომ შეცდა, როცა აქ მოსვლისას რაიმე ახალს მოელოდა. აივანზე ყურმოკრულმა საუბარმა კი უფრო მეტიც აგრძობინა. შემდეგ იქ, კიკეთის ტყეში, ეშმაკმა უწყის საიდან მოხვედრილი, გულდასმით უსმენდა ალფეზ ჩიქოვანს; უსმენდა და ერთხელ მაინც თუ შეეკამათა? არა, რადგან, — ცოდვა გამზელილი სჯობს ხორნაულო, — როცა ციხისელის სახლი მიატოვე იმ ღამით, წამოხველ და კარი შენვე გამოიხურე — კუდი კარებში დაგრაჩა. ალფეზმა სწორედ იმ კუდს, პატივმოყვარეობას რომ ეძახიან, მაგრად ჩასჭიდა ხელი, და მერე, ვინ იცის რამდენ ხანს, უკულმართად დაგატარებდა.

„დიდების მაძიებელი“... ჯონქამ ჩაიციხა და გადახედა თავის ამხანაგებს: ახლა ჩაგუ ამბობდა სიტყვას; იგი შკონი ავტობოგრაფიას ჰყვებოდა, უთუოდ იმიტომ, რომ ეგნატე ლაზიშვილი, რომელსაც იგი გადაუჭარბებლად რომ ითქვას, თაყვანსა სცემდა, მშობლების შემდეგ ყველაზე მნიშვნელოვან როლს თამაშობდა მის ცხოვრებაში.

ამ ბიჭებს საკუთარი დიდი გზა ჰქონდა, მაგრამ ისინი არ იყვნენ დიდების მაძიებლები.

ალფევიც ხომ ჰპირდებოდა დღეს ხორნაულს „დიდ საქვეყნო გზაზე გაყვანას“...

— ის კაცი ჯონქამაც ნახა, — ჩაგუ ჯონქას მოუბრუნდა, — გახსოვს? ლუღბანაში რომ შეგეხვდა?..

— ვინ კაცი?... — ვერ გამოერკვა ჯონქა, იგი აქამდე არ უსმენდა ჩაგუს ლაპარაკს.

— აი, ლუდხანაში რომ შემოვიდა, ჩოფურა, ბოხოხიანი... ამ ორი თვის წინ, გახსოვს? გამანთავისუფლესო, ამბობდა...

— ჰო, როგორ არა... — მოავონდა ჯონქას; ეს სწორედ იმ საღამოს იყო, პირველი ყელსახვევი რომ გაიკეთა და მანანასთან მიდიოდა. თავის გასამხნე-ვებლად ლუდხანაში შეიყვანა ჩაგუ. შემდეგ ჯონქამ ქუცრად სხვა რამეც გაიხსენა. ეს ხომ ნამდვილად ის კაცი იყო, თეთრ ლუქანში რომ ნახა და ველარ კი იცნო, თუმც ძლიერ ეცნაურა.

— ის სარხანია, — განაგრძობდა ჩაგუ, — განაკულაკეს და შერე, ნებად-ურთველად საქონლის დაკვლისთვის, ჩასვეს კიდევ. მე მის თხებს ვმწყემსავდი და დაწვრილებით ვიცოდი ყველათფერი...

„აჰ, აი თურმე ვინ ყოფილა.“.. ჯონქას უწინაც ქონდა გაგონილი ჩაგუს თავგადასავალი.

ისევ თავის ფიქრებს დაუბრუნდა ჯონქა. ავგაროზი კი არა ჯადო იყო ის. პატარა ენძელა, მკერდით რომ დაატარებდა აქამდე. ვანოლოცვა სჭირდებოდა მისი ძალისაგან თავის დასახსნელად.

როცა ჩაგუმ როგორც იქნა დაამთავრა სიტყვა, სხვებმაც რიგრიგობით ად-ღეგრძელეს ეგნატე და საქმოდ დაღალეს, რადგან კურსდამთავრებული თუ თავის პოფესორს სიტყვით მიმართავს — მჭერმეტყველებაც უნდა გამოიჩინოს, ნაკითხობაც, მსალალი მისწრაფებები, სიყვარული, პატივისცემა, და ბევრი სხვა რამ.

სამადლობელი ძლიერ მოკლდა სთქვა ეგნატემ და ჯონქას მოეჩვენა, რომ იგი მხოლოდ მის გასავონად ამბობდა.

— გახსოვდეთ, ყმაწვილებო, თქვენი მოხუცი ამხანაგის რჩევა, — დააბო-ლოვა ლაზიშვილმა, — ის პრინციპები, რომლებიც თქვენ ახლა გაქვთ, ცხოვრე-ბაში სასტიკ გამოცდას გაივლიან, ათასი წვრილმანი ეცდება ციხის შიგნიდან გატეხვას. ვინც შეურყეველი დარჩება — მხოლოდ ის ატარებს ახალი ადამიანის საამაყო სახელს.

ჯონქამ გადასწყვიტა ცალკე ენახა ლაზიშვილი და ელაპარაკა მასთან. თამადამ ისევ მოითხოვა თიხის ჯამი.

დრო მიდიოდა; თედო თანდათან უფრო ხშირხშირად ისწორებდა ვერცხ-ლის ბალაიან ქამართან ხალათის კალთას, რასაც უსათუოდ ახალი საღვეგრძე-ლო მოჰყვებოდა. სუფრაზე მხიარულებამ იმატა, სიმღერაც შემოსძახეს, ხოლო ტანმორჩილი ტიკტორა გახდა, დაილია! ტახტზე წოლა აღარ შევნოდა, წამოაყე-ნეს და სჯამზე დასვეს. დაფუყულმა ჯერ კიდევ ნახევრამდე სავეს მუცელზე დაიწყო თათები, იჯდა ასე, გაკოტრებულ სოვდაგარივით, ხის ჭიპი უშლიდა, თორემ წელში ორად მოიკეცებოდა.

ნაშუალამევის მეორე საათი დაიწყო და ეგნატე წამოდგა, ბოდიში მოიხა-და — ხვალ დილით გამოცდები მაქვსო. ჯონქამ განაცხადა, რომ სახლამდე გა-აცილებს; ეგნატე წინააღმდეგი იყო, მაგრამ ჯონქა გაჯიუტდა, კუთხეში მიყუ-ღებული კაუჭიანი ყავარჯენი მოუძებნა და გაჰყვა.

გარეთ გაზაფხულის წყნარი ღამე იყო, მთვარის სინათლეზე აგურის ქარხ-ნის მილები შორს, სახლების სახურავებზე ისროდნენ გრძელ ჩრდილებს. თაღს არშიებად ეშვებოდა ჩრდილი შენობის კედლებზე, ქუჩას მიჰყვებოდა კუპრის შავი ნაკადივით.

მთვარის სხივებსა და ელექტრონის სინათლეში ეძინა ვაკეს. სიჩუმეში ზმა-
მალა ისმოდა ეგნატის ყავარჯენის ასფალტზე რაკუნის.

— სხვა ჯონქა, — უთხრა ეგნატემ, — შენ ახლა საით აპირებ სამსახურს?
ფშავში?

ჯონქა ფიქრობდა რა პასუხი უნდა გაეცა და მანამ მიჰყვებოდა უსიტყვოთ,
სანამ არ შეატყო, რომ კიდევ დუმილი უკვე უზრდელობა იქნებოდა. გადასწყ-
ვიტა სიმართლე ეთქვა:

— ფშავში დამნიშნეს, მაგრამ უარი ვთქვი...

ჯონქა მოელოდა მომდევნო კითხვას, რომელიც დღეს ათჯერ მაინც მის-
ცეს — რატომ?

მოლოდინი არ გამართლდა. ეგნატე ისე მშვიდად მიარაკუნებდა ჯონქს, თით-
ქოს ასფალტს სიმაგრეს უსინჯავდა.

ჯონქამ გაიფიქრა, რომ იგი ამ წუთში ან იდიოტად ჩასთვალეს, ან ამ კაცს
სულაც არ აინტერესებდა სად იმსახურებს მისი ერთიათასთავანი სტუდენტია.
მაგრამ ჯონქას ახლა ძლიერ უნდოდა ლაპარაკი და მტკიცე ხმით, პასუხს რომ
მოითხოვს, იკითხა:

— თქვენ რას მირჩევთ?

ეგნატემ ჩაახველა და ცოტახანს არაფერი სთქვა.

— თუ ფშავში არა, მაშ სად აპირებდი? — თავის მხრივ იკითხა მან.

— თითონაც არ ვიცი...

ეგნატე შესდგა და შიამურდა ჯონქას.

— შენ რაღაც მოვსვლია ამ ცოტახანში.

— თქვენ გინდათ სთქვათ, რომ გავგიყებულვარ, — გაიცინა ჯონქამ.

ეგნატემ არ უარყო, ისევე გაჰყვა ქუჩას, მხოლოდ ყავარჯენი ახლა ილლი-
აში ეჭირა და მის ჩრდილს კული გაუჩნდა. ჯონქამ ერთხელ კიდევ სცადა აელა-
პარაკებია იგი.

— შე მინდა ვიცოდე, — სთქვა ხორნაულმა — რა აზრისა ხართ თქვეს
სრულყოფილ ადამიანზე. მაინც, როგორი უნდა იყოს... იქნებ ეს სულელური
კითხვაა, და აქ არაფერ შუაშია, მაგრამ...

— რა მოგახსენო, — ეგნატემ ილლიდან გამოიღო ჯოხი და ისევე აახმა-
ურა, — ვის როგორ ესმის. მე ვფიქრობ — სწრაფვა სრულყოფილისაკენ, მთლი-
ანობისაკენ თითქო ბუნების კანონია. როგორი უნდა იყოს? — ეგნატე გაჩუმდა
და მალა ასწია ჯოხი, — პირველი პირობა — გონება და გული მუდამ თანხმო-
ბაში იყვნენ, აზრმა ისეთი რამ არ გაიფიქროს, რომ გული სინდისის ქენჯნამ
შეაწუხოს, ან გული ჟინიანობას არ გადაჰყვეს, როცა გონება სხვას გეუბნება...

ჯონქამ გულჯიბე მოსინჯა. ავგაროზი უკვე იქ აღარ იყო.

ნელი ნაბიჯით მიდიოდა ისინი დაძინებულ ქალაქში. ეგნატე აუჩქარებ-
ლად ლაპარაკობდა და ჯოხის რაკუნით აღვიძებდა კარებთან მთვლემარე ღამის
დარაჯებს.

როცა მის ბინას მიაღწიეს და გამოემშვიდობნენ ერთმანეთს — ეგნატემ
სთხოვა ჯონქას ამ დღეებში მასთან შეეცლო, ფშავზე რაღაც მასალები სჭირ-
დებოდა. ჯონქა დაჰპირდა და წამოვიდა.

იგი ახლა პირდაპირ საერთო საცხოვრებლისაკენ გაემართა, რადგან უკვე
გვიან იყო. ორიოდღე საათით თვალს მოატყუებდა და ისევე ადგებოდა, — ექვსი
საათისთვის სოლოლაკში უნდა ყოფილიყო.

იმავე ქუჩებით ბრუნდებოდა უკან ხორნაული და ჩვეულებისამებრ გზაში ფიქრობდა. ზიარულის დროს უფრო ადვილია ფიქრი. ჯიბეებში ხელჩაწყობილი, თავადებული მიდიოდა დაცარიელებულ ქუჩებში.

მას უკვე გული აღარ აძლევდა ნებას ალფეზთან მისვლისას, ხვალ დილით ადრე ადგომაც ეზარებოდა, მაგრამ სიტყვა მიცემული ჰქონდა, დაპირება უნდა შეესრულებია.

X.

სიცხე იყო და გიორგის მინც ბეწვის საყელოიანი, თბილი პალტო ეცვა ალფეზი უკვე ვეღარ იტანდა მის დანახვას. ბეწვის საყელოდან ისე იყურებოდა გიორგი რქის სათვალეებით, თითქოს გომბეშო მოსდგომიყო ტალახიან თხრილის პირს.

ყოველთვის ცუდი ფერი ჰქონდა გიორგის, მხგრამ ახლა უცნაურად ჩასცივინვინოდა საფეთქლები. დაწითლებულ ქუთუთოებზე ეტყობოდა, რომ სიცხე უნდა ჰქონოდა.

იგი სწრაფი ნაბიჯით შემოვიდა კაბინეტში, კარები მაგრად მოიხურა, სავარძელში ჩაეშვა და მუხლებზე დიდი ტყავის პორტფელი დაიდო.

— გაიგე?

ალფეზმა მაგიდაზე მდგარი ტელეფონისკენ წაიღო ხელი უნებურად, თითქო ეშინოდა, რომ საიდუმლოება კაუჩუკის ყურსაც კი არ მოესმინა, მან კითხვით შეხედა გიორგის.

— დავით ციხისელი წუხელ დაუბატონებიათ.

ალფეზმა უეცრად იგრძინო საშინელი სურვილი, მაგიდიდან აეღო მარმარილოს ძმიძე დათა, სამელნების დასაწყობი, გადასწვდომოდა მაგიდას და ისე ჩაესრისა ეს სათვალეებიანი კაცი სავარძელში, როგორც გომბეშოს ან სხვა რომელიმე ქვეწარმავალს გასრესავენ ხოლმე ზიზლით, თვალის არიდებით, მხოლოდ ჭყლეტის ხმას თუ გაიგონებენ, თორემ აღარც მიჰხედავენ—იმ ადგილს.

— მერე? ჩემთან რა მოგარბენინებდა?

— თუ რამე ქალაღები გაქვს — უნდა დასწვა.

— არ მჭირდება დარიგება, ბავშვი არა ვარ.

— ვიცით. — გიორგის დაწითლებული ქუთუთოები აუხამხამდნენ, მსნ პორტფელი დააგდო მაგიდაზე და აცახცახებული მოკუშა. ალფეზი პირველად ხედავდა მას გაბრაზებულს.

— ნეტავი ვიცოდე რისი იმედითა გაქვთ ასეთი კადნიერი ტონი, თქვენ... — გიორგიმ ისე აუწია ხმას, რომ ალფეზმა კარებისკენ მიიხედა, — თქვენ ხომ იცით, რომ ეხლა ერთი გზა გვაქვს. იქნებ პროფესორი ციხისელივით მხოლოდ დროებით თანამშრომლობდით ჩვენთან? სასაცილოა პირდაპირ, ციხისელსაც უთუოდ თქვენსავით გარკვეული წმინდა „პოლიტიკური“ მიზნები ჰქონდა, როცა დასაავადმყოფებლად ამზადებდა პრეპარატს, როგორც თქვენ.

— ყოველ შემთხვევაში, — ალფეზმა შეიხსნა, რადგანა სუნთქვა ეკვროდა, — მე არ ვეფარებოდი რალაც არარსებულ თეორიებს. ციხისელი თქვენ მეორე, გაღმელი ბანაკიდან მოიყვანეთ. მასეთებს სამოქალაქო ომის დროს ეზჭრეტდით.

— ახ, გაღმელი ბანაკიდან. თქვენ რომელ ბანაკსა ეკუთვნით?

— თქვენსას მინც არა, ჯაშუშებისა და პროვოკატორებისას...

— რასაკვირველია, თქვენ მხოლოდ ძალაუფლების, ხელში ჩაგდების სურვილი ფამოძრავებდათ. ზეკაცი, არა? მიზანი ამხრთლებს საშუალებას, თქვენ

უნდა მოექცეთ მწვერვალზე, ბუნებით მონიჭებული ენერგიაა, არა? და ამისათვის თქვენ, ალფეზ ჩიქოვანმა გამოგიყენეთ ჩვენ ყველანი... ხა... ხა...

გიორგიმ გაიცინა და ცხვირსახოცი ამოიღო.

— მე თქვენ გეტყვით ახლა, როცა უკვე აღარა ხართ საჭირო, რას წარმოადგენთ თქვენ, ალფეზ, — გიორგიმ ცხვირსახოცში ჩააფურთხა და ტუჩები მოიწმინდა.

— გეყოფათ, ფარდა უკვე ეშვება, რა საჭიროა ეს ფარსი კულისებშიც გაგრძელდეს.

— დიად, დიად, კულისებში, სწორედ კულისებში, მე თქვენ გეტყვით რას წარმოადგენთ თქვენ, რომელსაც ნერონისა და ნაპოლეონის როლი გინდათ გაითამაშოთ, მაგრამ ასეთ როლს ბალაგანშიც კი არავინ მისცემს ისეთ უნიჭო სტატისტს, როგორსაც თქვენ წარმოადგენდით.

ალფეზმა მშვიდად დაიწყო გულზე ხელები. მას ბრაზით უთრთოდნენ კისრის კუნთები, მაგრამ დაცინვით შესტკეროდა მოსაუბრეს.

— თქვენ, — განაგრძო გიორგიმ და გაყვითლებული ხელი გამოიშვირა ალფეზისაკენ, — თქვენა ხართ ერთი უპრინციპო, უბადრუკი ავანტიურისტი, რომელიც ისევე შემთხვევით მოვიდა რევოლუციასთან, როგორც შემთხვევით წავა.

— მოვიდა?! შენც რევოლუციონერად სთვლი თავს?.. — და ალფეზმა მწარედ, ორ სართულიანად შეიგინა. გიორგის თითქო არც გაუგონია ვინება, საკმაოდ ხმამაღლა წარმოთქმული.

— მთელი თქვენი ცხოვრება კარიერისთვის ბრძოლა იყო. რევოლუციამ პეფრი თქვენისთანა გაიტაცა თან, ამოატივტივა კიდევ, მაგრამ ზღვა ლეშს არ დაიტოვებს, უსათუოდ გარიყავს ნაპირზე. ადრე თუ გვიან უნდა გამოჩენილიყო თქვენი ბუნება და აჰა... რა გინდოდათ თქვენ? მაინც რითი ხართ უკმაყოფილო? იმით, რომ ბოლშევიკებმა უფრო მეტი თანამდებობა არ მოგცეს? ჰჰ, რასაკვირველია, — ნერონი, ბატონო, ნაპოლეონი, კრომველი, კომისრად როგორ დაეტევა ამ პატარა რესპუბლიკაში...

— შენ რაღა. ხარ, ვომბეშოვს, — ალფეზმა საკუთარ მკლავებს მოუჭირა გულზე დაწყობილი ხელები, — შენ პოლიტიკური მოღვაწე გგონია შენი თავი? უბრალო ჯაშუში ხარ, რაჟღენს გაძლევენ ჯამაგირს, რომ კარიერაზე აღარ ფიქრობ?

— ჯამაგირს? აჰ, მაგაზე არც თქვენ იტყოდით უარს, თქვენც გინდოდათ ვალიუტით მიგელოთ გასამრჯელო „ხეკაცობისთვის“, არა? დიად, ჩვენ საზღვარგარეთთან გვექონდა კავშირი, რადგან ვიცოდით, რომ თქვენისთანა ნაძირალებით შიგნით ვერაფერს გავაკეთებდით, ხოლო უცხოეთის ყუმბარმშენები, მძიმე კრეისერები შესძლებდნენ ჩვენთვის გადმოეკათ ხელსუფლება.

— ელოდეთ, ზვალვე ჩაგაბარებენ მინისტრის პორტფელს!

— რას იხამ. ნიშნის მოგებით რომ შელაპარაკებით, უნდა იცოდეთ, რომ ჩემზე ადრე თქვენ დაგხვრეტენ.

გიორგიმ ისევ ჩააფურთხა ხელსახოცში.

— ვინ იცის. იმასაც ფიქრობთ, რომ თუ ცუდად წავა საქმე, გაგვცეთ და თავი დაიძვრინოთ, მაგრამ არა, ამოა ოცნებაა, ბოლშევიკებს თქვენ ვერ მოატყუებთ, პირისპირ დაგვაყენებენ დაკითხვის დროს.

გიორგი უეცრად შეიკუმშა მთელი ტანით, ნიკაპი ღრმად ჩამალა ბეწვის საყელოში. ერთ წუთს დაფიქრებული იჯდა, თვალები გაუშტერდნენ. შემდეგ სწრაფად წამოდგა ფეხზე, პორთფელი იატაკზე გადმოუვარდა მუხლებიდან.

— წავედი.

პორთფელი აიღო და კარების სახელურს მისწვდა. კარები თვითონ გაიღო. ტალანში ხაკისფერ ტანსაცმელიანი, რევოლვერიანი კაცები იდგნენ.

ვიორჯიმ ერთი მოჰხედა უკან ალფეზს.

ჩიქოვანს ორივე ხელები მაგიდის უჯრაში ჩაეწყო. ოდნავი სიფითრე გადაჰკრავდა სახეზე.

ვიორჯი გავიდა ტალანში და თან კარი გაიხურა, თუმცა აშკარა იყო, რომ ხაკისფერ ტანსაცმელიანები ჩიქოვანის კაბინეტში აპირებდნენ შესვლას.

იგი ერთ წუთს შესტყუროდა მის წინ მდგომ უცნობ სახეებს. შემდეგ ნაბიჯის გადადგმა დააპირა, მაგრამ შეაჩერეს:

— მოითმინეთ. თქვენ დაპატიმრებული ხართ.

XI

ჯონქან ზანტად გახედა გზას. ისეთი ამინდი იდგა, რომ კაცს არ გინდოდა რამეზე გეფიქრნა. შეწუხებულ იყავი. თეთრი დუქანი შორს დარჩა და თანამგზავრი ჩუმად მოაბიჯებდა გვერდით. ჯონქამ აქამდე არ იცოდა რა უნდა გაეკეთებოდა. მას ახლა ეზარებოდა კიდევ კითხვა, მით უმეტეს, რომ წინასწარ იცოდა, ცოტა ხნის შემდეგ თითონ ჩოფურა კაცი დაიწყებდა ახსნა-განმარტებას.

გზის პირზე ბალახი ცვრით იყო მოფრქვეული და ფეხსაცმლის წვერებს ასველებდა.

შეე სასიამოვნო ურუნტელოს ჰგვრიდა, განუწყვეტლივ ისმოდა ქრიჭინების ხმაური, თითქო მიწა, მცხუნვარე მზით შეწუხებული იმშუშნებოდა და წუწუნებდა ამ ქრიჭინების პირით.

მწვანე ზვლიკი გაასრიალებდა ზოგჯერ. ტოროლა შეფრთხილდებოდა მალა, მერე ფრთებგაშლილი წამოვიდოდა და მხოლოდ იმ ორიოდ წამს, როცა ეცემოდა, ძირს მოდიოდა, — უსტვენდა თავის მოკლე და მხიარულ სიმღერას.

— შორს არიან მეცხვარეები? — ჰკითხა ჯონქამ თანამგზავრს.

ჩოფურამ შუბლი დაიჩრდილა და ბოხობი უკან გადაიწია.

— აგერ, იმ ხევს გადაღმა უნდა იყვნენ.

ჯონქამ თვალი მოავლო მის ჟანჯარას და მოაგონდა პირველი შეხვედრა. ამ კაცთან; ლუღხანაში. როცა ჩაგუსთან ახალ კოსტუმს ასველებდა.

— ჩაგუს იცნობთ არა? — ჰკითხა ჯონქამ.

— სირიას? როგორ არ ვიცნობ იმ დედამკვდარს... — ბოხობიანმა ჩაიციხა და მზისგან თავალმონუქულმა ვადმობხედა ჯონქას, — იმას უნდა ერიდოს კაცი, — დარიგებით დაუმატა მან.

— რატომ?

— ვაი, მაგან დამღუპა შე, მაგ სულძაღლმა.

ჯონქა დაინტერესდა, აქ რაღაც იმალებოდა.

— მაგის მამა ჩემსას იყო გაზრდილი, — განაგრძო თანამგზავრმა, — მე რომ არ ეყოფილიყავი, ჰადი არ ექნებოდათ საკმელად, მაგრამ კარგად გადამიხადა ჩაგუმ. სულ მაგან და მაგის ძმა-ბიჭებმა, კომკავშირელებმა მომიწყეს განკულაკება და მერე კიდევ დამიჭირეს და გადამასხლეს.

— რატომ?

ბოხობიანმა გაიღიმა.

— რაღა დაგიმალო, ჩვენი კაცი ხარ, — კოლექტივის საქონელი გავრეკე; ლეჩხუმში.

— მერე? — ვერ მიხვდა ჯონქა.

— მერე და გავყიდე.

— ჰოო.

მაშ ასე, ამ კაცთან ერთად მიღის ჯონქა რაღაც საქმის გასაკეთებლად.

— ერთი ეს მითხარი, — ჯონქა დაიხარა, ბალახი მოგლიჯა და ნედლი ღე-
რო დაიხვია თითზე, — ერთი ეს მითხარი — რა ლუნდა გავაკეთოდ ჩვენ დღეს?

— ო, მაგას კარგად მოფიქრება უნდა.

— მერე და აქამდე ვერ მითხარით, თუ კარგად უნდა მოფიქრება?

ბოხოხიანმა ჩაიციანა.

— არც მე ვიცოდი აქამდე. ხომ გენდობიან მეცხვარეები?

— მენდობიან? რა მხრივ...

— ხომ მოგვიშვებენ ახლო, ლაპარაკს გაგვიმართავენ.

— რა თქმა უნდა, თუ მართლა და ჩვენებური ფშაველი მეცხვარეებია, ახლო მოგვიშვებენ კი არა, აღარც გამოგვიშვებენ, ისე გაეხარდებათ ჩვენი მისე-
ლა.

— აჰ, მაგ ღმერთმა ნუ ქნას, რომ აღარ გამოგვიშვან.

— ამიხსენით მაინც, რა უნდა გავაკეთოთ.

— რა და მივალთ, გაუმართავთ მუსაიფს. როცა ლაპარაკში გაერთობიან, შენ ან მე, რომლისათვისაც უფრო მოხერხებული იქნება ან ორივე, ამოვიღებთ აი, ამას, უყურე...

მან მაზარის ორივე ჯიბიდან ამოიღო პატარა შუშები, მსხლის ფორმისა, შავი, მომწვანო სითხით სავსე.

— ერთს გაჰკრავ წკიპურტს თავზე და ისე თხელი მინაა, ხელად მოტყდებ-
ა. მერე უნდა შეუმჩნევლად დავიჭიროთ ცხვარი, ვითომ ვეჭიდებით და დუმას უსინჯავთ, ერთი-ორი წვეთი უნდა გადმოისხა ეს წამალი პეშვზე და დრუნჩზე მოუსვა ცხვარს. ასე სულ ცოტა ათ ცხვარს მაინც უნდა გაუკეთოთ, ზოგი თი-
თონ აგილოკავს ხელს ზოგს ბალახს როცა სჭამს, ზედ უნდა მოუპკურო.

— კი, მაგრამ, რისი წამალია ეს?

ბოხოხიანმა მხრები აიჩეჩა და გაიღიმა.

— რა ვიცი, უშვილობის მალამო რომ არ იქნება შენც მიხედები.

ჯონქა გაოგნებული მიაბიჯებდა შარახე, იგი ვერ ბედავდა დაეჭვებუ-
ლიყო. მას მოაგონდა ის დღე, როცა ფუნდუქში მოხვდა პირველად. ვიღაც პასუხისმგებელი პირი ბრუნდებოდა ბეთანიის დასასვენებელ სახლიდან და ალფეზსა და გიორგის გრძელი საუბარი ჰქონდა მასთან, ცალკე, კარდახშულ ოთახში. შემდეგ უცნაურად ხანმოკლე ნადირობა კიკეთის ტყეში. მერე უცნა-
ური დავალება, რომელსაც ალფეზის თქმირ იგი უნდა გამოეცადათ, გამოდგე-
ბოდა თუ არა სხვა, უფრო სერიოზულ საქმისათვის. ჯონქა მოუთმენლად მი-
უბრუნდა თანამგზავს:

— კი მაგრამ, ხომ უნდა ვიცოდეთ რა მიზნით კეთდება ყველაფერი ეს. ბოხოხიანმა ისევე აიჩეჩა მხრები.

— რას იზამ, ასეთია დავალება.

სწორედ ამ დროს საურმე გზა ხევის პირს მიაღწა და გაღმა მინდორზე გა-
რეკილი ცხვარი გამოჩნდა. ჩანგლებიანი ნაგაზები ყეფით გამოქანდნენ.

— ჰა, ჩაიდე ჯიბეში, — მიაჩეჩა წამლიანი შუშა ბოხოხიანმა.

— არა, — ჯონქამ მოიშორა გამოშვებული ხელი, იგი უკან გაბრუნებას აპირებდა, მაგრამ უკვე გვიან იყო, ნაგაზებს მწყემსი ბიჭები გამოუდგნენ გასა-
შვლებლად. სანამ ჯონქა რამის თქმას მოასწრებდა ბოხოხიანმა დაიძახა:

— ჰეი, მეცხვარეებო, აქეთ მოდიო, მეზობლები გესტუმრენ.

ნაგაზებმა მწყემსებს გამოუსწრეს, ხევეამოღმა გამოცვივდნენ და მოსულებს შემოუტეის. ერთი ჟღალა ნაგაზი მოზვერის ოდენა იყო, ყველაზე ვეებერთელა ჩანგლები უჩხრიალებდნენ, ისე აკაპუნებდა ადლის სიგრძე შუანებს, რომ ჯონქამ და მისმა თანამგზავრმა ჩაბუქნეს და ამაოდ ეძებდნენ ქვებს სველი ბალახით დაფარულ მიწაზე.

მწყემსებმა კომბლითა და შოლტის ტყაცუნით მოაშორეს ძაღლები სტუმრებს.

ჯონქამ ერთი მათგანი, თალფაქიანი ახალგაზრდა ბიჭი იცნო.

— გამარჯობა ლექსო.

— გაგიმარჯოს. — ბიჭმა უთუოდ ვერ მოიგონა ვინ უნდა ყოფილიყო ეს კოსტუმიანი ქაბუჯი, — შობრძანდი — დაუმატა მან.

— სარქალი ვინა გყავთ? — თითონაც არ იცოდა რისთვის შეეკითხა ჯონქა.

— მელანთ თევდორა.

— მართლა? — ჯონქას გაეხარდა, კარგად იცნობდა ამ მოხუცს. ამ დროს ბოხობიანი გვერდით ამოუდგა და სწრაფად ჩაუღო შუშა შარვლის ჯიბეში.

— ავერ იქა დგას, — მწყემსმა კომბლით მიუთითა გაღმა, ფარის ნაპირთან გაჩერებულ მწყემსებისაკენ.

— სარქალო, — დაუძახა მეორე მწყემსმა, — აბა აქეთ მოდექ. შენა გკითხულობენ.

— ჩვენ თვითონ მივიდეთ, უფროსი კაცია. — სთქვა ბოხობიანმა.

მოსულები უკან გაჰყვნენ მწყემსებს, თევდორე კომბალზე დაყრდნობილი იდგა. შეერთებული ჰქონდა თეთრი წვერი, თმა და უღვაში. ქამარზე ადლიანი, შავტარა ხანჯალი და ტყავის მათარა ეკიდა. ისეთი სიმშვიდე და თავდაქერა გამოსჭვივოდა ამ მოხუცის სახიდან, რომ უნებურად პატივისცემასა და კრძალვას იგრძნობდი.

მოხუცი ყურადღებით ათვალიერებდა მოსულებს, სანამ მიუახლოვდებოდნენ შემდეგ მიესალმა და ჰკითხა რაზედ გარჯილხართო.

— ჩვენებურების ნახვა მომინდა, პაპავ, — უთხრა ჯონქამ ღიმილით. ამ წუთში იგი ისე გახარებული იყო მოხუცის ნახვით, რომ სჯეროდა რასაც ამბობდა.

თევდორემ მოსულოდნელად იცნო ჯონქა და სახე გაუნათლდა.

— ბალო, შენ ლუკას ბიჭი არა ხარ?

მწყემსები გარს შემოეხვივნენ მოსულებს. ჯონქამ იკითხა სოფლის ამბავი, ცხვრისა. თევდორე წინ გაუძღვა სტუმრებს, ბატკნებთან მიიყვანა.

პატარა ბამბის ქულებით იყო მოფენილი მწვანე მინდორი. ბატკნები დაბაკუნობდნენ სუსტი ფეხებით, კიკინით დასდევდნენ დედებს. თევდორემ აიყვანა ერთი მათგანი, ბავშვივით მოეფერა ეს უხეში ვაჟკაცი პატარა ცხოველს, ვარდისფერი ქაჩაჩი გაუსინჯა წინა ფეხებზე, გაქერქეშებული თითი პირში ჩაუღო და მოაწოვიანა. უთუოდ თავის შვილებს არ მოეფერებია იგი ასე.

მისი შვილებიც, მამასავით მხარბეჭიანი წვერ-უღვაშით შებანჯგვლულნი, მაღალი ცხვრის ქუდებით, რომელშიც შუა ზამთარშიც დაგცხება კაცს, იდგნენ და სიხარულით გაჰყურებდნენ ფარას.

— ავ თვალს არ შეეხედება, შვილო, — უთხრა თევდორემ ჯონქას. ჯონქას უსიამოვნოდ გაჰკრა გულში და ბოხობიან თანამგზავრს გადახედა. იგი ახალგაზ-

რდა მწყემსებში ჩამდგარიყო, ფარაჯის ჯიბეებში ჩაეწყო ხელები, ქული გადა-
ეწია და უთუოდ ოხუნჯობდა. — მწყემსები გულლიად ილიმებოდნენ.

— ეგ კაცი ვინ არის, ჯონქაო? — ჰკითხა სარქალმა.

— თეთრი დუქნიდან წამომყვა გზის მაჩვენებლად.

თევდორემ ახლა ყოჩების სანახვად წაიყვანა ჯონქა. ორი-სამი ისეთი წყვი-
ლი მყავსო, იკვებოდა მოხუცი მწყემსი, რომ არც შირაქში და არც თრიალეთ-
ზე მათი ძალის ქედილას ვერ ნახავო.

ჯონქა უცნაურ მდგომარეობაში იყო. მას არ ჰქონდა დრო, ეფიქრა
როგორ მოქცეულიყო.

მან გადასწყვიტა თვალი არ მოეშორებია ბოხობიანისთვის, თან წაეყვანა
სადაც წავიდოდა. ახლაც მკლავში ხელი მოჰკიდა და გაიყოლია.

ქედილებს ცალკე აძოვებდნენ. ისინი მართლაც იმოდენანი იყვნენ და ისე-
თი მკვრივი ტანი ჰქონდათ, რომ ბიტუფის ცხენებს უფრო წააგავდნენ, ვიდ-
რე ცხვრებს. განსაკუთრებით ერთი მსთვანი გამოირჩეოდა ჟღალა ფერისა. უც-
ხო ტანსაცმელში გამოწყობილი ადამიანების დანახვაზე მან ბალახის ძოვას თა-
ვი შიანება და მიაშტერდა მათ თავისი გამომეტყველებას მოკლებული თვალე-
ბით. ბორცვზე შემდგარი, მზის ქვეშ ოჭროს ვერძსა ჰგავდა.

ბოხობიანმა ალერსის ნიშნად დაუსტვინა და გაემართა ცხვრისაკენ. ყოჩ-
მა ჯიუტად დახარა თავი მოლოდინში, ორი, გრებილი რქა რკინის რვალები-
ვით ჰქონდა მიკრული ფართო კეფაზე.

— მოიცა, ყინო, თორე იქნება მიწა გათხრევისოს, — სიცილით უთხრა
სარქალმა ბოხობიანს, მან ფარაჯის კალთები აიკრიფა და გვერდზე დადგა.

მწყემსებმა მეორე თეთრი ყოჩი გამოათრიეს რქით, ოჭროს ვერძს დაუპი-
რისპირეს და ხელი ჰკრეს უკანიდან. თეთრი გაქანდა, მოისმა მძლავრი ჯახანი.
დაიწყო ჭიდილი, რომელსაც არავითარი მსაჯი არ ესაჭიროებოდა, ორივე ფა-
ლავანი მეტისმეტად კეთილშობილი და რაინდული იყო. ყოველგან წესებს
იცავდნენ, საშინლად ურტყამდნენ ერთმანეთს თავებს და ჯონქამ, რომელსაც
უკვე დიდი ხანი იყო აღარ ეყურებინა ყოჩების ჭიდაობისათვის, გაიფიქრა,
რომ ცხვრებს თვალეები წამოსცვივდებოდათ, ან ტვინი შეერყევოდათ.

— ჰაი, თქვე ცეტებო, თქვენა, — დაიძახა თევდორემ, — დაიცა დედლებში
გაგიშვათ, იქა ვნახავთ თქვენ ვაჟაკობასა, კისრებს დაგიბოშებენ სქელდუ-
მიანები.

მწყემსებმა ჩაიცივნეს.

— ყველის საქმე როგორა გაქვთ, პაპავ? — ჰკითხა ჯონქამ.

— კარგად. წელს ცხვარი მადლიანად იწველება.

სარქალმა კარავში შეიყვანა სტუმრები და აჩვენა რძით სავსე ქვაბო, რო-
მელიც ცეცხლზე დულდა. რძის ორთქლით იყო გაჟღენთილი ჰაერი. ერთ
მხარეს ყველით სავსე გუდები ეწყო. ქვაბთან ორი მწყემსი ტრიალებდა; იქვე,
მიწაზე, გაშლილ ნაბადზე კოჭები ეყარა.

— ერთი ამით დამიხედე, — სთქვა სარქალმა, — ბალები ცხვარში ვეღარ
მოგყავს, სკოლას მოსცდებიან, ახლა ამით დაუწყიათ ბალებივით კოჭების
თამაში.

ისევ გარედ გამოვიდნენ, კარავთან ჩამოსხდნენ ქვებზე. იქვე პატარა, ჯერ
კიდევ ყურმოუჭრელი ბუთხუხა ლეკვები დარბოდნენ, მურა დრუნჩებით ედე-
ბოდნენ ყველაფერს და იღრინებოდნენ თავის გასართობად.

— აბა, შვილო, ახლა შენ გვითხარი ქვეყნის ამბავი, — სთქვა თევდორემ და
ჩიბუხი ამოიღო, — ნაწწავლი კაცი ხარ, ჩვენს სოფელში ახლა შენზე უფრო ნას-

წავლი არავინ გვეყოლებათ, ასე ამბობენ. მამა შენი ლუკაი ბუდნიერია, აგრემც დაურჩი. კარგია შეილო, ახლანდელ დროში სწავლა თუ არა გაქვს, ვაჟ-კაცობა ვერას გარგებს, ჯაბანიც დაგზავრავს. გაზეთი ხომ არა გაქვს, იქნება ომისა ისმის რაიმე, წავეციოთხე შენ გახარებას.

ჯონქას გაზეთი არ ჰქონდა. მან ბოხოხიანს გადახედა. იჯდა ის ვაიძვერა, ქუდი ცხვირამდე ჩამოეწია და ილიმებოდა. ჯონქამ სირცხვილიც იგრძნო და ბრაზიც.

მთელი ამ ხნის განმავლობაში ჯონქას ერთი აზრი ჰქონდა აკვიატებული და ვერ მოეცილებია თავიდან: რა უნდა ყოფილიყო ეს შავი, მომწვანო წამალი?

ოგი მზად იყო ყოველივე ცუდი ეფიქრა, მაგრამ ალფეზი? ნუ თუ ალფეზი სჩადის ასეთ საქმეს?

შემდეგ თანდათან მოაგონდა ალფეზთან საუბარი. მაღლა, სულ მაღლა. იქნებ ესეც გზა იყო სიმაღლისაკენ.

ჯონქას მწარედ ჩაეცინა გულში. პატარა ბატკნების დახოცვა, ამ ხალხის გაუბედურება, დღედაღამ, ავღარში ნაბადს შეფარებული ფეხზე რომ დგას და თავს დასტრიალებს მარჩინალ ცხვრის ფარას.

თითქოს მისი ფიქრის საპასუხოდ ბოხოხიანი ლილინით წამოდგა ფეხზე და ცხვრისაკენ დააპირა წასვლა.

— სად მიდინარ, — დაუძახა ჯონქამ, — მოდი აქ დაჯექი.

და იგრძნო, რომ შეკახედ გამოუვიდა. ბოხოხიანმა აგდებულად მოჰხედა.

— გავიარ შე კაცო, ხომ არ დავიკარგები.

— არა, მოდი აქ დაჯექი.

— გაუშვი, იქნებ უქირს მაგ კაცსა, — სიცილით სთქვა ერთმა ახალგაზრდა მწყემსმა.

ბოხოხიანი მიბრუნდა და ლილინით წავიდა.

— შენ არ გესმის? — თითქმის დაუყვირა ჯონქამ, თითონაც წამოდგა, წამოეწია და მკლავში ხელი ჩაავლო.

ბოხოხიანმა გაიღიმა სხეების დასანახავად, თვალები კი გადმოეკარკლა.

— გადაირიე? — უთხრა ჩურჩულით, — ექვს აიღებენ... რომ ჩავვარდეთ, დაგვზვრეტენ ორივეს.

— მოიტა აქ წამალი.

— ხომ გაქვს შენ ერთი შუშა.

— მოიტა მეორეც.

— რად გინდა?

— მოიტა.

— მითხარი რად გინდა, კაცო, ასე როგორ შეიძლება.

— მოიტა მეთქი.

— დავალებას შესრულება უნდა, ძმარ.

— ვერ შეასრულებ.

— რაო?..

ჩაყვავილარო სახე გაუფითრდა, მხოლოდ ფოლაქების მსგავს ხორცმეტებს შერჩათ შავ-წითელი ფერი. ერთ წუთს თვალების ხამხამით შეჰყურებდა ხორხაულს, შემდეგ ხმაშეცვლილმა სთქვა:

— გამიშვი ხელი, შენ შენთვის, მე ჩემთვის, წადი რაც გინდა ის ჰქენი.

ჯონქამ იგრძნო, რომ სიხარულით დაახრჩობდა ამ კაცს. მეორე ხელიც ჩაავლო მაჯაში, ტუჩზე კბილი დაიჭირა და ისე უთხრა:

— ვერსად ვერ წახვალ.

ბოხოხიანმა გაიბრძოლა, გაინთავისუფლა ცალი ხელი და ჯიბისკენ წაიღო, მაგრამ ჯონქამ წელზე შემოჰხვია მკლავები, მიწაზე დაანარცხა და თითონაც თან გადაჰყვა. რამდენჯერმე გადაგორდნენ მიწაზე ასე ჩაბღუჯულები.

მწყემსები მოცივიდნენ, გააშველეს და ფეხზე წამოაყენეს ორთავენი.

— რასა ძიძვილაობთ, ყინჩო, — გაკვირვებულნი ეკითხებოდნენ ორთავეს.

— დაიჭით ეგ კაცი, არ გაუშვათ — დაიძახა ქშენით ჯონქამ, — ცხვრის მოწამვლას აპირებდა.

ბოხოხიანმა გაიწია, მაგრამ მაგრად ეჭირათ.

— რა ამბავია, შეილო, ცხვართან რა ხელი აქვს? — შეშფოთებულნი კითხულობდა თვედორე.

— აი, წამალი, — ჯონქამ ჯიბეზე ხელი მოისვა, მაგრამ შუშა. იქ აღარ იყო, იგი დაიხარა ძირს და სწრაფად იპოვნა, ბალახებში გადავარდნილიყო ჭიდაობის დროს.

— ერთიც მაგასა აქვს, გაჩხრიკეთ.

ბოხოხიანს ფარაჯის ჯიბეში ჩასტყდომოდა ბოთლი და რუხი ქსოვილი მწვანედ გაუდნთილიყო.

— ამ ადგილს მიწა მოაყარეთ, ცხვარი არ მიაკაროთ, კარგად ნახეთ სად დაიღვარა წამალი.

მწყემსები გაოცებულნი ფუსფუსობდნენ.

— პაპავ, ორი კაცი უნდა მომცე, თოფიანი, ეს ქალაქში უნდა წავიყვანო... — ჯონქამ თვალით ანიშნა ბოხოხიანზე, რომელიც ორივე ხელებით ეჭირათ მხარბეჭიან მწყემსებს.

ბოხოხიანმა ხმადაბლა, მაგრამ შიანც გასაგონად, მყრალად, სასოწარკვეთილად შეიგინა.

XII

როცა შინსახკომიდან გამოვიდნენ, ჯონქამ სოლოლაკამდე მიაცილა მწყემსები, გამოემშვიდობა და რუსთაველის გამზირისაკენ გამობრუნდა.

მან უკვე იცოდა — აღფეხ ჩიქოვანის დაბატიმრება. იგი დარწმუნებული იყო, რომ სხვა ბევრი ახალი ამბები დაუხვდებოდა ტფილისში და ახლა თვალეზით ეძებდა ნაცნობს გამვლელთა შორის.

უკვე დაიწყო სიცხეები ტფილისში, სასახლის წინ ხეივნის ფოთლებზე მტვერი დაწოლილიყო. ასფალტი ზოგან ცომივით იზნიქებოდა ფეხქვეშ, სივდებოდა და აქა-იქ ბორცვებად ამოზიდულიყო.

ხორნაული არაჩვეულებრივ სიმსუბუქეს ფრძობდა დიდხნის სულმძიმობის შემდეგ. უნდოდა სულ ხმამაღლა ელაპარაკა და უმიზეზოდ სიცილი დაეწყო, როგორც ფშველ მწყემსებთან ერთად სჩადიოდა, ქუჩაზე მიმავალი. ფშველები შეათეჯერ ჰკვირობდნენ, თავს აქნევდნენ და უწრუწუნებდნენ ერთმანეთს, შერე ჯონქას მადლობას ეუბნებოდნენ, ისევე ჰკვირობდნენ და ბოლოს იცინოდნენ ხმამაღლა და უდარდელად, როგორც ახალგაზრდებს სჩვევიათ.

ბოლოს, როგორც იქნა თვალი მოჰკრა ნაცნობს ჯონქამ. ეს ციციანო აბილაზორი იყო. შორიდანვე შენიშნა მისი შუქურა — ქულის წყალობით.

ჯონქამ გზა გადაუღობა და მიესალმა.

— რა არის ახალი თქვენკენ, ციციანო?

— რა უნდა იყოს ჯონქა, შენ ალბათ ჩემზე უკეთესად იცი ყველაფერი.

— არა, მე ეს ორი-სამი დღეა არ გამოვსულვარ, ჩამოვრჩი ცხოვრებას.

— ორი-სამი დღე? მაშ იქნებ არც ის იცი, რომ მანანა გათხოვდა.

ჯონქას ძლიერ არ გაჰკვირვებია. იგი უკვე გაღვივდა გაწითლებას. მხოლოდ თვალის ქუთუთოები აეწვა.

იგი ხომ მოელოდა ამას. უკვე წინასწარ იცოდა, რომ ეს ასე უნდა მომხდარიყო.

— არ იცოდი ჯონქა?

— არა, არ ვიცოდი. — ციციწო გამომცდელი თვალებით უყურებდა ჯონქას; უნდოდა სრული გულგრილობა გამოეჩინა.

— შენ, ციციწო? შენ როდისღა გათხოვდები?

— მგონი აროდეს!

— მართლა!?

— შენ, როგორ ფიქრობ, ჯონქა, შეგძლებ თუ არა მე თავისუფლად ვიცხოვრო და თანაც სახელი არ გავიფუჭო?

— რას ეძახი, გენაცვა, თავისუფლად ცხოვრებას, ან სახელის გაფუჭებას? ჯონქას უკვე აღარ უნდოდა ამ ქალთან ლაპარაკი.

მაშ მანანა გათხოვდა.

გათავდა ზღაპარი.

— მე ვერ ვივარგებ მრჩეველად, ციციწო, — დაასვენა ჯონქამ, — ცუდი მორალისტი ვარ და კიდევ უფრო ცუდი მცოდნე ეთიკეტისა.

ორთავენი გაჩუმდნენ, რასაც ჩვეულებრივ გამომშვიდობება უნდა მოჰყოლოდა, მაგრამ ციციწოს უეცრად მოაგონდა.

— მართლა, ვინ იცის, არც ის იცი, რომ ძია დავითი დაიჭირეს?

ჯონქამ არც ეს იცოდა.

— შენ წარმოიდგინე, წინა დღით მანანამ და თამაზმა ხელი მოაწერეს და მოსკოვს გაემგზავრნენ, მეორე დამეს კი დავითი დაიჭირეს. ამბობენ, რომ დიდი მავნებლობა აღმოუჩინიათ.

თანდათან ყველაფერი ნათელი ზდებოდა.

— ნახვამდის, ციციწო.

მაშ ასე, მანანა მოსკოვს გაემგზავრა

მიდიოდა ბიჭი ქუჩაზე. თვალები ფიქრით უღიმოდნენ. იგი უღიმოდა თავის წარსულ სიყვარულს, რომელიც უკვე მოგონებად იქცა. იგი არ გრძნობდა ტკივილს. ყოველივე ისე წარიმართა, როგორც მოელოდა. მას არ უნდოდა თავის გატაცებისათვის სისულელე ეწოდებია. ჰო, ეს ძლიერ მძაფრი გატაცება იყო, მაგრამ შეცდომა კი არა. ჯონქა შეეცადა მოეგონებია მანანას ღიმილი, ისეთი ღიმილი, როგორიც მხოლოდ მანანამ იცოდა ქვეყნად და სხვამ არავინ. მხოლოდ მანანამ და მხოლოდ მისთვის, ჯონქასთვის, შეეცადა, ვერ იბოვა, ისევ ის ცივი, ზოგჯერ მაცდური, მაგრამ უცხო გამოხედვა მოაგონდა. ბოლო დროს რომ ჰქონდა მანანას. მან თავის თავს უღალატა, შეიცვალა. რომელი იყო ნამდვილი მანანა, ის პირველი, თეთრი იასამანი, თუ მეორე, გამოცვლილი? რასაკვირველია, პირველი. მაგრამ იგი გაჰქრა. ჯონქას ახსოვს; ყველაფერი ახსოვს, მაგრამ საკვირველია; მოგონება ტკივილს აღარ იწვევს უკვე.

გათავდა ზღაპარი.

მართალი იყო წინო ციხისელი, ენძელა მეორეჯერაც ამოდისო. თუმცა მეორეჯერ მხოლოდ შემოდგომით, როცა ფოთოლთცვენა დასრულდება და სადამცა უნდა დაიწყოს ჭირხლი და ცივი ნისლი, მაგრამ რა საჭიროა ეს სიმბოლიკა. ჯერ მაისია. ჯონქა გრძნობს რომ ენძელები ისევ ამოვლენ. მარტის ენძელა დაჰქენა, მზეს ვერ გაუძლო ალბათ.

ჯონქა ფიქრებიდან გამოერკვა. მან გადასწყვიტა ეხლა პირდაპირ ეგნატე ლაზიშვილთან წასულიყო.

მოხუცი პროფესორი სახლში დაუხვდა. ისევ ისეთი უხერხული სისუფთავე იდგა მის ოთახში. გაპრიანებულ იატაკზე მაინც დარჩებოდა ლაქები, რაც უნდა გულდასმით გაგეწმინდა ფეხსაცმელი შემოსასვლელში. ჭერამდე იყო სამთავ კედელზე აღმართული წიგნის კარადები. მაგიდაზეც წიგნები ეწყო, ტახტზეც, დერეფანშიც... მაინც ვერსად ეტევიოდა და კუთხეშიც მოესვენებიათ იატაკზე რამოდენიმე.

მაინც ეტყობოდა ბინას, რომ მარტოხელა კაცი ცხოვრობდა აქ.

ეგნატე სათვალევით იჯდა მაგიდასთან. გაყვითლებული ხელთნაწერები ფართალივით ჰქონდა გადაშლილი.

— ოჰ, ჯონქა, შემოდი, შემოდი.

იგი სავარძლიდან წამოდგა და ხელი ჩამოართვა.

— სადა ხარ, რატომ აღარ მინახულე?

ჯონქამ გაიფიქრა, ყველაფერი დაწვრილებით ეამბნა მისთვის, მაგრამ წამსვე თავი შეიკავა. ეს მის საიდუმლოდ უნდა დარჩენილიყო. ჯონქა წამოჯდა სკამზე და სიამოვნებით შესცქეროდა მოხუცს. მას უთუოდ გულწრფელად გაუხარდა ჯონქას მოსვლა. სუფთად მოპარსული თავი უპრიანებდა ფანჯრიდან შემოსულ მზის შუქზე. თეთრი, მოკლე წვერი ჟღერავდა ნიკაპს.

— სხვა, ჯონქა, ახალს რას იტყვი?

ჯონქას ეხლა უნდა ეთქვა ის, რისთვისაც მოვიდა აქ.

— ახალი ის არის, რომ მე უკვე გადავწყვიტე.

— გადასწყვიტე?

— დიალ, ჩემს სოფელში დაებრუნდე მასწავლებლად.

ეგნატე ადგა, პატარა აივნის კარებთან მივიდა და ქალაქს გადახედა. იგი ასე იქცეოდა ყოველთვის, როცა ფიქრი უნდოდა.

— ყოჩაღ, ჯონქა, მე ვიცოდი, რომ შენ ასე უნდა მოქცეულიყავ ადრე თუ გვიან. — ეგნატე მობრუნდა და ისევ მაგიდასთან დაჯდა.

— ადამიანი ისე სიყვარულითა და პატივისცემით არავის მოიგონებს, როგორც კარგ მასწავლებელს. ზოგჯერ შემთხვევით წამოცდენილი რამ ისე ღრმად ჩაგემარხება გულში, რომ შემდეგ თითონვე აღარ გახსოვს საიდან გაჩნდა ის უძლეველი ლტოლვა თუ ინტერესი ცხოვრების რომელიმე მხრისადმი, რომელიც სიკვდილამდე შეგრჩება. რა უნდა იყოს იმაზე უფრო დიდი სიხარული, როცა ამჩნევ, თუ როგორ გაუღე ბუნების კარი ადამიანებს, როგორ უფართოვდებათ ბავშვებს თვალები. სამუდამოდ აღიბეჭდება მათ ხსოვნაში ის, რასაც თქვენ ინტერესით, მონღომებით გადასცემთ. მახსოვს შენი სიტყვები. შენ გსურდა გამზადარიყავი სრულყოფილი, მთლიანი პიროვნება. ამის მიღწევა მხოლოდ ხანგრძლივი და შეგნებული თვითაღზრდით შეიძლება. ყველაზე უკეთესი პირობა ამისათვის არის თვალყურის დევნება სხვების აღზრდაზე. უბრალო ჩვევები სკოლის სკამიდანვე ანსხვავებენ ადამიანებს ერთმანეთისაგან. მასწავლებელი ყოველთვის წაბადვის საგანია ბავშვებისათვის. იქ, უნებურად დააკვირდები შენს თავს.

ჯონქა თავჩალუნული იჯდა სკამზე და უსმენდა.

— ბოლოს, რა უნდა იყოს სრულყოფილი ადამიანის იდეალი, — დარწმუნებული, და თავდაჯერებული თუ იქნები, რომ აროდეს ჩაიდენ ისეთ რამეს, რაც შემდეგ სინდისის ქენჯნას გაგრძნობინებს. ცხოვრების გზა ნათელი უნდა იყოს, იქნებ შენი ცოდნით თუ ნაშრომით კმაყოფილება აროდეს იგრძნო, ეს უკეთესიც უნდა იყოს ჩემი აზრით, მაგრამ შენი ქცევით, შენი შეხედულებებით

ცხოვრებაზე უნდა გრძნობდე სიმწვიდეს. ჩვენ ინტელექტის ადამიანები ვართ და ადამიანის უმაღლესი ზნეობრივი მოვალეობაა სხვას, მოძმესაც გადასცეს აზრი, აამაღლოს იგი ქეშმარიტ ადამიანობამდე. შენი უპირატესობით სიამაყე და თავის წარმოდგენა ზემდგომად იმის გამო, რომ მაღალი ინტელექტითა ხარ დაჯილდოვებული — ინტელიგენციის ეს სულიერი ავადმყოფობა ისეთივე უგუნურობაა, როგორც ის, რომ უსინათლოს ქედმაღლურად დაუწყუო ლაპარაკი, რაკი შენ თვალბილული ხარ. შენ ზომ გაგიგონია, ჯონქა, ზოგიერთ ოჯახზე, გვარზე ან უფრო იშვიათად სოფელზეც იტყვიან ხოლმე — პატიოსანი ხალხიაო. ეს იმიტომ, რომ ერთი გამორეგია მათ შორის კეთილშობილი, ძლიერი ნებისყოფით გავლენა მოუპოვებია ახლობლებზე და მთელი თაობა მის კვალს გაჰყოლია, ასე უნდა იყოს მასწავლებელი. კულტურაში ზოგიერთი იმას გულისხმობს, რაც ადამიანს ზედმეტი უქმი დროის გასატარებლად შეუძენია. სოფლიოდან სასწავლებლად ჩამოსულმა ყმაწვილებმა თავიდანვე უნდა იცოდნენ რა არის ქეშმარიტი კულტურა, მაშინ აღარ დაიბნევიან ისინი.

შენ როდის აპირებ გამგზავრებას, ჯონქა.

— სულ მალე. როგორც კი გამოცდებს მოვჭრები. უთუოდ ველარ გნახავთ წასვლამდე.

— მაშ მოიცა, მე შენ სამუშაოს მოგცემ. იქ, სოფლად უკეთესად, უფრო გულდამჯდარად შეიძლება კითხვა და წანაკითხზე ფიქრი.

პროფესორმა დაიწყო წიგნების ჩხრეკა, რამდენიმე მათგანი ამოარჩია და წინ დაუწყო ჯონქას, შემდეგ დავალება მისცა, სთხოვა მისი ახალი შრომისთვის საჭირო ისტორიული გადმოცემების შეგროვება.

ბოლოს, გამომწვიდობებისას კიბემდე გამოაცილა და მოეხვია.

— წერილები მოიწერე, ჯონქა, არ დამივიწყო. როცა კი ჩამოხვიდე — უსათუოდ მოდი ხოლმე, მინახულე,

ჯონქა გახარებული გამოვიდა მისგან. სულში გრძნობდა რაღაც სითბოს, ისე ეჭირა წიგნები ილიაში, თითქო ძვირფასი საჩუქარი მიჰქონდა თავისი-ანებისათვის შინ.

გადასწყვიტა ვაკეში, სტუდენტთა ქალაქამდე ფეხით გასულიყო.

როცა უნივერსიტეტის თეთრ შენობასთან ჩაიარა, გაჩერდა. მოპირდაპირე ზხარეს, ვარაზის ხევთან და დიდხანს უცქერდა. მზით განათებულ დიდ ფანჯრების იქით მხიარული სახეები გაიელვებდნენ ზოგჯერ. ბაღში, სადაც მელიქიშვილის ძეგლი იდგა, ფართო კიბეებზე კარებებში სტუდენტები ირეოდნენ...

ჯონქამ განაგრძო გზა სტუდენტთა ქალაქისაკენ. ნაბიჯი მსუბუქი ჰქონდა და თანაც მწვიდი.

მას უნებურად მოაგონდა მწყემსი თევდორე და შემდეგ ის ორსართულიანი, რიყის ქვით ნაშენი სახლი, სადაც მათი სოფლის სკოლა იყო. ქვევითა ფანჯრებზე მუდამ ფიცარი ჰქონდა მიკრული, რადგან ბავშვები ამტვრევდნენ შურდულებით. აივანი ივრის ტოტს გადასცქერდა. მდინარეზე გადახრილ წნორებს ფოთლები მუდამ სველი ჰქონდათ ლოდებზე აქაფებულ ზეირთებისაგან.

ჯონქამ ასწია თავი და გაჰხედა ქუჩას. პირველად იგრძნო, ამ რამდენიმე წლის განმავლობაში, რომ ის რიყის ქვით ნაშენი სახლი ძლიერ ახლობელი იყო, ყველა ოთახები, შერყეული კიბის საფეხურებიც კი, დაწერილებით ახსოვდა.

კ რ ი თ ი ა ა

პრ. ასტვაცატუროვი

ლიგარაგული ახალგაზრდობა რსი წლის მანძილზე

ქართველი ხალხის უბოროტესმა მტრებმა—მენშევიკებმა საქართველო მოსწყვიტეს რევოლუციურ რუსეთს, ისინი მხარში ამოუდგნენ თეთრგვარდიელებს, კაპიტალისტური სამყაროს ყველაზე რეაქციურ წარმომადგენლებს — ბურჟუაზიულ ინტერვენტებს და შეეცადნენ რუსეთის პროლეტარიატის ისტორიული გამარჯვება სისხლში ჩაეხრჩოთ. ქართველი მენშევიკები ყველაფერს აკეთებდნენ იმისათვის, რომ ოქტომბრის რევოლუცია დამარცხებულიყო. ისინი ქედს იხრიდნენ დასავლეთის იმპერიალიზმის წინაშე, აშკარად და უსირცხვილოდ აცხადებდნენ, რომ დასავლეთის იმპერიალისტები გვირჩვენია აღმოსავლეთის ფანატიკოსებსო, ე. ი. რუსეთის რევოლუციურ პროლეტარიატსო.

ქართველ მენშევიკებს სურდათ საქართველო კონტრრევოლუციურ „ციტადელად“ და რუსი თეთრგვარდიელებისა და გარეშე ინტერვენტების „საიმედო“ ზურგად ექციათ. ისინი ყოველგვარ მსხვერპლს იღებდნენ, რომ თავიდან აეცილინათ რევოლუციის საშიშროება. მაგრამ რევოლუცია ძლევამოსილად იკავავდა გზას. იგი გარდუვალი იყო საქართველოსათვის. საქართველოს და ამიერ-კავკასიის მუშათა კლასმა და გლეხობამ რევოლუციური გამოღვიძებისა და პოლიტიკური მომწიფების გარიჟრაჟიდანვე მსოფლიო პროლეტარიატის დიდი ბელადების ლენინისა და სტალინის გენიალური ხელმძღვანელობით მჭიდროდ დაუკავშირეს თავიანთი ბედი რუსეთის მუშათა კლასის ბედს. საქართველოს პროლეტარიატი მე-19 საუკუნის დასასრულიდან ყოველთვის რუსეთის პროლეტარიატთან ერთად გამოდიოდა ცარიზმისა და კაპიტალის წინააღმდეგ მიმართულ ყველა ისტორიულ ბრძოლებში. ეს დიდი კავშირი არამც თუ ვერ გასწყვიტეს ქართველმა მენშევიკებმა, არამედ ოდნავდაც ვერ შეასუსტეს იგი. საქართველოს მუშებმა და გლეხებმა, რევოლუციური რუსეთის დახმარებით ოცი წლის წინათ დაამხეს მენშევიკების დიქტატურა და აღმართეს ოქტომბრის ძლევამოსილი დროშა. ამ დღიდან ჩვენი ხალხის ცხოვრებაში დაიწყო ახალი ერა. ქართველმა მშრომელმა ხალხმა დაიწყო ნამდვილად თავისუფალი შემოქმედებითი ცხოვრება. მან სრულიად შესცვალა ქვეყნის პოლიტიკური და ეკონომიური წყობა, ძლევამოსილად წავიდა წინ კომუნისტური საზოგადოების მშენებლობის გზაზე.

განვლილი ოცი წელი ქართველი ხალხის ისტორიაში მრავალმხრივ არის შესანიშნავი. მეფის რუსეთის ნახევრადკოლონიური, ჩამორჩენილი აგრარული ქვეყანა, რომელიც ქართველმა მენშევიკებმა ეკონომიურ და კულტურულ განადგურებამდე მიიყვანეს, ამ მოკლე ისტორიულ პერიოდში უჩვეულოდ აყვავდა, მოწინავე მრეწველობის, მსხვილი კოლექტიური სოფლის მეურნეობისა და მოწინავე საბჭოთა კულტურის ქვეყნად გადაიქცა. ამ მიღწევებს შორის მხატვრულ მწერლობას უკანასკნელი ადგილი არ უჭირავს. „ქართულმა საბჭოთა ლიტერატურამ ერთერთი პირველი ადგილი დაიკავა საბჭოთა კავშირის მოწინავე მოძვე ლიტერატურათა რიგებში“ (ლ. ბერია). ქართული საბჭოთა პროზა და პოეზია საბჭოთა კავშირის ხალხთა ყურადღებას იპყრობენ და იწვევენ ცხოველ ინტერესს მკითხველთა ფართო მსახეში. ოცნებაც არ შეიძლება იმ რეზონანსზე, რომელიც სოციალისტურმა რევოლუციამ შეუქმნა ნაციონალურ მწერლობას. საბჭოთა ერები დიდი რუსი ხალხის საბჭოთა მწერლობასთან ერთად ჰქმნიან ფორმით ნაციონალურ და შინაარსით სოციალისტურ, იდეურად და მხატვრულად მოწინავე ლიტერატურას მსოფლიოში.

ნაციონალური ლიტერატურის ასეთი აყვავება და მისი პროტენციის ასეთი გაფართოება შესაძლებელი იყო და არის მხოლოდ სოციალიზმის ქვეყანაში ლენინ-სტალინის პარტიის მზურნველობითა და ხელმძღვანელობით.

რა მივიღეთ „მემკვიდრეობით“ მენშევიკურ საქართველოსაგან ლიტერატურის დარგში?

მენშევიზმმა სულიერად დააცალიერა, იდეურად გამოფიტა მხატვრული ლიტერატურა. ცოცხალ ორგანიზმიდან იგი მკვდარ საგნად აქცია. ნამდვილი მწერლობა ყოველთვის ხალხს ეკუთვნოდა, ღრმად იდგამდა ფესვებს მასხეში და მხატვრულად ანზოგადებდა ამ მასხების გრძობებს, აზრებს, ნებისყოფას და ამალლებდა მათ უკეთესისა და უმაღლესის შეგნებამდე. ასეთი იყო დიადი ტრადიცია აგრეთვე ქართული კლასიკური ლიტერატურისა. შოთა რუსთაველის „ვეფხისტყაოსანმა“, რომელიც ქართველი ხალხის ეროვნული კულტურის სიამაყეს წარმოადგენს, გამოხატა თავისი ეპოქის ხალხის ყველაზე მოწინავე, ყველაზე კეთილშობილური იდეალები, მთელი საუკუნეების მანძილზე მან ქართველ ხალხს შეუნარჩუნა ადამიანურობა და სპეტაკი სიყვარულის გრძობა. მეცხრამეტე საუკუნის რეალისტური მწერლობა თავის ფორმით, მოტივებითა და მიზანსწრაფვით ხომ მთლიანად ხალხური იყო, ამ სიტყვის ფართო მნიშვნელობით. მე-19 საუკუნის მეორე ნახევრის მხატვრული მწერლობა იყო ის ძალა, რომელიც მეფის თვითმპყრობელობის საშინელ პირობებში სათავეში ედგა თავის ხალხს და სწორი გზით მიჰყავდა იგი.

მენშევიკებმა შერყვნეს ქართული ლიტერატურის დიადი ტრადიცია, გათიშეს ხალხი და მწერლობა. მენშევიკების დიქტატურის პერიოდში მწერლობა, თუ მხედველობაში არ მივიღებთ ბედნიერ გამოჩაყლისებს, რომლებიც მსხვერპლს იღებდნენ ქეშმარიტი ლიტერატურისათვის, დააყენეს უსუსური ნაციონალური ბურჟუაზიის სამსახურში, დაასწავლეს შოვინიზმის შხამით და კამერულ მწერლობად აქციეს.

ლენინ-სტალინის პარტიას დიდი მუშაობა დასჭირდა იმისათვის, რომ მოეხდინა სრული იდეური გარდატეხა ძველ მწერლობაში, აღეზარდა ახალი კადრები და შეექმნა ისეთი ძლიერი საბჭოთა მწერლობა, როგორიც გვაქვს დღეს. ეს არ იყო იოლი საქმე. მთელი სირთულე აშკარა გახდებდა, თუ გავით-

ვალისწინებთ იმ პირობებს, რომელშიც იქმნებოდა ახალი ცხოვრება და ახალი ლიტერატურა.

საქართველოში საბჭოთა ხელისუფლების დამყარების თითქმის პირველი ათეული წლის მანძილზე უმრავლესობა ძველი ლიტერატურული კადრებიდან, რომლებიც წარსულში დასწრულბული იყვნენ შოენინიზმით, ატარებდა ბურჟუაზიულ და წვრილ-ბურჟუაზიულ დეკადენტურ-სიმბოლისტურ განწყობილებებს, ინდიფერენტულად იყო განწყობილი ახალ სოციალურ და ისტორიულ პროცესებთან. ბევრი მათგანი პირდაპირ ააშკარავებდა თავის მტრულ დამოკიდებულებას სოციალისტურ რევოლუციის მიმართ, ნაწილი სდუმდა, ერთი ნაწილი კი შენიღბულად აკეთებდა მტრულ საქმეებს. ამ მწერალთა პოეტური ხმა გაბზარული და ყალბი ტონისა იყო. მათ მიერ რევრანსებით დაწერილ ნაწარმოებებს აკლდათ გრძნობა და სიღრმე, გულწრფელობის სიტბო და იდეურობა. ძველი მწერლობიდან მხოლოდ მცირე, მაგრამ ყველაზე ჯანსაღი ნაწილი თავიდანვე შეგნებულად და მტკიცედ დადგა სოციალისტური რევოლუციის პოზიციებზე და გულწრფელი მონაწილეობა მიიღო ხალხის ცხოვრების გარდაქმნაში, ახალი კულტურისა და ლიტერატურის მშენებლობაში. მწერალთა ამ ჯანსაღი ნაწილის ყველაზე თვალსაჩინო წარმომადგენელია პოეტი გალაქტიონ ტაბიძე. გალაქტიონ ტაბიძემ მიიღო სოციალისტური რევოლუცია, როგორც ისეთი მახლობელი მოვლენა, რომელთანაც იგი მთელი შემოქმედების მანძილზე მრავალი ძაფებით იყო დაკავშირებული, და შემდეგ სწორედ ამ რევოლუციაში მონახა მან თავისი დაუცხრომელი პოეტური სულის გაქანება. არც ერთი ქართველი მწერლის შემოქმედებაში არ უპოვია სოციალისტურ რევოლუციისა და რევოლუციის შემდგომ პროცესებს ისეთი მძაფრი და სრულყოფილი გამოსატყა, როგორიც ჰპოვეს მათ გალაქტიონ ტაბიძის შემოქმედებაში. გალაქტიონ ტაბიძე გახდა უარესად ტიპური და ორგანიული გამომხატველი განახლებული ეპოქის სოციალური ცხოვრებისა და იდეებისა. რევოლუციით შთაგონებული პოეტი ყოველთვის გულწრფელად ეხმაურებოდა და ეხმაურება თავისუფალი საბჭოთა ხალხების ცხოვრებაში მომხდარ გრანდიოზულ მოვლენებს. მაგრამ, აქვე ხაზი უნდა გაესვას თვით რევოლუციის როლს პოეტის შემოქმედებით ცხოვრებაში. ჩვენ ვიცით, რომ ვალ. ტაბიძემ ჯერ კიდევ 1905 წლის რევოლუციის ეპოქაში გამოამჟღავნა მიდრეკილება რევოლუციისაკენ. რეაქციის ყველაზე მძვინვარე წლებში დაწერილ არალეგალურ ლექსში მან გვიჩვენა რწმენა მუშათა კლასის გამარჯვების გარდუვალობისა. მას სჯეროდა, რომ თვითმპყრობელობა საბოლოოდ ვერ ჩაახშობდა „მუშათა პირველ მაისს“ და იმედით შეჰყურებდა იმ მომავალ დროს, როცა პროლეტარიატი მაისის ვარდებით სიცოცხლეს აიჭვებდა. მაგრამ პოეტს ხანგრძლივად არ შერჩენია რევოლუციის გარდუვალობის რწმენა. რეაქციისა და თვითმპყრობელობის ხანგრძლივმა ბატონობამ პოეტის აწეული ხმა მალე შესცვალა. სევდა და უიმედობა გახდა მისი პოეტური შთაგონების სულიერ წყაროდ. პესიმიზმით დასწრულბული პოეტა მენშევიკების დიქტატურის პერიოდში სრული კატასტროფის წინაშე დააყენა. მან ჩააქრო ოქტომბრის დიდი რევოლუციით გაღვივებული იმედი, შინაგანად დააცარიელა და დაადუმა მისი პოეტური ფანტაზია. პოეტი ირგვლივ სიცარიელესა და სიცივეს გრძნობდა და არ სჩანდა ოდნავი პერსპექტივა მისი პოეტური ხმის შემდგომ განვითარებაში. საქართველოში საბჭოთა ხელისუფლების დამყარებამ გალაქტიონ ტაბიძე იხსნა ნამდვილი დაღუპვისაგან, გააღვიძა მასში ძველი შემოქმედებითი ენერგია; აღუდგინა პოეტური სულის

სიდიადე და აქცია ნამდვილ სასახელო მომდერალ პოეტად. რევოლუციამ გაათავისუფლა პოეტი სიმბოლიზმის მისტიკურ ბურჟუსიან და შეუმუშავ ნათელი რეალისტური ხედვა და დიადი პერსპექტივა. ამ პერიოდიდან გალ. ტაბიძის შემოქმედება დიდ გავლენას ახდენდა საბჭოთა პოეზიის განვითარებაზე.

სოციალიზმის ძლევამოსილმა გამარჯვებამ გამოიწვია ძველი მწერლობის დიფერენციაცია და შემოკრება ისინი საბჭოთა ლიტერატურის გარშემო. „ქართველი მწერლებისა და პოეტების უდიდესი უმრავლესობა, რომელიც წარსულში ანტისაბჭოურად იყვნენ განწყობილნი და თავის გარშემო იკრებდნენ უკმაყოფილოებს, ახლა აქტიურად მუშაობენ საბჭოთა თემატიკაზე“ (ლ. ბერია).

ქართველი მწერლები: ი. გრიშაშვილი, კ. გამსახურდია, ნ. ლორთქიფანიძე, ლ. ქიაჩელი, შ. დადიანი, გ. ლეონიძე, ა. აბაშელი, ს. კლდიაშვილი, პ. კაკაბაძე, ი. მოსაშვილი, შ. აფხაიძე, რ. გვეტაძე, ვ. გაფრინდაშვილი, კ. ნადირაძე, ალ. ქუთათელი, ი. ვაკელი, ი. მჭედლიშვილი, ს. თავაძე, დ. სულიაშვილი და სხვ. აქტიური საბჭოთა მწერლები არიან. ისინი ჰქმნიან საუკეთესო მხატვრულ ნაწარმოებებს ჩვენი ხალხის დღევანდელი და წარსული ცხოვრებიდან. ეს ნაწარმოებები შთაგონებულია მარქს-ენგელს-ლენინ-სტალინის დიადი იდეებით, გამარჯვებული სოციალიზმის იდეებით, კომუნისტური საზოგადოების ბრწყინვალე აღმავლობის პათოსით. ი. გრიშაშვილის ახალი ლექსები საბჭოთა პოეზიის საუკეთესო ნიმუშებია. ამ ლექსებში ლირიულ სინაზესთან ერთად იგრძნობა განახლებული ცხოვრების მაჯისცემა, მისი მომხიბლავი სილამაზე. გრიშაშვილის ყოველი ახალი ლექსი საბჭოთა მკითხველს უდიდეს ესთეტიკურ სიამოვნებას აგრძნობინებს. ქართულ ლიტერატურული კულტურის უდიდესი შენაძენია კ. გამსახურდიას პროზა. გამსახურდიას სახით ჩვენს ეპოქას ჰყავს საკუთარი სტილის მქონე გასაოცარი პოეტენციისა და დიდი შემოქმედებითი ენერჯის მწერალი, გამსახურდია მხატვრული პროზის შეუღარბელი ოსტატია. მან გააფართოვა ქართული პროზის ინტელექტური საზღვრები. მართალია, კ. გამსახურდიას მხატვრული მეთოდი ყველაზე კონსერვატულია, იგი ძნელად ეგუება შინაგან ცვლილებებს, მაგრამ, მიუხედავად ამისა, უკანასკნელი წლების მანძილზე უდიდესი ევოლუცია მოხდა მწერლის მხატვრულ მსოფლმხედველობაში. გამსახურდია, როგორც შემოქმედი, აღარ ცხოვრობს მხოლოდ წარსულით; მწერლის ყურადღების ცენტრში თანდათან ექცევა სოციალისტური სინამდვილე და ჩვენი ხალხის უახლოესი გმირული წარსული. „მთვარის მოტაცება“ და „ბელადი“ უდაოდ მოწმობენ იმას, რომ ავტორი საბოლოოდ გამოდის სოციალისტური რეალიზმის გზაზე. ლეო ქიაჩელი დასრულებული სოციალისტური რეალიზმის სტილის მწერალია. ჯერ კიდევ რევოლუციამდე ლეო ქიაჩელი მე-20 საუკუნის ქართულ პროზაში რეალიზმის ყველაზე საუკეთესო წარმომადგენელი იყო. მისი რეალიზმის „რაციონალური მარცვალი“ სოციალისტური მშენებლობის ძლევამოსილი მიღწევების ზეგავლენით თანდათან განვითარდა თვისობრივად და „გვადი ბიგვასა“ და რევოლუციურ, საკოლმეურნეო სოფლისა და საყოფაცხოვრებო თემატიკაზე დაწერილ მოთხრობებსა და ნოველებში დასრულებული სოციალისტური რეალიზმის სახე მიიღო. „გვადი ბიგვა“ ერთი საუკეთესო ნაწარმოებთაგანია თანამედროვე, საკოლმეურნეო სოფელზე. შ. დადიანის „ნაპერწყლიდან“, გ. ლეონიძის ლექსები სტალინზე და „ბელადის ბავშვობა და ყრობა“, ს. შანშიაშვილის ლექსები ლენინზე, სტალინზე და პიესები, ს. კლდიაშვილის მოთხრობები და პიესები,

გ. ქუჩიშვილის ლექსები, პ. კაკაბაძის მაღალმხატვრული ღირებულების პიესები, რ. გვეტაძის მოთხრობები, ა. აბაშელის ახალი ლექსები და სხვ. ზრდიან საბჭოთა ლიტერატურის აქტივს. ეს მწერლები ჯერ კიდევ შემოქმედებით ალმავლობის პერიოდში იმყოფებიან.

მაგრამ, როგორი დიდიც არ უნდა გვექონდეს მიღწევები ძველი ლიტერატურული კადრების იდეური და მხატვრული შემოქმედებითი გარდაქმნის საქმეში, ჩვენ გვერდს ვერ აუხვევთ მწერლობის იმ კადრებს, რომელნიც გამოვიდნენ და დავაუკაცდნენ საბჭოთა ხელისუფლების დროს. პირიქით, მთავარი ღირსშესანიშნავი ჩვენს რევოლუციაში ის არის, რომ მან ფართოდ გაუხსნა გზა თავისუფალი მშრომელი ხალხის ინტელექტუალურ შესაძლებლობას და ასობითა და ათასობით გამოამყლან ახალი ტალანტები კულტურისა და მეცნიერების ყველა დარგში. საბჭოთა სინამდვილემ გამოამყლან და აღზარდა მთელი რიგი ნიჭიერი ახალგაზრდა მწერლებისა, რომლებმაც თავიანთ ნაწარმოებებში გვიჩვენეს იდეურ-შემოქმედებითი ზრდა და მხატვრული ოსტატობა. ეს მწერლები თანდათან ხვეწდნენ, ეუფლებოდნენ და ადგენდნენ საკუთარ ზმას. ისინი თავიანთი მხატვრული ოსტატობით არ ჩამოუვარდებიან ძველ კვალიფიციურ კადრებს. ცალკეულ ეტაპზე საბჭოთა ლიტერატურული ახალგაზრდობა წარმოადგენდა ჩვენი მწერლობის წამყვან და ცოცხალ შემოქმედებით ძალას.

ამ ლიტერატურული ახალგაზრდობის შესწავლას დიფერენციალურად უნდა მივუდგეთ, რადგან „ახალგაზრდობას“ მე ვიღებ ფართო გაგებით და იქვეგულისხმობ ყველა იმ მწერალს, რომელიც გამოვიდა საბჭოთა ხელისუფლების დამყარების შემდეგ. ეს ახალგაზრდობა თავიანთი მხატვრულ-იდეური მიმართულებით თავიდან ერთნაირი არ იყო. ლიტერატურული ახალგაზრდობის ერთი ნაწილი საბჭოთა ხელისუფლების არსებობის თითქმის მთელი ათეული წლის განმავლობაში სხვადასხვა ლიტერატურული დაჯგუფებისა და წვრილბურჟუაზიული იდეოლოგიის გავლენის ქვეშ იმყოფებოდა. ისინი თავიანთი შემოქმედების პირველ პერიოდში გამოხატავდნენ მანერ ავადმყოფურ, წვრილბურჟუაზიულ ბუნტარულ და მეშინურ განწყობილებებს, მოწყვეტილი იყვნენ ხალხისაგან, სწერდნენ ძალიან გაუგებრად ან მიუღებლად. მაგრამ იყო მეორე დიდი ნაწილი ლიტერატურული ახალგაზრდობისა, პროლეტარული მწერლობის იმ თაობის სახით, რომელიც საბჭოთა ხელისუფლების დამყარების შემდეგ გამოვიდა და თავიდანვე გვიჩვენა ცოცხალი შემოქმედებითი ენერგია.

პროლეტარული მწერლობის ამ „თაობამ“ (ალიო მაშაშვილი, კონსტანტინე ლორთქიფანიძე, კარლო კალაძე, და სხვ.), იმ პერიოდში, როცა ქართული მწერლების დიდი ნაწილი მტრულად ან ინდიფერენტულად იყო განწყობილი სოციალისტური რევოლუციისადმი და არ ესმოდა მას ამ რევოლუციის უდიდესი საკაცობრიო მიზნები, თვალსაჩინო როლი შეასრულა რევოლუციური მხატვრული სიტყვის, პოეტური ხასიათების, რიტმისა და ახალი ესთეტიკური პრინციპების გამომუშავებაში. ამ თაობის უპირატესობა მდგომარეობდა იმაში, რომ მას გააჩნდა მაღალი რევოლუციური პათოსი, მოვლენათა მხატვრული გააზრების ფართო დიაპაზონი, ლიტერატურული კულტურა და შეგნება იმისა, რომ შეუძლებელია წინსვლა და ახალი სიტყვის თქმა მწერლობაში ცხოვრებასთან მჭიდრო კავშირურთიერთობის გარეშე.

ქართული პროლეტარული ლიტერატურის რევოლუციამდელმა „თაობამ“ რევოლუციამდე და რევოლუციის შემდეგაც, ერთგვარი როლი შეასრულა, მის

შემოქმედებას ჰქონდა გარკვეული მნიშვნელობა გაბატონებულ ლიტერატურულ სიტუაციაში. მაგრამ ისტორიული სიმართლე მოითხოვს აღვნიშნოთ, რომ ამ თაობის მწერლებმა ვერ შესძლეს სათანადო კვალი დაემჩნიათ თავიანთი მოღვაწეობის პერიოდის ლიტერატურაზე, გაეცრვლებინათ ამ უკანასკნელზე თავიანთი იდეურ-მხატვრულ-ესთეტიკური გავლენა. ასეთი დიდი როლის შესრულება არ შეეძლოთ მათ იმ ელემენტარული მიზეზების გამო, რომ ისინი წარმოადგენდნენ 900-იანი წლების დემოკრატი მწერლების სუსტ ეპიგონებს, არ ჰქონდათ ორგინალური პოეტური ხმა, საკუთარი ლიტერატურულ-ესთეტიკური კონცეპცია. ისინი მხატვრულ სიტყვას, პოეზიას უყურებდნენ, როგორც საკუთარ განწყობილებათა პოეტურ ფორმაში გამოსახვის უბრალო საშუალებას და არა როგორც მოვლენათა და იდეათა პოეტური აზრების, ანალიზის მაღალ მხატვრულ სინთეზს. მათი შემოქმედების ფორმა, მხატვრული ღირსებით, დაბლა იდგა არა მარტო თავისი დროის პოეტურ კულტურაზე, არამედ აგრეთვე თვით მუშათა კლასის კულტურის დონესა და მხატვრულ გემოვნებაზე. მათი სიტყვიერი ლექსიკონი და რიტმი სტანდარტული და ლარიბი იყო. ისინი მიდიოდნენ უაღრესად პრიმიტიული გზით, მაშინ, როცა პროლეტარიატი მომწიფებული იყო დიდი ისტორიული და კულტურული მისიის შესრულებისათვის და მას ჰყავდა ისეთი შესანიშნავი მხატვრული მესიტყვე, როგორც იყო მაქსიმ გორკი, რომელიც თავის შემოქმედებაში აერთიანებდა მთელ კულტურულ მემკვიდრეობას, აჰყავდა ის ახალ იდეურ-მხატვრულ სიმალღემდე. გორკის სიტყვის ძალა მსოფლიოს მასშტაბით ვრცელდებოდა. ის გავლენას ახდენდა არა მარტო დემოკრატიულ მასაზე, მუშათა კლასზე, არამედ ყველა ქვეყნის პროგრესულ ლიტერატურულ ფენებზეც.

ეს პროლეტარული მწერლები თავიანთ მხატვრული აზროვნების არსენალს არ ამდიდრებდნენ კლასიკური მემკვიდრეობის მიღწევებით, ისინი პროლეტარული, საბჭოთა ლიტერატურის შექმნის საქმეს ძალიან იოლად უყურებდნენ, მათ არ ესმოდათ, რომ „პროლეტარული კულტურა არ წარმოადგენს საიდანაც გამოვარდნილ რამეს, იგი არ არის იმ ადამიანთა გამოგონება, რომელნიც თავისთავს სპეციალისტებად თვლიან პროლეტარული კულტურის დარგში, ეს თავიდან ბოლომდე ლაყბობაა. პროლეტარული კულტურა ბუნებრივი კანონზომიერი შედეგი უნდა იყოს იმ საერთო ცოდნის განვითარებისა, რომელიც კაცობრიობამ შეიმუშავა კაპიტალისტური საზოგადოების, მემამულური საზოგადოების, ჩინოვნიკური საზოგადოების უღელქვეშ“ (ლენინი).

პროლეტარული ლიტერატურის ახალმა ძალებმა, რომლებმაც თავიდანვე გამოამჟღავნეს სიახლის გრძნობის მეტი უნარი, დიდი როლი ითამაშეს ფორმით ნაციონალური და შინაარსით სოციალისტური ლიტერატურის შექმნისათვის ბრძოლაში. მართალია, მათი შემოქმედებითი გზა არ იყო დაზღვეული წესდომებისა და ნაკლოვანებებისაგან, მძაფრი კლასობრივი ბრძოლის მომენტებში ისინი ააშკარავებდნენ ზოგჯერ უცხო იდეურ განწყობილებებს, ბურჟუაზიულ გადანაშთა ზეგავლენის რეციდივებს, მაგრამ შინაგანად ისინი ჯანსაღი იყვნენ, წარმატებით აღწევდნენ თავს უცხო იდეურ-მხატვრულ გავლენებს, ჰქმნიდნენ მხატვრულად გამართულ და მაღალ იდეურ ნაწარმოებებს, რომლებიც შთაგონებული იყო განახლებული ცხოვრების სიდიადით, სოციალური, სიმართლითა და სოციალიზმის ბრწყინვალე მომავლის დიადი რწმენით. ეს კადრები დაძაბული შემოქმედებითი მუშაობით ჰქმნიდნენ ახალ ლიტერატურულ ატმოსფეროს. მათი პოეტური ხმა ორგანიულად ეხმაურებოდა და ეხმაურება დღესაც განახლებულ სოციალისტურ ცხოვრებას. რამდენიმე ძველ

ნიჭიერ მწერალთან ერთად, რომლებმაც გულწრფელად მიიღეს რევოლუცია, პროლეტარული მწერლობის ეს კადრები ჰქმნიდნენ ნამდვილად ახალსა და მეზობლ ლიტერატურას, რომელშიც იგრძნობოდა გულმართალი სიახლოვე საბჭოთა სინამდვილესთან, ახალი იდეების ძალა, რევოლუციური ექსპრესია და მომავლის დაუცხრობელი რომანტიკა.

ამ თაობის ყველაზე ტიპური წარმომსდგენელია ალიო მაშაშვილი. მაშაშვილმა პოეზიაში თან მოიტანა კომკავშირული ენტუზიაზმი, სიხარულის მაღალი გრძნობა და ქვეყნისა და ხალხის სიყვარული, ლენინისა და სტალინის დიადი საქმის სიყვარული. მაშაშვილის პოეზია ყოველ ეტაპზე ძლიერია ჯანსაღი საბჭოთა პატრიოტიზმით, გულწრფელი ამღერებითა და შემოქმედებითი გატაცებით. საქართველოში სოციალისტური რევოლუციის გამარჯვების პირველ წლებში, როცა უპარტიო მწერალთა ნაწილი ჯერ კიდევ ტყვედ ჰყავდა დეკანდენტურ სიმბოლისტურ გარემოცვას, ვერ ხედავდა აწმყოში შემოქმედებითი ალტყინების წყაროს და უიმედობით შეპყრობილი ზეციურ სამყაროში ეძიებდა „მარადიულ“ იდეებს, მაშაშვილი დასცინოდა მათ და გაბედულად შოუწოდებდა:

„თქვენ, ეი, ცაში ბევრს ნუ დაემბთ,
ძირს სიყვარულით დახედეთ მიწასო“.

„მიწის სიყვარული“ აძლევდა ძალასა და სურნელებას მაშაშვილის პოეზიას. იგი ხდიდა მას აქტუალურსა და ემოციურად ზემოქმედს. თემატიკურმა აქტუალობამ, ლექსის ბუნებრივმა მუსიკალურმა ელერამ, სისადავემ, მოვლენისა და საგნის მაღალმა პოეტურმა წარმოსახვამ და განცდის უშუალობამ პოეტს თავიდანვე ფართო პოპულარობა მოუპოვეს ხალხში. მაშაშვილს არ ახასიათებს თემატიკური და მხატვრული ხერხების განსაზღვრულობა. იგი თითქმის თანაბარი ძალით ფლობს ლირიკის უშუალო ფორმას, სატირას, იუმორს, ეპიურ თხრობის მანერას და ხატვის სურათოვნებას. ა. მაშაშვილის ლექსები და პოემები მდიდარია სახეებით, მოხდენილი შედარებებით, ლამაზი, ეპიტეტებით. ამასთან ლექსალობის სიმსუბუქე და მუსიკალური ელერა დიდ შესაძლებლობას აძლევს პოეტის ლექსს ადვილად გადავიდეს ხალხში და სიმღერად გადაიქცეს. ალიო მაშაშვილმა ადვილად დაიმკვიდრა ქართულ პოეზიაში საკუთარი მხატვრული სტილი, მაგრამ იგი ყველაზე მეტად საინტერესოა მაინც, როგორც სიხალის მახვილი გრძნობის პოეტი, ამ სიტყვის თემატიკური გაგებით. იგი თავის პოეზიაში მრავალ ახალსა და საინტერესო პრობლემას აყენებს. ეს პრობლემები ეხებიან ჩვენი დროის ადამიანის ცხოვრების და თანამედროვეობის სხვადასხვა მხარეს, გადმოგვცემენ პოეტის დამოკიდებულებას კულტურულ მემკვიდრეობასთან, მის ბრძოლას წარსულის ყოფით გადანაშთებთან, ახალი ადამიანის მორალური ნორმებისა და მის სინამდვილესთან სოციალისტური ურთიერთობის ფორმირებას, გმირობას, სიყვარულსა და თავდადებას სამშობლოსათვის, ლენინ-სტალინის იდეებისათვის.

თავის დასკვნაში პოეტი ყოველთვის არ არის მართალი, მაგრამ უმთავრესად ის სწორ იდეურ თვალსაზრისზე დგას.

ალიო მაშაშვილმა მრავალი საინტერესო ლექსი და პოემა შექმნა, რომლებიც დღემდე საბჭოთა პოეზიაში რჩებიან, როგორც საუკეთესო ნიმუშები. კერძოდ მის ლექსებში ლენინზე, სტალინზე და სამშობლოზე დიდი პოეტური უშუალობით არის განცდილი თემა. აქ პოეტის განცდებთან შეერთებულია გამარჯვებული სოციალიზმის ქვეყნის ხალხის სიხარული და ბედნიერების გრძნობა, სამშობლოს უძლეველობისა და კომუნისმის გამარჯვების რწმენ-

ნა. პოეტის ამ ლექსებში არაჩვეულებრივი ძალით ჩქეფს ხალხის თავდადებულ-
ლი ერთგულება და სიყვარული თავისი ბელადებისადმი — ლენინისა და
სტალინისადმი.

„ლენინი“ — პოეტის ეს პირველი ყველაზე გავრცელებული ლექსი, —
გადმოგვცემს მთელი მშრომელი კაცობრიობის მიერ განცდილ მწუხარებას
თავისი საყვარელი და უდიდესი ბელადის სიკვდილის გამო, მაგრამ ხალხის ამ
დიდ სევდასა და მწუხარებასთან ერთად ლექსში დანახულია ლენინის უკვდა-
ვებაც. ლენინი ფიზიკურად მოკვდა, მაგრამ ის თავისი ნათელი და ბრძნული
აზრებით იცოცხლებს, ჩვენთან ერთად იბრძოლებს და ააშენებს ახალ
ცხოვრებას.

მგზნებარე საბჭოთა პატრიოტიზმით არის გამთბარი „ჰიმნი საშრობლოს“,
„საშრობლო ბელადისა“, „გაზაფხული“, პოემა „ენგური“ და მისი სხვა ახალი
ლექსები. ამ ნაწარმოებებში აღბეჭდილია სოციალისტური საქართველოს ბუ-
ნებრივი სილამაზე და სიმდიდრე, მისი დოვლათის სიუხვე და ინტელექტუ-
ალური ენერჯია. პოეტს სწამს, რომ ქვეყანა, რომელმაც წარმოშვა ორი დიდი
გენიოსი — სტალინი და რუსთაველი, მარად უძლეველი იქნება, არ დაჰკნება
მისი მთებისა და მინდორ-ველის მშვენება და სურნელება. იგი ყოველ თავის
ლექსსა და პოემაში უმღერის სოციალისტური საქართველოს მიღწევებს, ხა-
ტავს მის აყვავებულ მთა-ველს, სოფელსა და ქალაქს, ბედნიერ ხალხის სიხა-
რულოსა და ენტუსიამს. და ყველაფერს ამას ზატავს და ამუქებს, როგორც
ბრძენი სტალინის მშობლიური ზრუნვისა და ხელმძღვანელობის შედეგს.

არანაკლებ საინტერესო ფიგურაა კონსტანტინე ლორთქიფანიძე. მწერ-
ლობა კ. ლორთქიფანიძემ ლექსებით დაიწყო. მისი ლექსები საინტერესო იყო
ლირიკული განწყობილებებით, ფსიქოლოგიური სიმძაფრითა და შელოდით.
ლექსებში პოეტი პირველად ქართველ სიმბოლისტთა გავლენას ამჟღავნებდა,
მაგრამ ეს გავლენა მალე დასძლია და რევოლუციური პათოსით გამთბარი რე-
ალისტური ნაწარმოებნი მოგვცა. მალე ლორთქიფანიძე თითქმის მთლიანად
პროზაში გადავიდა და გახდა საბჭოთა პროზის ერთერთი საუკეთესო ოსტატი.
მისი ბელეტრისტული ნაწარმოებნი („ხავსი“, „პირველი დედა“, „ახალი გლე-
ხები“, „იმერეთი“, „ბელორუსული მოთხრობები“ და სხვ.) დიდი პოპულარო-
ბით სარგებლობენ მკითხველებში. კ. ლორთქიფანიძე აქტუალური ბელეტ-
რისტია. იგი სწერს ისეთ თემებზე, რომლებმაც ჩვენს ეპოქაში პრაქტიკულ
აღმზრდელობითი მნიშვნელობა აქვს და უშუალოდ ეხმაურებიან სოციალის-
ტურ თანამედროვეობას. ლორთქიფანიძის პროზის თემა საბჭოთა და კომკავ-
შირული ახალგაზრდობის ყოფა, ქართველი გლეხობის ბრძოლა საკოლმეურ-
ნეო ცხოვრების მოწყობისათვის, სოციალისტური ეკონომიკისა და კულტურის
განვითარება, კაპიტალიზმის ნარჩენების აღმოფხვრა ადამიანთა შეგნებიდან
და ახალი ადამიანის ფორმაცია და საბჭოთა კავშირის ხალხების უახლოესი
გმირული წარსული. ყველა ეს მოვლენა მწერლის მიერ დანახული და გაშუქე-
ბულია მძაფრ სოციალურ წინააღმდეგობათა სიტუაციაში. კ. ლორთქიფანიძე
ცოცხალ მხატვრულ სახეებს ქმნის დეტალების იშვიათი შერჩევის გზით, იგი
გასაოცარ გემოვნებას იჩენს დამახასიათებელი შტრიხების გადმოცემის დროს.
ლორთქიფანიძე არ მისდევს ყველაფერს დაწვრილებითი აღწერის გზას, იგი
ყოველთვის განზოგადების მეთოდით სარგებლობს და გვერდს უვლის ისეთ
წვრილმანებს, რომლებიც ხელს არ უწყობენ ზოგადი და აღებულებითი დროისათ-
ვის ტიპიური ხასიათების შექმნას. ლორთქიფანიძის მიერ დახატული ისეთი
ჩვეულებრივი ადამიანებიც კი, რომლებიც თავიდანვე არ არიან მოწოდებულნი

დიდი გმირობისათვის, მოქცეული არიან ისეთ ტიპიურ ვითარებაში, რომ მათი გმირობა ხდება მხატვრულად დამაჯერებელი და თავისი დროისათვის დამახასიათებელი. („ბელორუსული მოთხრობები“). მის ნაწარმოებში პირადისა და საზოგადოებრივი ურთი-ერთობის პრობლემები დიდ პრინციპულ სიმაღლემდე აყვანილი. ეს პრობლემები გაშლილია კლასობრივი ბრძოლის, ინტიმური ცხოვრებისა და სიყვარულის ფონზე. პირადისა და საზოგადოებრივის, კერძოულისა და ზოგადის ურთიერთობაში მოცემულია ძველისა და ახლის, კეთილისა და ბოროტის დაპირდაპირება, ბრძოლა, ბრძოლა არა გარეგნული — შიშველი სოციალოგიაზმის, არამედ შინაგანი, სოციალური-ფსიქოლოგიური გზით. ასეთია კ. ლორთქიფანიძის „პირველი დედა“, „ახალი გლეხები“, კერძოდ „იმერეთი“ და „ბელორუსული მოთხრობები“.

ამ მეთოდით კ. ლორთქიფანიძე წარმატებით აღწევს „ყოველდღიურობაზე“ მაღლა დაღვეს და შექმნას ყოველი დროისათვის საინტერესო მხატვრული ნაწარმოები. უკანასკნელ პერიოდში ლორთქიფანიძე ბევრს მუშაობს მხატვრულ სტილზე, ენაზე. „ბელორუსული მოთხრობები“ და „იმერეთის“ მეორე ნაწილი, რომლის ნაწყვეტები ქვეყნდება 'პერიოდულ გამოცემებში, მოწმობენ იმას, რომ მან უკვე მიღწია საკუთარი სტილის სრულყოფას, კერძოდ, კოცხალი, მოქნილი, დახვეწილი და ლაკონიური გახადა დიალოგი. იგი ქმნის იშვიათად ნათელ სასაუბრო ენას, რაც მეტად საყურადღებოა ქართული საბჭოთა პროზის შემდგომი განვითარების თვალსაზრისით.

კარლო კალაძეს ცოტა განსხვავებული ადგილი უჭირავს პროლეტარულ და საბჭოთა პოეზიაში. მართალია, იგი ვერ ასცდა ლიტერატურულ გავლენებს და დიდ ხარკს უხდიდა წვრილ-ბურჟუაზიულ-დეკადენტურ განწყობილებებს, მაგრამ თავიდანვე ცდილობდა თავის თანამედროვეებისაგან, როგორც პოეტი, დამოუკიდებელი ყოფილიყო. კალაძემ ჩვეულებრივად დაიწყო მისი პირველი ლექსი ფორმალური თვალსაზრისით მეტად სადაა და უბრალო, საინტერესოა მხოლოდ შინაარსის მხრივ. სრულიად ახალგაზრდა პოეტი 1920 წელს, როცა საქართველოში მენშევიკების დიქტატურა მეფობდა, სწერს ლექსს, რომელიც გადმოგვცემს თავისუფლებისათვის ბრძოლას განწყობილებას. მწუხრს მოუტყავს მიდამო, შფოთავს ბრძოლის ველი, პოეტი ვერ ხედავს ვერსიიდან შეელას, მაგრამ სჯერა, რომ თავისუფლება მაინც გაიმარჯვებს და გმირი გამარჯვებული მოვა:

„მზე იბრწყინებს ისევ,
დასრულდება გლოვა...
და ომ გადახდელი
ხალხის მხსნელი მოვა!..“

ასეთი განწყობილებით შეხვდა კარლო კალაძე საქართველოში სოციალისტურ რევოლუციის გამარჯვებას. ერთი წლის შემდეგ დაწერილ ლექსში („ზე-იმი“) მან გამოხატა გათავისუფლებული მშრომელი ხალხის საზეიმო განწყობილება, ბედნიერების გრძნობა. ქართველმა მუშამ 1921 წელს პირველად იდღესასწაულა თავისუფლად პირველი მისი. ამ ზეიმით გამოწვეულ სიხარულს საზღვარი არ ჰქონდა და პოეტიც თავის ლექსში გადმოგვცემს ამ სიხარულს თავისი ღრმა სოციალური აზრით:

„და თუ ის ჩუმად
გვამღერებდა შრავალი წელი —
ღღეს ზეიმია! — გაასკეცდა ბრძოლის ხალხის!
ავსწიოთ მაღლა.“

დასისხლული ჩენი დროები, —

ეს სიხარული მტრებს ხმლებივით შემოესევია...

ქალაქი ჰვეთქავს — აზვირთებულ ქუჩებს მოდენის,
ქალაქს ვარდებით, ყვავილებით უბე ევსება!"

განახლებული ცხოვრებით კმაყოფილების გრძნობა და ოპტიმიზმი ყოველთვის ახასიეთებდა კალაძის პოეზიას, მაგრამ მისი ოპტიმიზმი არ იყო აწეული, პათეტიკური, ამიტომ მის ლექსს არ ჰქონდა ისეთი გარეგნული შთაბეჭდილება, როგორც სხვა მისი თანამედროვე პროლეტარული პოეტის ლექსს. კალაძე ამ მომენტს თავის შემოქმედებაში დიდ მნიშვნელობას არ აძლევდა. იგი დაუსრულებლად ახალს ძიებაში იყო და ამ შემოქმედებითი ძიების დროს მთავარ ყურადღებას აქცევდა ფორმალურ მიღწევებს და ამ შემოთხვევაშიც წინა პლანზე აყენებდა არა რიტმიულ-მელოდიურ მხარეს ლექსისას, არამედ გარეგნულ პოეტურ წყობას, ტექნიკას, პოეტური ფრაზის გამოქანდაკებას, რასაც ერთგვარი სიციფე და ინერტიულობა შეჰქონდა მის ლექსში. ამგვარად, კალაძე დიდ ყურადღებას აქცევდა რა ლექსის ფორმას, თანაბარი გულმოდგინებით არ ეპყრობოდა მის (ლექსის) ფორმის ყველა შემადგენელ ელემენტს. ეს მომენტი განსაკუთრებით იგრძობა მაშინ, როცა კალაძის ადრინდელ პოეზიას განვიხილავთ ფორმის და შინაარსის ურთიერთ დაპირდაპირების ასპექტში. კალაძემ დაიწყო თანამედროვეობის გრძნობით, მაგრამ ეს ხაზი შემდეგში თანმიმდევრულად ვერ განავითარა. პოეტისათვის დამახასიათებელი იყო აგრეთვე თემატიკური გადახვევები, რაც თავის კვალს ამჩნევდა მის იდეურ კონცეპციაზეც. ერთ პერიოდში პოეტი შეიპყრო წინაპართა სისხლისა და ძვლების იდემალმა „მოდახილმა“, მის სულს შინაგანად სტანჯავდა რალაც გაუგებარი თვით პოეტისათვის. ამ „გაუგებარის“ ბრმა „ტყვე“ ცდილობს ხარკი გადაუხადოს წარსულს; მაგრამ, რასაკვირველია, ეს არ იყო უარყოფა ან შეგნებული ინდიფერენტიზმი თანამედროვეობისადმი. ეს იყო პოეტის პირადული სისუსტით გამოწვეული ცოდვები, შეცდომები, რომელსაც იგი შემდეგში სავსებით ასწორებს. თვით შეცდომების პერიოდში პოეტი სწერს ლექსებს თანამედროვეობის თემაზე და თავისებურად აშუქებს მათ. უკანასკნელი წლების მანძილზე კალაძემ უფრო ნათელი გახადა თავისი პოეტური გზა. მისი გრძნობა სოციალისტური სინამდვილისა რეალისტურია და გასაგები. კალაძის ლექსის ნათელ პოეტურ ფორმას შეემატა აზრის ჭიკბანდე და სულიერი განცდის სიღრმე. ამასთან კალაძის პოეტურ ცნობიერებაში გაფართოვდა დღევანდელი პრაქტიკული ცოდნა. ჩვენს ქვეყანაში და ადამიანის ცხოვრებაში მომხდარ ისტორიულ ცვლილებებს იგი არ აფასებს მათი გარეგანი ეფექტის მიხედვით, არამედ სწვდება მათ შინაგან ბუნებას და გადმოგვცემს წინააღმდეგობათა დაძლევის პროცესში. პირველად კარლო კალაძემ შექმნა ფართო პოეტური ტილო კოლექტივიზაციის თემაზე („უჩარდიონი“), მან მძაფრ დრამატიულ სიტუაციაში დახატა კლასობრივი ბრძოლის სურათები სოფლად და კოლექტივიზაციის გამარჯვების გარდუვალობის რწმენა. კალაძეს დაწერილი აქვს მრავალი კარგი ლექსი ისტორიულ წარსულზე, სოციალისტურ სამშობლოზე, პატრიოტიზმზე, გმირობაზე. იგი ამთავრებს ახალ რომანს ლექსად სტალინზე, რომლის ორი თავი უკვე გამოქვეყნდა. კალაძის ლექსი „ბარათი ლავრენტი ბერისა“ ერთერთი კარგი ლექსია, რომელიც ამღერებელია სოციალიზმის გამარჯვების სიხარულით და გამსქვალულია დიდი ზელოდისადმი სიყვარულის გრძნობით.

მომდევნო თაობა (ირ. აბაშიძე; ალ. გომიაშვილი, გრ. აბაშიძე, გ. კაქა-ხიძე, ალ. ადამია, ბ. ჩხეიძე და სხვ.) გამოვიდა სოციალიზმის გამარჯვების ეპოქაში, როცა ქართული საბჭოთა ლიტერატურა დიდი იდეური აღმავლობის სტადიაში იყო. ამ პერიოდში სწრაფი გარდატეხა დაიწყო მხატვრულ ლიტერატურის ძველ კადრებში. სოციალიზმის წარმატებათა და ვაშლილი იდეური ბრძოლის შედეგად ვაბედულად გადავიდნენ ისინი საბჭოთა ლიტერატურის იდეურ პოზიციებზე და აქტიური შემოქმედებითი მუშაობა დაიწყეს პროლეტარული მწერლობის კადრებთან ერთად. ამიტომ პროლეტარულ მწერალთა ამ თაობის შემოქმედებაზე შედარებით ნაკლები ვაგვლენა ჰქონდა უცხო ლიტერატურულ მიმდინარეობებს. მათი შემოქმედების უშუალო შთაგონების წყაროს წარმოადგენდა სოციალიზმის წარმატებები. საბჭოთა საკომუნისტრო სოფლისა და ქალაქის თემატიკა, ახალი ადამიანი და მისი იდეურ-მორალური, ზასიათები. თანდათან გაუმჯობესდა რა მშრომელთა მატერიალური მდგომარეობა წინა პლანზე წამოვიდა ყოფაცხოვრებითი, გმირობისა და საბჭოთა პატრიოტიზმის პრობლემები, რამაც დიდი ადგილი დაიკავა ამ თაობის შემოქმედებაში. ეს თაობა მჭიდროდ იყო დაკავშირებული კომკავშირულ პრესასთან, აქტიურ პრაქტიკულ მონაწილეობას იღებდა, როგორც კომკავშირულ, ისე საზოგადოებრივ მუშაობაში. ის ცოცხლად და სწრაფად ასახავდა კომკავშირული ახალგზარდობის ოპტიმიზმს, ერთუზიანიზმს და მზადყოფნას პარტიისა და მთავრობის ღონისძიებათა განხორციელებისათვის. მათი შემოქმედების შინაარს განსაზღვრავდა ძირითადად ის თემატიკა, რომელსაც აყენებდა კომკავშირისა და საბჭოთა საზოგადოებრივობის ცხოვრების ყოველდღიურობა. ეს მწერლები დაზღვეული იყვნენ თემატიკური განყენებულობითა და ზოგადობით. თემის აბსტრაქტიულობა, ერთგვარი ლტოლვა ფორმალისტური და „თვითმიზნური“, ნაკლებად აქტუალური და ნაწილობრივ, —სანტიმენტალური ლირიკისაკენ გამოაქვლავნა პოეტმა გრ. აბაშიძემ, მაგრამ ეს „აბსტრაქტიულობა“ არ ყოფილა მთავარი და წამყვანი „თემა“ არც მისი შემოქმედებისათვის. მან დასწერა მრავალი კარგი ლექსი სოციალისტური თანამედროვეობის ყოველდღიურობაზე, ამ სიტყვის ფართო გაგებით. კერძოდ, მისი პოემა „შავი ქალაქის გაზაფხული“ დღემდე რჩება ერთერთ კარგ პოეტურ ნაწარმოებად ქართულ საბჭოთა პოეზიაში. „შავი ქალაქის გაზაფხული“ ყურადღებას იქცევს იდეურ სიმახვილითა და თემის ღრმა კოდნით, ღრმა პოეტური გაზრებით. პოემაში ასახულია ერთი შესანიშნავი ეპიზოდი სტალინის ბრძოლებიდან ქართველ მუშათა პოლიტიკური გათვითცნობიერებისა და დარაზმისათვის მე-20 საუკუნის გარიჟრაჟზე. ისტორიული ფაქტები პოემაში შეერთებულია მხატვრულ სიმართლესთან. კომპოზიციურად იგი ოსტატურად არის გაკეთებული და ამავე დროს დიდი გემოვნებითა და ზომიერებითაა გადმოცემული იმ ხალხის ყოფითი კოლორიტი, რომლის ცხოვრებასაც ეხება პოემის სუჟეტი.

ირ. აბაშიძემ განავითარა პოლიტიკური ლირიკის პუბლიცისტურ-აგიტაციური ხაზი. ყველა თავისი ლექსით პოეტი ეხმაურება პარტიისა და მთავრობის უმნიშვნელოვანეს ღონისძიებათა ვატარებას, ის ხატავს სურათებს განახლებული პეიზაჟისას, საბჭოთა ადამიანების გმირობისას, სიხარულისას, ირ. აბაშიძის ლექსები „ქანდაკი მთაწმინდაზე“, „ლ. ბერიას“, „ზღვა“, „გმირები“, „ყვევილები ქალაქში“, „ორი ირმის ქანდაკი კომკავშირის გორაზე“, „ნარიყალა და მაიდანნი“, „ოდიშის პლანტაციები“ და სხვა, შთაგონებულია სოციალისტური სინამდვილით და საინტერესონი არიან, როგორც პოეტური მოტიჟრების, ისე მხატვრული დამუშავების მხრივ. პატარა ლირიკული ლექსი

„ზღვა“ დიდი პოლიტიკური იდეით არის გამსჭვალული. აქ ზღვის ტალღები ამეტყველებულია, როგორც ცოცხალი ადამიანი, რომელიც განიცდის ორი სამყაროს რაობას. კაპიტალისტური სამყაროს სოციალური უკუღმართობით შეძრწუნებული ტალღები გამოექცვიან „სამშობლოს“ და სოციალისტური რევოლუციის მზიურ ქვეყანას მოაშურებენ, სადაც ისინი იგრძნობენ ნამდვილ თავისუფლებას. ამ გარემოებით აღტაცებული პოეტი ვაჟკაცურ ხელს უწვდის ზღვას და საბჭოთა ადამიანის გულწრფელი თანაგრძნობით ხვდება. აქ მხატვრული ოსტატობით არის შეერთებული სოციალისტური რევოლუციის იდეა ინტერნაციონალურ იდეასთან. იმავე იდეით არის განათებული „ორი ორმის ქანდაკი კომკავშირის გორაზე“. მოხეტიალე ქვეყნით ქვეყნამდე ტფილისს მოადგა უცხოეთიდან გადმოხვეწილი ორი ირემი. მათ აქ პირველად იგრძნეს თავისუფლება, ისინი მთიდან დაპყრობენ სოციალისტური ტფილისის სიმშვენიერეს, უშუალოდ განიცდიან ახალი ცხოვრების დუღილს და „შენაირან ბედნიერებას ადამიანურს“, აქ „ნახეს ირემებმა ქვეყნად პირველი თავისუფლება ნებადართული“. ასეთი ქარბი იდეურობით ხასიათდება ირ. აბაშიძის ყოველი პატარა ღირსეული ლექსი. პოეტის კარგ ლექსთა წყებას ეკუთვნის აგრეთვე ლექსები კიროვზე, ბერიაზე და წულუკიძეზე. ეს ლექსები ყურადღებას იქცევენ რევოლუციური პათეტისა და პერსპექტივის ხალასი პოეტური გრძნობით. ამგვარად ირ. აბაშიძე თავის თაობის პოეტებიდან ყველაზე მახვილი პოლიტიკური ლირიკის წარმომადგენელია, პოლიტიკური იდეა პოეტის ყოველი ლექსის უშუალო მხატვრული იდეაცაა, რომლის ემოციური გადმოცემისათვისაც იგი არ მიმართავს მხატვრულ გადახვევებს.

აღ. გომიაშვილმა პროლეტარულ პოეზიაში მოიტანა განახლებული მთის განწყობილება. მისი ლექსებით ქართულ პოეზიაში პირველად აიღო სიტყვა საბჭოთა მთამ და ამ გაბედულმა სიტყვამ თავისი ორიგინალობა ბოლომდე შეინარჩუნა. გომიაშვილის ლექსს თავიდანვე ახასიათებდა შინაარსის ორიგინალობა, თავისებური შინაგანი რიტმიული მოძრაობა, მელოდიურობა და ფორმის სიახლე. ახალ მთას საბჭოთა პოეზიაში პოეტმა სრული მოქალაქეობრივი უფლება მოუპოვა, იგი აქცია ორგანიულ ნაწილად ქართული საბჭოთა ლიტერატურის მთლიანი თემისა. ამას აღ. გომიაშვილმა მიადწია უპირველესად იმით, რომ იგი არ რჩებოდა ტყვედ იმ კუთხის ვიწრო კოლორიტულ თავისებურებებისა, საიდანაც იღებდა ლექსის თემას, მასალას. ეგზოტიკა უტხოა გომიაშვილისათვის. მისი დამოკიდებულება მასალასა და მოვლენებთან კუთხური თავისებურებით არ განისაზღვრება. პოეტი განახლებული ცხოვრებისა და დიდი იდეების თვალთ უყურებს აღებულ მოვლენებს და გადმოგვცემს მათ თანამედროვე ლიტერატურულ მხატვრულ ფორმაში. მართალია, აღ. გომიაშვილის ლექსი დავალებულია მთის ფოლკლორის პოეტური ხერხებით, მასალის მხატვრული გაანზრების მხნეობით, ზოგჯერ რიტმითაც, მაგრამ ყოველივე ეს გადამოუშავებულია პოეტის მხატვრულ კონცენპტიაში. პოეტი მთასთან დაკავშირებულია მხოლოდ თემით, მასალით, მტკიცე ვაჟკაცური რიტმით, სიტყვის შინაგანი მახვილით და სტრიქონის სიმკვრივით. მიჯრილობით. სხვა მხრივ გომიაშვილის ლექსი თანამედროვე პოეტური კულტურის საერთო ატმოსფეროშია მოქცეული. თუ პირველად მის ლექსს ზოგჯერ ერთგვარი ბუნდოვანება ახასიათებდა, ამ ბუნდოვანებისაგან იგი თანდათან თავისუფლდება. ამასთან პოეტური მასალის განსაზღვრულობა არ ჰქმნის გომიაშვილის პოეზიაში პოეტური განსაზღვრულობას, შეზღუდულობას. ყოველ წვრილმანს პოეტი საერთოს, სოციალისტურის მასშტაბით სჭერტს. თვით მთა გომიაშვილის პოეზიაში გაგებუ-

ლია, როგორც ორგანიული ნაწილი ბარისა და ის განწყობილებები, რომელსაც პოეტი ვადმოგვცემს, თვისებით საერთოა. ასეთი პოეტენციული თავისუფლების შედეგად იგი ჰქმნის მრავალფეროვან მხატვრულ სურათებს, სახეებს და განწყობილებებს, თანაბარ ოსტატობით და უშუალოდ ამუშავებს „მთისა“ და „ბარის“ თემებს, ეხმაურება თანამედროვეობის აქტუალურ პრობლემებს. მას აქვს საუკეთესო ლექსები თავდაცვის თემაზე, პატრიოტიზმზე, სოციალიზმის მიღწევებით შთაგონებულ ჩვენი ხალხის სიხარულზე, მსოფლიო პროლეტარიატის დიდ ბელადზე — ამხანაგ სტალინზე, კულუტურულ-ლიტერატურულ მემკვიდროებაზე და სხ. ყველა ეს თემები ორგინალურად არის გააზრებული პოეტის მიერ.

თუ კიდევ რამეში გვინდა დავინახოთ მთის პოეზიის ტრადიციების, მხატვრული სტილის გავლენა გომიაშვილის პოეზიაში, — უპირველესად ბუნების გრძნობაზე უნდა შევჩერდეთ. მის ყოველ ლექსს, რა თემაზეც უნდა იყოს იგი დაწერილი, ახასიათებს მხატვრული „გადახვევა“, ბუნების გრძნობის „სიჭარბე“. ბუნების ამათუიმ კუთხით ჩვენების გარეშე, საერთო. ბუნების გარეშე მისთვის, როგორც პოეტისათვის, არავითარი მოვლენა არ არსებობს: თუ უპირველესი ელემენტები პოეზიისა არის ადამიანი და მისი შინაგანი სამყარო, სული, მაშინ პოეზია არ შეიძლება წარმოვიდგინოთ ბუნების მოვლენების გარეშე, რადგან ისინი ერთმანეთისაგან განცალკევებულად არ არსებობენ, ერთმანეთს აესებენ. ამიღრებენ და ასპეტაკებენ. ასეთია გომიაშვილის მხატვრული მრწამსი. აქ იგი პრინციპულად სწორია. მხატვრული აზროვნება, მხატვრული „გადახვევებისა“ და ბუნების მოვლენების უშუალო ხედვის გარეშე წარმოუდგენელია, ისე ის მშრალი აგიტკის ფორმას იღებს, მაგრამ, აქ საჭიროა ზომიერების დაცვა. სწორედ ამ ზომიერების დაცვაში უნდა გამოიმკვრივდეს პოეტის მხატვრული ოსტატობა. ასეთი ზომიერების გრძნობა ალ. გომიაშვილის ლექსებს არ აკლიათ. ფანცვლის სიღრმით, სურათოვნებით, ლირიკული უშუალობითა და სითბოთი გამოირჩევა მისი ლექსები: „ბაზალეთის ტბა“, „უკანასკნელი დღე კეცხოველისა“, „სნაიპერის სიყვარული“, „კარლ მარქსის ხსოვნას“, „მონადირის სიკვდილი“, „ხევსურები დარიალს შემოვიდნენ“, „ამირანის მოსვლა“, „ბელადის ფიცი“, „ვარსკვლავები კრემლზე“ და სხვა.

გორგი კაჭახიძე უფრო ყოფითი განწყობილებების პოეტია და მისდევს იდილიური პოეზიის ტრადიციებს. თავისი სტილით ისიც მკვეთრად გამოირჩევა თავისი და წინათაობის პოეტებისაგან. ეს განსხვავება გამოიხატება არა თემატიკაში, არამედ აღებულ თემებთან მისვლაში. გ. კაჭახიძის შემოქმედების სფერო მრავალფეროვანია, ამ სიტყვის თემატიკური გაგებით. მას დაწერილი აქვს ლექსები დიდ ბელადებზე: ლენინზე, სტალინზე და აგრეთვე ოქტომბერზე, საქართველოს გასაბჭოებაზე, ძველსა და ახალ სოფელზე. ყოფა-ცხოვრებით თემაზე, პატრიოტიზმზე, სამშობლოზე და სხვ. ისინი დაწერილი არიან საკმაო მხატვრული სიძლიერით.

გ. კაჭახიძემ ლექსების წერა სოფლის თემატიკიდან დაიწყო. ამასთან ის თავის ლექსებში ოსტორიულ მოვლენებს რევოლუციის შემდგომი პერიოდის სოფლიდან სჭერტდა. დღევანდელი სოფელი არის პოეტის შემოქმედების ძირითადი თემა და მხატვრული იდეის წყაროც. მის მხატვრულ ცნობიერებაში კონტრასტულად ხედებიან ერთმანეთს ძველი და ახალი სოფლის ყოფა-ცხოვრებითი ხასიათები და იშობა თანამედროვეობით კმაყოფილების გრძნობა. ეს განსაკუთრებით უნდა ითქვას მის ადრინდელ ლექსებზე, სადაც ბავშვობის დროის პირვანდელი შთაბეჭდილებებია ვადმოცემული.

პოეტის დამახასიათებელია იდილიური სიმშვიდე და კმაყოფილება, შინაგანტონური ერთგვარობა, აუშფოთველობა. ეს ტონური ერთგვარობა და იდილიური სიმშვიდე ზოგჯერ უკიდურესობამდე მიდის, ანელეხს ლექსში ცეცხლს, რომელიც მკითხველს უნდა გადაეცეს და აღაგზნოს იგი. გ. კაჭახიძე არ მისდევს რომანტიკული აღზნების, პათეტიკის გზას, ის პირდაპირ გადმოგვცემს და გვიხატავს, რასაც ხედავს და განიცდის. მისი პოეტური ძალა მქალაქდება ამ განცდის გადმოცემის მხოლოდ ლირიკულ უშუალობაში.

გ. კაჭახიძე საინტერესოა აგრეთვე, როგორც საბავშვო პოეტი. ჩვენს ბავშვებში იგი ერთერთი პოპულარული პოეტია. ყველაზე მეტს ამ ჟანრში იგი ბავშვებისათვის სწერს. საბავშვო ლექსებში კაჭახიძე ბავშვების ბუნებისა და ინტერესის ღრმა ცოდნას ამჟღავნებს.

უკანასკნელ წლებში საინტერესო ლექსები და პოემა გამოაქვეყნა ალიო აღამიამ.

გარდა აღნიშნული მწერლებისა იმ პერიოდში პროლეტარული ლიტერატურის ასპარეზზე მუშაობდნენ ელ. პოლუმორდვინოვი, ბ. ჩხეიძე, კ. ბობოხიძე და სხვ. ეს მწერლები დღესაც აქტიურ შემოქმედებით მუშაობას ეწევიან.

* *

იმისათვის, რომ შედარებით სრული წარმოდგენა ვიქონიოთ იმ ლიტერატურულ ძალებზე, რომლებიც სოციალისტური რევოლუციის შემდგომ პერიოდში გამოვიდნენ და ჩადგნენ საბჭოთა ლიტერატურის პირველ რიგებში, საჭიროა მოკლედ თვალი გადავაავლოთ ლიტერატურული ახალგაზრდობის სხვა წარმომადგენლებსაც. სოციალისტური რევოლუციის პირველი წლებისათვის დამახასიათებელი მძაფრი კლასობრივი წინააღმდეგობანი, როგორც უკვე აღვნიშნეთ, საკმაო გამოხატულებას პოულობდა ლიტერატურულ წრეებში. ქართულ ლიტერატურაში „არსებობდნენ კარჩაკეტილი, განკერძოებული ჯგუფები: „ცისფერი ყანწები“, „აკადემიური“ ჯგუფი; „ლეფელეები“, „არიფონი“ და სხვანი“ (ლ. ბერია). ეს ჯგუფები გამოხატავდნენ, ერთის მხრივ, საბჭოთა სინამდვილისადმი აშკარად მტრულ განწყობილებებს, მეორეს მხრივ-კი, წვრილ ბურჟუაზიულ ბუნტარულ წმინდა ფორმალისტურ „ნოვატორულ“ ტენდენციებს („ლეფი“), რაც არ ეგუებოდა და არსებითში უარყოფდა ნამდვილი ხალხური ლიტერატურის ქვემარტ პრინციპებს და არ სცილდებოდა ვიწრო სქოლასტიკური და „კამერული“ ლიტერატურის საზღვრებს. ყველა ეს ჯგუფები ერთგვარ გავლენას ახდენდნენ ახალგაზრდობის ნაწილზე. კერძოდ „ლეფი“ თითქმის მთლიანად საბჭოთა პერიოდის ლიტერატურული კადრებისაგან შეიქმნა.

ამ ლიტერატურულ კადრებიდან, რომლებმაც დღემდე შეინარჩუნეს ლიტერატურული ინტერესი, დავასახელოთ სიმონ ჩიჭოვანი. დემნა შენგელაია, აკაკი ბელიაშვილი, ვიქტორ გაბესკირია, გრიგოლ ცეცხლაძე, ვარლამ ჟურული, დავით გაჩეჩილაძე და სხვ.

წერილის ფარგლები საშუალებას არ იძლევა ფართოდ განვიხილოთ ამ მწერალთა განვლილი შემოქმედებითი გზა, რადგან ეს გზა წინააღმდეგობებით სავსე, რთული და მრავალფეროვანია. დასახელებულ მწერალთა შემოქმედების ხასიათი ერთგვაროვანი არ არის. ისინი სხვადასხვა საწყისებით მოვიდნენ საბჭოთა მწერლობის რიგებში. ამ მწერლების შემოქმედებითი პრაქტიკა მიმდინარეობდა ცხოვრებისაგან იზოლირებულად, ვიწრო ლიტერატურ-

რულ ჩარჩოებში. ერთი ნაწილი გაბედულად ეძებდა ახალ გზებს ლიტერატურაში, ახალ „პრინციპებს“. მაგრამ ეს ძიება იყო წმინდა ფორმალისტური ხასიათისა, იგი არ იყო დაკავშირებული იმ საგნის ძიებასთან, რომელიც ლიტერატურის სასიცოცხლო ძარღვს წარმოადგენს. ამით უნდა აიხსნას, რომ მათ პოეტურ ხმას არ ჰქონდა პირველ პერიოდში ფართო საზოგადოებრივი რეზონანსი.

ბუნდოვანი ძიების პერიოდი ამ მწერალთა ლიტერატურულ ცხოვრებაში ოცდაათიანი წლების დასაწყისამდე მოდის. ოცდაათიანი წლების დასაწყისს, კერძოდ მის მეორე ნახევარში ჩვენს ქვეყანაში მომხდარმა დიდმა ისტორიულმა ძვრებმა ეკონომიკისა და კულტურის სფეროში, ძველს ინტელიგენციაში, მათ შორის მწერლებშიაც გამოიწვია სწრაფი მობრუნება და გადასვლა საბჭოთა იდეურ პოზიციებზე... ამ მოძრაობამ ყველაზე დიდი და უშუალო გამოხატულება პპოვა დასახელებულ ლიტერატურულ ახალგაზრდობის იდეურ მხატვრულ შეხედულებებში. ამის ახსნა ადვილია. მართალია, ამ ახალგაზრდობას წარსულის აჩრდილი დასტრიალებდა თავს, მაგრამ, რამდენადაც მათი შეგნებული და ლიტერატურული ცხოვრების დასაწყისი საბჭოთა პერიოდს ემთხვევა. ოდა, იმდენად ძლიერი იყო მათში ახალის გრძნობის უნარი. ახალის ბუნდოვანი ძიება, რომელიც დამახასიათებელი იყო ქართველი ლეფელებისათვის, ბოლოსდაბოლოს, სოციალიზმისა და სოციალისტური კულტურის თანდათანობით გამარჯვებასთან ერთად აუცილებლად უნდა განვითარებულიყო იმ ლოლიკური გზით, რომლითაც განვითარდა ის. ქართველ ლეფელთა ყველაზე ორგანიულად მისვლა სოციალისტურ სინამდვილესთან და ღრმა გაგება სოციალისტური ლიტერატურის ინტერესებისა გარდევალი იყო, რადგან მათი სიახლის ძიება იმდენად წარსულთან არ იყო დაკავშირებული, რამდენადაც მომავალთან. ყოველი ახალისა და ცხოველმყოფელურის მასაზრდოებელ წყაროდ შეიძლება იყოს მხოლოდ და მხოლოდ რევოლუციური სინამდვილე.

აი რით უნდა ავსხნათ ის გარემოება, რომ არაპროლეტარული მწერლებიდან აღნიშნულ პერიოდში ყველაზე ადვილად და ყველაზე გადაქრით „ლეფელთა“ საუკეთესო წარმომადგენლები დადგნენ საბჭოთა ლიტერატურის იდეურ პოზიციებზე და ახლა ისინი წარმოადგენენ ქართული საბჭოთა ლიტერატურის მოწინავე ძალებს.

~~პოეტი სიმონ ჩიქოვანი~~ რომელიც ქართველი ლეფური ახალგაზრდობის ყველაზე გამოკვეთილი ფიგურა იყო, ერთ-ერთი გამოჩენილი და მოწინავე საბჭოთა პოეტია. მისი შემდგომი პერიოდის ლექსები დაწერილია უდიდესი პოეტური შთაგონებით, მხატვრული ოსტატობითა და იდეური სრულყოფით. სიმონ ჩიქოვანის პოეზიისათვის ლირიკულ უშუალობასა და პოეტურ ოსტატობასთან ერთად დამახასიათებელია ფილოსოფიური სიღრმე, სურათოვნება, მხატვრული ხედვის დიდი დიაპაზონი. პოეტმა უკანასკნელ პერიოდში საბოლოოდ დახვეწა ლექსი ფორმალისტური ხასიათის ბუნდოვანებისაგან, რაც ხშირად ძნელად გასაგებს ხდოდა ლექსის აზრს. იდეას და ხელს უშლიდა მის ფართოდ გავრცელებას მკითხველთა მასაში, ხალხში. ს. ჩიქოვანი უდიდესი პასუხისმგებლობით და კრიტიკის თვალთ უყურებს ყოველ სიტყვას, მხატვრული გამოსახვის ყოველ საშუალებას და იშვიათად ემოციურს ხდის ლექსს. მისი ახალი ლექსები ფორმალურად დახვეწილი და აზრობრივად ნათელია. ამასთან ს. ჩიქოვანის პოეზია ქართულ საბჭოთა ლიტერატურაში გამოირჩევა პრობლემურობის სიჭარბით. ის არასოდეს არ მიდის თემასთან უბრალოდ და იოლი გზით, იგი ცდილობს ინდივიდუალურისა და სოციალურის, საზოგადოებრივის;

ისტორიულისა და თანამედროვეობის თემები მოაქციოს მკაცრ ლოლიკურ ჩარ-
ჩოებში და აიყენოს მხატვრულ განზოგადობამდე. ამას გაქრდა პოეტი შორს
იხედება. ლექსის შინაარსს ბრწყინვალე მომავლის დიდი იდეების შუქით ანა-
თებს. ჩიქოვანის ლექსის ფორმა და შინაარსი ბუნებრივად არიან შერწყმული
ერთმანეთთან, მხატვრულად მთლიანია და სრულყოფილი. ამ მხრივ მისი უკა-
ნასკენელი ლექსები პოეტური ოსტატობის ნიმუშებს იძლევიან და შეაქვთ მხატ-
ვრული სიახლე თანამედროვე პოეზიაში. სიმონ ჩიქოვანის პოეზია ამჟამად არის
დაუცხრომელი ძიება მაღალი მხატვრული ფორმისა, ძიება დიდი იდეების პო-
ეტური ექვივალენტისა. სიმონ ჩიქოვანი ნათელი აზროვნების პოეტი. მის სა-
სახელოდ უნდა ითქვას, რომ იგი გრძნობს, რომ ძიების პერიოდი მას ჯერ კი-
დეც არ გაუვლია. ჩიქოვანს აქვს მაღალი მხატვრული გემოვნება და საღი პოე-
ტური ალღო; როგორი სრულყოფილიც უნდა იყოს მისი ლექსი, ვერ დაინა-
ხავთ იქ ავტორის თვითგმყოფილებას და გრძობ, რომ ჯერ კიდევ არ არის სა-
ბოლოოდ ის, რისკენაც მიილტვის პოეტი. ამიტომ, სიმონ ჩიქოვანის ყოველი
მომდევნო ლექსი რაღაცას ახალსა და საინტერესოს შეიცავს.

დემნა შენგელაია რევოლუციამდე გამოვიდა სამწერლო ასპარეზზე, მაგ-
რამ, როგორც მწერალი, იგი ჩამოყალიბდა საქართველოში საბჭოთა ხელისუფ-
ლების დამყარების შემდეგ. ადრინდელ ნაწარმოებებს მწერლის შემოქმედებით
ბიოგრაფიაში არა აქვთ არსებითი მნიშვნელობა. დემნა შენგელაიამ დაახლო-
ვებით ისეთივე გზა გაიარა, როგორიც ყოველმა ქართველმა ფუტურისტმა. მას
ჰქონდა სიმბოლიზმის გავლენაც, ნატურალისტური ელემენტებიც, სქემატიზ-
მიც. იგი თავისი შემოქმედებითი პრაქტიკით ხშირად უარყოფდა მხატვრული
პროზისათვის აუცილებელ პრინციპს — მტკიცე სუბეტურ აღნაგობას, ფაბუ-
ლის განვითარების ლოგიკურ თანმიმდევრობას, მძაფრ შინაგან კონფლიქტებს,
კვანძებს და მისდევდა გარეგანი ქვრეტის ლოგიკას, ე. ი. გადმოგვეცემა იმს
და ისე, რაც და როგორაც ესათვის მოვლენა, ტიპაჟი მწერლის ერთი შეხედ-
ვის არეში გადატყდებოდა. ის იდეურ-ფსიქოლოგიური სიღრმე და განცდების
სიუხვე, რაც პროზისათვის აუცილებელია, არ იყო აუცილებელი და სავალდე-
ბულო ბელეტრისტიკისათვის. მაგრამ, მიუხედავად ამისა, დემნა შენგელაია, რო-
გორც პროზაიკოსი, მაინც თავისი ჯგუფიდან ყველაზე მეტად იყო დაკავშირე-
ბული სინამდვილესთან, ცხოვრებასთან, ყველაზე ახლო იდგა რეალიზმთან. ამ
მომენტმა ხელი შეუწყო შენგელაიას პროზის შინაგანი ბუნების სწრაფ გარ-
დაქმნას და თანდათანობით გამოსვლას სოციალისტური რეალიზმის გზაზე.
ამასთან, ის რაც ახასიათებდა დემნა შენგელაიას ადრინდელ პროზას, არ იყო
შედევნი ავტორის მხოლოდ მხატვრული კონცეპციისა, ის იყო ნაწილობრივ
მწერლური სიჭაბუკის ნაყოფი. იგი საბჭოთა მწერლობაში არ მოსულა მხატვ-
რულ ოსტატობას დაუფლებული, დასრულებული სტილის მქონე. ის მოვიდა
სტილის დადგენისათვის ბრძოლით. ამიტომ ევოლუცია თავისი შინაგანი წი-
ნააღმდეგობებითა და ნიუანსებით, ძლიერი და სუსტი მხარით, რომელიც გაი-
არა შენგელაიამ, ნახევრად გარდაუვალი, აუცილებელი იყო პროზაიკოსისათ-
ვის. პროზაიკოსს გაცილებით უფრო ვრცელი მოსამზადებელი პერიოდი აქვს.

დემნა შენგელაია ამჟამად ერთერთი თვალსაჩინო წარმომადგენელია საბ-
ჭოთა პროზისა. მისი მოთხრობები და რომანები ყურადღებას იპყრობენ გამოკ-
ვეთილი სახეებით. თემისა და პერსონაჟის სიახლით, კომპოზიციური ორიგი-
ნალობით, მხატვრული სიმართლითა და მოფიქრების სიღრმით, პროზაიკოსი
სათვის დამახასიათებელი გულმოდგინებითა და უშუალოდით. დემნა შენგე-

ლოიას პროზას მდიდარი თემატიკური ფონი და მრავალსახოვანი პერსონაჟი აქვს. იგი აგვისახავს სასიცოცხლო ნიადაგმოკლებულ და სასიკვდილოდ განწირულ ფეოდალური არისტოკრატის ნაშიერთა გაკოტრებას, მათს ფუქსავატ ცხოვრებას, იმპერიალისტური და სამოქალაქო ომის ეპიზოდებსა და პერსონაჟებს, ქვლენტა ყოფა-ცხოვრებას პირველი რევოლუციის წინა ხანაში, საბჭოთა-საქოლმეურნეო სოფელს, გასული საუკუნის მეორე ნახევრის ტფილისს ტიპური სოციალური ფენებითა და სიტუაციებით და სხვ. მან შეჰქმნა შესანიშნავი მხატვრული ნარკვევი ბელადის დიადი ფიცის შესახებ. მასვე ეკუთვნის ნიჭიერად დაწერილი მოთხრობა სტალინზე, სადაც დიდი ლირიკული უშუალობით არის ასახული სტალინის ბავშვობის წლები, იმდროინდელი გარემო, ხასიათები და მშობლების ოჯახი. მასვე ეკუთვნის პირველი სერიოზული ცდა ჩვენს ლიტერატურაში საბჭოთა ინტელიგენციის ტიპების შემოყვანისა („შთავონება“).

აკაკი ბელიაშვილი ნოველებისა და პატარა მოთხრობების კარგი ოსტატია. მის პროზას ახასიათებს მტკიცედ გამოკვეთილი სუჟეტი, დახვეწილი ენა, მოხდენილად განვითარებული ფაბულა და ლამაზი დიალოგი... დიდი ზომიერების გრძნობა და სიტყვის სიძუნწე, სადა, მაგრამ შინაგანი მღელვარებით განვითარებული ფაბულა, ბელიაშვილის მოთხრობებს ემოციურ ძალას აძლევენ. მისი პროზის მთავარი თემა არის საბჭოთა ბედნიერი ახალგაზრდობის გმირობა, ერთგულება და თავდადება სამშობლოსათვის. მართალია, ბელიაშვილის ზოგიერთ მოთხრობებს ახასიათებს სიმშრალე და სქემატურობა, მაგრამ უმთავრესად თავის მოთხრობებში იგი ამჟღავნებს ბელეტრისტიკისათვის აუცილებელ უშუალოებას და დეტალებს აღწერას აცხოველებს შინაგანი ლირიზმით. მან იცის ადამიანის ფსიქოლოგია, სული და წერის დროს მთელი აქცენტით ამ მომენტებზე გადააქვს. ამით უნდა აიხსნას, რომ ბელიაშვილის მოთხრობები ბოლომდე ინტერესით იკითხება.

პოეტებიდან არ შეიძლება გვერდი აუაროთ ვიქტორ გაბესკირიას. ვიქტორ გაბესკირია წმინდა ლირიკული ნატურის პოეტი. მისი ლექსები უფრო მეტად დაკავშირებულია გრძნობის ორგანოებთან და ყოველი მხატვრული წარმოსახვა ხედვის სფეროში ხდება. ეს გარემოება გაბესკირიას პოეზიას შინაგანად ნათელს ხდის. გაბესკირიამ დასძლია უკიდურესი განყენებულობა, დეკადანსის „მემკვიდრეობის“ გავლენები, რომელიც მას ადრე ახასიათებდა. და ორგანიულად გაჰყვა ახალგაზრდა საბჭოთა ლიტერატურის ტრადიციებს. მისი უკანასკნელი წლების ლექსები შთავონებულია დიადი სოციალისტური აწმყოთი და გამთბარია თანამედროვე ადამიანის სიხარულით. მაგრამ უნდა აღინიშნოს ისიც, რომ მის ცალკეულ ლექსს ჯერ კიდევ ატყვია წარსულის ნიშანი, მყოფობის კერძობითი გამოვლენა და შემოზღუდვა მეტად ვიწრო ინტიმური ამბებით. ამასთან არ არის ყოველთვის დაცული მის ლექსებში მუსიკალური მთლიანობა და არ მისდევს იგი პოეტურ მოდულაციას.

ვარლამ ჟუჟუღლა საკვებით გადაახალისა თავისი პოეზიის იდეური არსენალი. იგი ცდილობს დროზე გამოეხმაუროს ჩვენს ქვეყანაში მომხდარ ყოველ მნიშვნელოვან მოვლენას. სწერს პატრიოტიზმზე, თავდაცვით თემაზე, საკოლმეურნეო სოფელზე და საბჭოთა კავშირის გმირებზე და გმირობაზე. მაგრამ რამდენადაც გულმოდგინეობას იჩენს აქტიური თემების შერჩევაში, იმდენად უდარდებლობას ამჟღავნებს ფორმისადმი. იგი ძალიან პასიურად უყურებს ლექსის მხატვრულ მხარეს.

დავით გაჩეჩილაძეც საკმაოდ პროდუქტიულია, მაგრამ მან თვისი სტილი თარგმანებით განსაზღვრა და დაჰკარგა „საკუთარი“ ხმა. მისი ორიგინალური ლექსები ჰგვანან თარგმანებს. აქ ვერ იგრძნობა ხალასი უშუალო და ის ინტიმი, რომელიც პოეტის ორიგინალურ ლექსს ძველად ახასიათებდა.

*
* *

უკანასკნელი წლების მანძილზე ქართულ საბჭოთა მწერლობაში დაწინაურდნენ საკმაოდ ნიჭიერი ახალგაზრდები (გ. კალანდაძე, მ. გელოვანი, ალ. საჯავაი, გ. ჯაბუშანიური, ლ. ასათიანი, შ. ამისულაშვილი, რ. მაჩაიანი, მ. მრეკლიშვილი, მ. ბარათაშვილი, ლ. ბალიაური, კ. ხიმშიაშვილი, ვ. ავალიანი, ი. ნონეშვილი, გ. ძიგვაშვილი, ა. თევზაძე, მ. მიქელაძე, ივ. შაიშველაშვილი, ვ. სულაბერიძე, ვ. უბილავა და სხვ.). ამ ახალგაზრდობამ სწრაფად მიიპყრო ლიტერატურული საზოგადოებრივობის ყურადღება. ეს ყურადღება დაიმსახურეს ერთმანეთს იმით, რომ უმრავლესობა ამ ახალგაზრდობისა ლიტერატურაში მოვიდა თითქმის უკვე გამართული სტილით, მხატვრული კულტურით და გამოამყვანა დიდი პოტენციალური ენერჯია: მეორეს მხრივ, მათ თან მოატანეს პოეტური ფანტაზიის საკუთარი სამყარო. შეგვადნენ განსხვავებულიყვნენ წინა თაობის მწერლებისაგან, ახალი გზები მოენახათ მოვლენებისადმი მხატვრული მისვლისა და მათი ასახვისა. ისინი ძირითადად ჯანსაღი ტენდენციების მატარებლები არიან, თავიანთ ლექსებსა და მოთხრობებში ორგანიულად აქსოვენ ბედნიერი თანამედროვეობით აღძრული სიყვარულისა და სიხარულის გრძნობებს. მათ ეკუთვნით ბევრი კარგი ლექსი თანამედროვეობის უმნიშვნელოვანეს თემებზე. მათი ლექსები, დაწერილი ბრძენი ბელადისა და მისი სამშობლო—გორის დიად თემაზე, საბჭოთა პატრიოტიზმზე, სოციალისტურ სამშობლოს თავდაცვაზე, თანამედროვე სოფელზე და ქალაქზე, ჩვენი ეპოქის ახალ ადამიანზე და მის სულიერ განცდებზე ორგანიულად ეღვრენ ქართულ საბჭოთა პოეზიაში.. ყველა ამ ნაწარმოებში მთელი ბუნებრივი უშუალობით განვიცდით მოწინავე საბჭოთა ადამიანის დამოკიდებულებას მის გარეშე სამყაროსთან, საზოგადოებრივი და სუბიექტური ხასიათის მოვლენებთან, ამბებთან. ამასთან, ბევრი რამ საინტერესო და ახალი გვხვდება ამ მწერალთა მიერ ქართველი ხალხის მდიდარი ისტორიული წარსულის მხატვრულ ინტერპრეტაციაში, ისინი ცდილობენ ორიგინალური მხატვრული საშუალებებით, მანერით და ახალი მხატვრული გაშუქებით გვიჩვენონ შორეული ისტორიული წარსული, რომელზეც ძალიან ბევრი დაწერილა კლასიკოსების მიერაც და თანამედროვე ლიტერატურაშიც. მაგრამ უნდა ითქვას, რომ ეს ცდები ყოველთვის წარმატებით არ სრულდება. ამასთან, ყველა ახალგაზრდა არ არის ერთნაირი შესაძლებლობისა და ერთნაირი სტილის მწერალი.

ერთი ნაწილი ამ ახალგაზრდობისა ცდილობს წავიდეს „წმინდა პოეზიის“ გზით, შედარებით ნაკლებ მნიშვნელობას აძლევს თემას, იღებებს და უმთავრეს ყურადღებას აქცევს ფორმას, რაც ხშირად უარყოფით გავლენას ახდენს მათს მთელ შემოქმედებაზე, უქმნის ყალბ ტონს. ფორმა ამ ახალგაზრდა მწერლების შემოქმედებაში იქნის თავისთავად მნიშვნელობას. მათთვის ლიტერატურული ცხოვრება უფრო მეტად საინტერესოა, ვინემ პრაქტიკული სინამდვილე. გატაცებული არიან შორეული ისტორიული წარსულის თემებით, რომლებიც გარომანტიზირებული სახით წარმოგვიდგება, ბავშვობის დროის „მოგონებებით“, წმინდა ინტიმური და განყენებული თემებით, რადგან ეს თემები

გაცილებით მეტ „თავისუფლებას“ აძლევს მათს პოეტურ ფანტაზიას. ამასთან შედარებით ნაკლებ მიდრეკილებას იჩენენ თანამედროვეობის აქტუალური პრობლემებისადმი. ისინი ამ პრობლემებს ეხებიან სხვათაშორის და პერიოდულად, მათი შემოქმედების ცენტრალურ თემათ არ გადაქცეულა ის სინამდვილე, რომლითაც სუნთქავენ და საზრდოობს დღევანდლობა, თანამედროვე ადამიანი, თანამედროვე და მომავალი კულტურა. ამიტომ ახალგაზრდა მწერლების ეს ნაწილი ვერ ამჟღავნებს ცხოვრების ღრმა ცოდნას, დიდ პრაქტიკულ დაკვირვებას და კმაყოფილებიან წუთიერი შთაბეჭდილების გადმოცემით. წუთიერ შთაბეჭდილებებს კი არ ძალუძთ გაგვაცდევინონ სიღრმე და სიღაღე სოციალისტური თანამედროვეობისა, მოახდინონ დიდი ემოციური ზეგავლენა მკითხველზე. ამ ახალგაზრდა პოეტების (ლ. ასათიანი, მ. გელოვანი, ა. შენგელია, ნაწილობრივ რ. მარგიანი, ი. ნონეშვილი და სხვ.) შემოქმედებით პრაქტიკაში თავს იჩენს დეკადანსის პოეზიის გავლენის ელემენტებიც: საკუთარ ცხოვრებაზე გულგატეხილობა, მარტოობა, უპერსპექტივობა, სევდა, წუხილი, ვატირება წარსულისადმი და ბუნდოვანი ზედვა მომავალი პერსპექტივისა, სახეებისა, შედარებების დაბნელება და სხვ.

უკანასკნელ პერიოდში ამ ახალგაზრდა პოეტების ერთი ნაწილის შემოქმედებაში დაიწყო ბრძოლა ჯანსაღსა და ავადმყოფურ საწყისებს შორის. ისინი თანდათან თავისუფლდებიან აღნიშნულ შეცდომებისაგან და გამოდიან საბჭოთა მწერლობის ფართო შემოქმედებით ასპარეზზე.

ზოგიერთი ახალგაზრდა მწერალი (გ. ჯაბუშანური, ალ. საჯაია, გ. კალანდაძე, გ. ძიგვაშვილი და სხვ.) უფრო სწორი გზით მიდის. მათი პოეზია შთაგონებულია კომუნისმის იდეებით, სოციალისმის გამარჯვებებით, საბჭოთა ხალხის გმირობით, მაგრამ ჯერ კიდევ თან სდევთ „ყრმობის“ ბუნდოვანება.

რაც შეეხება ახალგაზრდა პოეტებს ა. თევზაძეს, შ. ამისულაშვილს და სხვ., მათი შემოქმედება იდეური თვალსაზრისით უფრო ჯანსაღია. ისინი ისწრაფვიან დროულად გამოეხმაურონ თანამედროვეობის აქტუალურ თემებს. მათ აქვთ მთელი რიგი კარგი ლექსებისა სტალინზე, სამშობლოზე, კულტურის დიად შემკვიდრობაზე და საბჭოთა ხალხის ყოფა-ცხოვრებაზე, ახალი ადამიანის ინტერნაციონალურ სულისკვეთებაზე, ეს ლექსები შთაგონებულია ბედნიერი თანამედროვეობით, მაგრამ მათ ლექსებში თანაბრად არ იგრძნობა პოეტური ოსტატობა. თავიანთ იდეებს, აზრებს ხშირად მარტივად გამოხატავენ და მხატვრული საღებავები უბრალოებამდე დაჰყავთ... ამასთან ზოგჯერ მათი ლექსის ფორმა ხალხური პოეზიის სრულ იმიტაციამდე დადის (ა. თევზაძე) და სუსტად მიიწევენ ლიტერატურული სიახლისა და მხატვრული ოსტატობისაკენ.

ხალხურობა მწერლობისა არასოდეს არ ნიშნავდა და არც ახლა ნიშნავს ლიტერატურის დაყვანას მხატვრული გამოსახვის ფოლკლორის ფორმამდე, დონემდე. კლასიკოსების ძალა და მნიშვნელობა იმაში მდგომარეობდა, რომ ისინი, უშუალოდ უკავშირდებნენ რა თავიანთ შემოქმედებას ხალხს, ამდიდრებდნენ ამ შემოქმედებას იმ ცხოველი და დიდი ფანტაზიით, რომელიც ხალხს გააჩნდა. ხალხური პოეზიიდან სწავლობდნენ სისადავეს, ხალხის განწყობილებას, გულმართალ მისვლას მშრომელთა მასასთან და ღრმად იგებდნენ ამ მასის გულსტეკივლს, იმსჯელებოდნენ ხალხში დაფარული ოპტიმიზმით, მომავლის იმედით და ეს იმედი ჰქმნიდა მათ შემოქმედებაში შინაგან პათოსსა და მძაფრ დრამატიზმს. მაგრამ გამოსახვის ფორმალურ საშუალებებით კლასიკოსები უშუალოდ არ ბაძავდნენ ხალხს, ფოლკლორის

პოეტურ ხერხს. ისინი ამუშავებდნენ საკუთარ მხატვრულ ლაბორატორიაში და დიდი ლიტერატურული კულტურის ზარისხში აპყავდით. ასეთია აგრეთვე საბჭოთა ლიტერატურის დამოკიდებულების პრინციპი ხალხური საუნჯისადმი. სხვა გზა ნამდვილი ლიტერატურისათვის არ არსებობს. წამბაძველობა იოლი გზაა და ამ გზით ახალგაზრდობა არასოდეს არ უნდა წავიდეს.

იმისათვის, რომ შედარებით სრული წარმოდგენა ვიქონიოთ უკანასკნელი თაობის ლიტერატურულ ახალგაზრდობაზე, მოკლედ უნდა შევეხეთ აგრეთვე ახალგაზრდა პროზაიკოსებს.

უკანასკნელ პერიოდში მხოლოდ სამი პროზაიკოსი (ლ. ბალიაური, კ. ხიმშიაშვილი, ლ. ავალიანი) დაწინაურდა. სამივე ახალგაზრდა უთუოდ ნიჭიერი და საინტერესო მწერალია.

ლადო ბალიაურის შემოქმედების თემს ზევსურეთია. მან კარგად იცის თავისი თემის კოლორიტი, ხევსური ხალხის ყოფა-ცხოვრება, წარსული, აწმყო და მომავალი. ამასთან იგი თავის მოთხრობებში ცხოვრების დიდ პრაქტიკულ ცოდნას ამჟღავნებს, რაც პროზაიკოსის გამარჯვების ერთი ძირითადი აუცილებელი პირობაა. ცხოვრებისა და ადამიანების პრაქტიკული ცოდნის გარეშე აღწერილი გარემო და ტიპები, როგორი თავისებურებითაც არ უნდა იქნენ ისინი შემოსილი, მკრთალი და სისხლნაკლები იქნება. ამიტომ არის, რომ ბალიაურის მიერ დახატული ხევსური ტიპები, ხევსური ხალხის ყოფაცხოვრება, გარემო უაღრესად ტიპიურია და დამაჯერებელი. ბალიაურს კარგად ეხერხება სუფიტის კომპოზიციური შეკვრა, ფაბულის მძაფრი დინამური განვითარება. ყოველი მისი მოთხრობა კომპოზიციურად თითქმის უნაკლოა... მაგრამ ამ დიდ ღირსებებთან ერთად აქვს ნაკლიც, რომელზეც ახალგაზრდა პროზაიკოსს ამთავითვე უნდა მიუთითოთ. იგი თავის სტილს მეტისმეტად აეგზოტიურებს. გადაჭარბებით იტაცებს კუთხის ვიწრო კოლორიტული თავისებურება და ამ თავისებურების ხატვის დროს ვერ ჰქმნის გარკვეულ სიახლეს. მზის თანამედროვე მწერლისათვის იდეების სიახლე არ მიგვაჩნია საკმარისად. მან ახალი ფორმალური საშუალებები უნდა გამოიხიოს, თვით მამქმედი პერსონაჟის სასაუბრო ენაშიც მეტი თანადროულობა, ზომიერება და ბუნებრივობა უნდა სჩანდეს და მეტყველების კოლორიტი უბრალო ჟარგონამდე არ უნდა დადიოდეს. მწერლისა და მისი ტიპების ენა ორგანიულად უნდა ერწყმოდეს საერთო ქართულს. ამასთან, ბელეტრისტიკა უფრო მეტი ყურადღება უნდა მიექციოს არა ტრადიციულ ჩვევათა შესწავლას, არამედ თანამედროვე ხევსურეთის განახლებულ ცხოვრებაზე აღმოცენებულ ახალ მორალურ ჩვევებს, ახალ ხასიათებს. ეს მორალური ნორმები და ხასიათები მან უნდა გამოიყვანოს იმ საერთო ცხოვრების ცოდნათა ჯამიდან, რომელშიც მთელი ჩვენი ხალხი ცხოვრობს. ამ თვალსაზრისით მწერლის მიერ გამოუქმებული თანამედროვე ზევსურეთი უფრო საინტერესო, უფრო მართალი და დამაჯერებელი იქნება. ეს თავის მხრივ მოითხოვს მწერლსაგან პრაქტიკული ცოდნის არსის გაფართოვებას. არ არის საკმარისი ხევსურეთის მხოლოდ ღრმა ცოდნა, საჭიროა ღრმად და ყოველმხრივად შეისწავლოს მწერალმა საერთოდ თანამედროვე ადამიანი, ე. ი. თანამედროვე ადამიანი ბარშიაც და მთაშიაც. საჭიროა მთის ცხოვრებასთან ერთად შეისწავლოს ბარის ცხოვრებაც. ეს ჯერ კიდევ არ სჩანს ბალიაურის პროზაში. რამდენადაც სისხლჭარბია მისი მთის ადამიანები, იმდენად შედარებით სუსტი გამოუდის, როცა სხვა კუთხის, სხვა „მორალის“ ადამიანების დახატვას იწყებს.

კოტე ხიმშიაშვილი უფრო სხვანაირი ტიპის მწერალია. არ შეეცდებით, თუ ვიტყვით, რომ ის ლიტერატურაში მოვიდა ლიტერატურიდან, ე. ი. იგი თავის მხატვრულ სამყაროს ლიტერატურიდან ჰქმნის. მის პატარ-პატარა მოთხრობებს ჰარბად ატყვიან „ლიტერატურულობის“ დალი. აქ აშკარად სჩანს, რომ მათმა ავტორმა ცუდად, ან ნაკლებად იცის პრაქტიკული ცხოვრება-ფაბულა მოთხრობებისა აგებულია შემთხვევებზე, გარეგან ეფექტებზე, რომლებიც ამბის განვითარების შინაგანი აუცილებლობით არ არის მომზადებული. ახასიათებთ ზერელობა და სქემეტიზმი. როცა კ. ხიმშიაშვილის მოთხრობების კითხვას ამთავრებთ, გგონიათ, რომ თქვენ წაიკითხეთ ოდესღაც წაკითხული. ამის მიზეზი სწორედ ის არის, რომ მწერლის მხატვრული ფანტაზია გამდიდრებულია არა ცხოვრების პრაქტიკული ცოდნით, საიდანაც მას შეეძლება შეიმუშაოს ახალი სახეები, ახალი სიტუაციები და სხვ., არამედ ლიტერატურიდან.

ამ ნაკლს კ. ხიმშიაშვილმა გვიან მიაქცია ყურადღება. მის უკანასკნელ რომანში „ჯონქა ზორნაული“ სჩანს ავტორის პრაქტიკული დაკვირვების ალლო. იგი შესდგომია ცხოვრების ყოველმხრივ შესწავლას. ამ თვალსაზრისით რომანში ბევრი რამ საინტერესო და საგულისხმოა. მაგრამ ამ რომანშიც თანამედროვე ცხოვრებისა და ადამიანების ყოველმხრივი ცოდნის დიდი სიღრმე არ სჩანს... იქ ჯერ კიდევ არის გამოამყარებული აქა-იქ ზერელე ცოდნის, წუთიერი შთაბეჭდილებების შედეგები. ახალგაზრდა მწერალს ბევრი მუშაობა დასჭირდება მხატვრული ფანტაზიის, მხატვრული სამყაროს გამდიდრებისათვის სინამდვილის ღრმა დაკვირვებათა შედეგად მიღებული შთაბეჭდილებებით. ამას იგი აუცილებლად უნდა ჩაუკვირდეს. კ. ხიმშიაშვილს, როგორც ბელეტრისტს განსაკუთრებულ ღირსებად უნდა ჩაეთვალოს ქართული ენის საუცხოვო ცოდნა. მისი დიალოგი დახვეწილია, ლაკონური და მხატვრულად საყვებით დასრულებული.

ვლადიმერ ავალიანი ნოველების მწერალია. პატარა ნოველა-მოთხრობებში იგი კარგად ახერხებს ხასიათებისა და ბუნების პეიზაჟების ხატვას. მისი მოთხრობების ფაბულა ელასტიურია და სწრაფად ვითარდება, მწერალი ცდილობს მძაფრი კოლიზიების მონახვასა და აზრის დრამატიზირებას. მაგრამ მისი ლიტერატურული სტილი ჯერ კიდევ დუდილის პროცესშია. საჭიროებს დიდ დახვეწას. მწერალი გატაცებით მისდევს ბუტაფორიას, ფორმალისტური იმპრესიონისტულ მანერებს, „გამოვონებებს“. გარდა ამისა მისი მოთხრობები ზოგჯერ მშრალია, სქემეტიური და მხატვრულად ნაკლებად დამაჯერებელი. ვ. ავალიანი უფრო ძლიერად ააშკარავებს იმავე სისუსტეს, რასაც ხიმშიაშვილი, ისიც პრაქტიკული ცხოვრების ნაკლებს ცოდნას ამჟღავნებს. მაგრამ ხიმშიაშვილისაგან განსხვავებულად მისი ენა არ არის ლაკონური. ავალიანის მოთხრობებში ფრაზები ძალიან გრძელია, პუბლიცისტური, ხშირად ხმარობს ნაცვალსახელებს და სხვ. საერთოდ ქართულ მხატვრულ ენას არ ეგუება გრძელი და რთული წინადადებები.

ამ ამხანაგების გარდა პროზაში სხვა ისეთი ახალგაზრდა, რომელსაც თავისი ინტენსიური მუშაობით ფართო შემოქმედებითი შესაძლებლობა გამოემჟღავნებინოს, ჯერ არ გამოჩენილა. არის თითო-ორი მოკრძალებული ახალგაზრდა, რომლებიც პერიოდულად ბეჭდავენ პატარ-პატარა მოთხრობებს, მაგრამ მათზე აქ ჩვენ არ შეგვიჩერდებით.

საერთოდ, როგორც დავინახეთ, ლიტერატურული ახალგაზრდობა საბჭოთა მწერლობის განვითარების ისტორიაში წარმოადგენს ერთ-ერთ მთავარ

შემოქმედებით ძალას. მიმდინარე ეტაპზე ლიტერატურული ახალგაზრდობა, მიუხედავად მთელი რიგი არსებითი ნაკლოვანებისა, რაზეც ჩვენ ზევით შევჩერდით, არის აქტიური შემოქმედი, რომელიც დიდ პერსპექტივებს იძლევა.

ლიტერატურული ახალგაზრდობა, ისევე, როგორც მთელი ჩვენი საბჭოთა მწერლობა, უფრო ღრმად უნდა დაეუფლოს თანამედროვეობის თემს. მას უნდა ახსოვდეს ამხ. ლ. ბერიას შემდეგი სიტყვები საბჭოთა მწერლის შესახებ: „საბჭოთა მწერალი, უწინარეს ყოვლისა, უნდა იყოს საბჭოთა ხელისუფლების, სოციალისტური სამშობლოს, ლენინ-სტალინის პარტიის ერთგული ადამიანი, მას უნდა უყვარდეს საბჭოთა ხალხი, საბჭოთა სამშობლო, ღრმად სწამდეს მისი ძალა და ძლიერება. იგი უნდა იყოს გულწრფელი და გულმართალი თავის ნაწარმოებებში, იგი უნდა განამტკიცებდეს, აფართოებდეს თავის კავშირურთიერთობას მშრომელთა ფართო ფენებთან“.

ახალგაზრდა მწერალთა შემოქმედებაში გმირულ საბჭოთა სინამდვილემ უნდა ჰპოვოს უფრო მეტი და უფრო სრულყოფილი მხატვრული ასახვა.

„ჩვენი ლიტერატურა უნდა იყოს ხალხური, უნდა გამოხატავდეს კაცობრიობის მოწინავე იდეებს — ლენინ-სტალინის პარტიის იდეებს“ (ლ. ბერია).

იბდიობრატია

მაჟვალა მრავლიშვილი — „ლექსები“

გამოცემალოგა „საბლიტბაში“.

ახალგაზრდა ნიკიერი პოეტი ქალის ლექსების წიგნი იხსნება ლექსების ციკლით: „ჩემი სამშობლო“. აქ მოთავსებულია ლექსები დიდი ეპოქის ბრწყინვალე დღეებსა და მის შესანიშნავ ადამიანებზე.

ლექსი „ბელადის სახლიან“ ვრცელი სუჟეტისანი ლექსია და იშლება მდიდარი ბუნების ფონზე. ლექსში ამტყვევებულია ბელადის სამშობლო ქართლი, რომელიც სტუმრებს ეპატიუება და ასეთ მუსაიდს უმართავს:

...ოჯახის შვილი სახლში არ გახლავს,
საბრძოლოდ არის ხალხის რჩეული,
დაკუწა მტერი, ჩვენზე კარგაზანს
გველეშაპივით შემოჩვეული.
გზას ამ ეზოდან კრემლის მიწამდე
მზის ნამუხლარი შეურჩენია,
რამდენი ერიც სტუმრად ვიწადე,
მეტყვის, — შენი ძე ახლა ჩვენია“.

ამის შემდეგ პოეტი ექსკურსიას აკეთებს გორის მიდამოებში, აღწერს გორის ბუნების ზიდიდეს, მომზიბლაობას და მის წიაღში სკვრეტს საბჭოთა კავშირის ხალხების ზეიმს.

ლექსი უეჭველად დადი სუჟეტური აღნაგობით არის გააზრებული და არ შეიძლება ითქვას, რომ მასში ეს დიდი თემა სავსებით იყოს დაწურული. ლექსში სჩანს ხალხთა ზედნიერი ყოფა, მაგრამ რელიეფურად არ იგრძნობა მათი გულისთქმა და სიხარულის განცდა.

ლექსი „ჩვენი მარში“ საბჭოთა მგზნებარე პატრიოტული გრძნობით გაკეთებულნი ლექსია და მასში ასახულია საბჭოთა ადამიანების დიდი სიყვარული და თავდადება თავისი დიდი სამშობლოსათვის.

ლექსი „12 ივნისი“ მიძღვნილია ლირშესანიშნავი თარიღისადმი და ეხება სტალინური კონსტიტუციის საფუძველზე ჩატარებულ პირველ არჩევნებს, სადაც ამრჩეველები და ამორჩეულები ერთნაირი სიხარულის მხურვალე გრძნობებით არიან გამსჭვალული:

„მანქანებით დაფენილა
ეს ზეცა და ეს ყანა.
ზმას მეც გაწვდენ სიამაყით,
საბჭოეთის ქვეყანავ.
დღევანდელი სიხარული
ერთსულოვნად გაისმა.
რა ამინდი დაგვიშაქრა
მოლაღანე მაისმა“.

„პარტიზანის მოგონება“ გადმოგვცემს სამოქალაქო ომის ფონზე ტყეში გახიზნულ პარტიზანების ცხოვრებას.

ლექსის მხატვრული სამკაულები ღარიბია. საესეა განყენებული და ბუნდოვანი სახეებით, რაც ლექსის მხატვრულ ღირებულებას ძალიან ამცირებს. არ ვარგა, მავალითად:

„ალომ დაყარა აშლილი ახო“, „ბალახს გაეკრა ქარვის მქადები“, „მომავლის ელჩად“, „მზის საამქროს ხიზნებმა“ და სხვა.

„ტფილისის ქეები“ ქალაქ ტფილისის მშენებლობის თემაზე დაწერილი ლექსია. მხატვრულად შედარებით სუსტია.

„ცაცა ქირდავა“, „წერილი ახალწვეულს“, „აბრეშუმი“ და სხვა ლექსები გვისახავს საბჭოთა ეპოქის დიად დღეებს და მის მოწინავე ადამიანების განცდებს.

ლექსები: „პატარაძალი“, „კიუხვისაკენ“, „თხილამურებით“, „ალბინიადაში მზექალაც. გეყავდა“, „სტადიონზე“, „ისევ თხილამურები“ და სხვა, როგორც სათაურებიდან სჩანს ფიზკულტურისა და სპორტის თემაზეა დაწერილი.

სარეცენზიო წიგნში მოთავსებულია მთელი ციკლი ლექსებისა ზაფხულის ეტიუდების სახელწოდებით. ამ ლექსებიდან ზოგიერთი ლექსი მხატვრულად სუსტია.

ბ. მ.

ბ. ჯაბუშანური — „არაბვიანი“

უკანასკნელი 4—5 წლის განმავლობაში ქართულ ლიტერატურაში გამოიზარდა მთელი თაობა ახალგაზრდა მწერლებისა, რომელთაგანაც ბევრი უკვე საკმაო პოპულარობით სარგებლობს.

მათ რიცხვს ეკუთვნის პოეტი გაბრიელ ჯაბუშანური.

გასულ წელს „ფედერაციის“ მიერ გამოცემული იქნა მისი ლექსთა კრებული „არაბვიანის“ სახელწოდებით, რომლითაც გ. ჯაბუშანური მკითხველთა წინაშე წარსდგა, როგორც გარკვეული შემოქმედებითი სახის მქონე ახალგაზრდა პოეტი.

მისი ყოველი ლექსი მკითხველს ხიბლავს თავისებური მელოდიკით, ლაკონურობითა და ეპიური სიცხადით.

ხეცურეთის ახალი ყოფა, ტრადიციული ჩვევებისა და შუღლის მოსპობა მთის ხალხში, ბელადისა და სამშობლოსადმი უსაზღვრო სიყვარულის გრძნობა. ჩვენი მესაზღვრეების გმირობა და სიმამაცე — აი ის, რასაც უმთავრესად ეხება ჯაბუშანურის პოეზია.

გ. ჯაბუშანური არ არის ვიწრო ესთეტიური ხედვის პოეტი. იგი ბრძოლისა და მოქმედებისაკენ მოუწოდებს თავის ლექსებს. პოეტს სურს, რომ მის სიტყვას „ჰქონდეს სიმტკიცე, სითბო და ეშხიკ — კაცურად შეხედეს მტერს და მოკეთეს“.

ჯაბუშანურს უყვარს საბჭოთა მესაზღვრეები, რადგან მათში ხედავს ჩვენი დიდი სამშობლოს ფხიზელ და საიმედო მცველებს.

ერთ ლექსში იგი ასე მიმართავს მათ:

„ნუ მიწყენთ, ხშირად რომ არ გახსენებთ,
რომ ვერ ავსახე თქვენი ცხოვრება,
რომ სხვა ფრონტებზე ცეცხლი გავხსენი
და ლექსებს ვგზავნი იქ მემორებად...
რაც თავს მოვესწარ, იქიდან დღემდე
ვცან თქვენი ძალა გაუგონარი“.

პოეტის სურვილია, არა მარტო სიტყვით, არამედ საქმითაც დაამტკიცოს სიყვარული დიდი სამშობლოსადმი:

„მომეცით ხმალი, თავს ვანებებ ლექსთა მოყოლას;
მინდა საქმითაც დაეამტკიცო მღერა ქველური“.
(„გუჟაკური ძახილი“).

საბჭოთა პატრიოტიზმის ძლიერი გრძნობით არის შთაგონებული ჯაბუშანურის ლექსი „ბალადა მესაზღვრეზე“. ავტორს რამდენიმე სტროფში შესანიშნავად აქვს მოცემული მომაკვდავი მეზღვაურის გმირული სულისკვეთება:

„აჰ, დიღო მზეო... მარად გშენის ეგ ამაღლება,
რა იქნებოდა ჩემთვის ჯარი რომ ვეთავაზნა...
მერე ჯანდაბას — არ მენალელება...
საზღვარს გადმოდის თეთრი ნისლი ტანთქვირული,
ნისლს უტევს ქარი, შვენით შეხლა მამაც მეომრებს.
უცებ თოფის ხმა!.. ერთი... მეორე...
და შეძახილი გულგანგმირულის“.

აქ პოეტური ლაბიდარობა მინიმუმამდეა დაყვანილი. ამგვარად სიტყვის ეკონომიის ზარჯზე ჯაბუშანური ძლიერ ეფექტს იძლევა. ძირითადი ხაზი ჯაბუშანურის პოეზიისა ლირიკულ-ეპიური გზით მიიმართება. პოეტს ემარჯვება მოკლე და გამართული სუფეტების მოცემა („ცხენი“, „ლურჯა“, „ქისტის ქალი“, „სამნი“ და სხვა). დინჯი თხრობა ხშირად მძაფრ ლირიზმში გადადის. ამბავს ლექსის ფორმაში ოსტატურად აყალიბებს. საყურადღებოა ამ მხრივ მისი „შეხვედრა“. ნადირობის დროს ანაზღეულად ხედებიან ერთმანეთს ქისტი და ხევსური. მათში ინსტიტუტურად იჩენს თავს საუკუნოებრივი შუღლი და მზად არიან სამკვდროსასიცოცხლოდ შეეჯახონ ერთმანეთს.

„თურმე ამგვარ ზნეს ქმნის იმთავითვე
ასეულ წლობით ნაზარდი მტრობა,
წუთით ძმობის ფიცს გადაგავიწყებს
და მოგანდომებს კვლავ სისხლით თრობას“.

მაგრამ მათ შორის უცებ ჩადგება ბელადის სახე და ორივენი უმაღვე იმსჯელებიან სტალინური მეგობრობის გრძნობით:

„ორივეს გულზე ნათლად ელავდა
სტალინის სახე ჩვეული გზნებით.
ჩვენ შორის ასე ჩადგა ბელადი
და მეგობრობის გაგვიხსნა გზები“.

ეს იდეა ახალი არ არის ჩვენს მწერლობაში, მაგრამ ავტორს მაინც პოეტური ორიგინალობითა და დიდი ემოციურობით მოუხერხებია მისი გადმოცემა. ლექსის ვაჟკაცური რიტმი, მოხდენილი გამეორება („შესდექით! რეკდა აჯა მთებისა“) იშვიათ წთაბეჭდილებას ახდენს მკითხველზე.

სისადავე და უბრალოება ახასიათებს ჯაბუშანურის ლექსების უმეტესობას. მდიდარი რითმები ძალდაუტანებლად მოსდევნენ სიტყვას, აზრი შეუბოროკავად ვლინდება ლექსში, იშვიათთა თვითმიზნური, გარეგნულად ბრწყინვალე სტრიქონები.

ასეთი ბუნებრივობითაა დაწერილი „თმაშევერცხლილი დეპუტატი“:

„წარსულში სხვებმა შენი სვე მართეს,
დაბადებითვე ხმა ჩამოგერთვა.
იკითხე: „რისთვის?“ და განგიმარტეს:
„ასე შეგქმნაო ამ ქვეყნად ღმერთმა“.
გძარცვავდნენ, გცემდნენ, წავი დღე გადგა
და გაჯერებდნენ „ენდე საწუთროს“.

ლექსის ეს ნაწყვეტი შესანიშნავად გამოხატავს იმ უუფლებობას, რომელსაც განიცდიდა რევოლუციამდე მძიმე უღელქვეშ ქედმოხრილი ხალხი. „ენდე საწუთროს“ — ეს იყო „ნუგეში“ უუფლებო ხალხისა. წარსულში.

დღეს ხალხს მოპოვებული აქვს ხმა და უფლება. სტალინური კონსტიტუციის მზის ქვეშ იგი ანხორციელებს თავის ნება-სურვილებს, ხალხი თვითვე გახდა თავისი ბედის მკედელი. აი აზრი, რომელიც პოეტს ქალარა დეპუტატის სახით აქვს მოცემული პირდაპირ და გულწრფელად. ლექსში არ იგრძნობა არც ყალბი ტონი და არც რიტორიული — დეკლამაციური კილო ანუ „ბუჟისა და ნალარის ხმა“.

ჯაბუშანური ლექსში პოეტური სჯღებავების ზომიერად და მოხდენილი გამოყენებით საკმაო ოსტატობას აღწევს. აღსანიშნავია ამ მხრივ „მწყემსი ქალის თქმა ბელადზე“, „ელნათურები ხევსურის ქოხში“, „თავთავების საუბარი“ და სხვა. ეს ლექსები ლირიკული აზროვნების საუკეთესო ნიმუშებს წარმოადგენენ. კერძოდ პირველ ლექსში საუცხოოდ არის გადმოცემული მწყემსი ქალის ფიქრები ბელადზე:

„მზე ჯერ არ სჩანს სანუკვარი,
ჩემს ფარეხში ბუტაცს კვარი.
ზღუდავს ნახირს ძილწანალებს,
ღამეა და აღარც არი,
წელან ვნახე სხივთა ღვართი, —
შენი სახე მოლიმარი —
შუქს აფრქვევდა იალალებს.
ეჰ, ვინ იცის სხვამ რამდენმა
შენზე ფიქრით გაათენა, —
ეგ მზიური აზრთა დენა
უნათებდა ღამით ხედვას“.

შეგვეძლო სხვა ლექსებიდანაც მოგვეყვანა ნაწყვეტები, მაგრამ ეს ადგილიც ნათლად ლაპარაკობს პოეტის მხატვრულ უნარზე.

ჯაბუშანურის ლექსებში ადგილი აქვს სუსტ და დაუმუშავებელ სტრიქონებსაც. უკეთ — ისეთ სტრიქონებს, რომლებიც ერთი შეხედვით შეიძლება უნაკლოდაც გვეჩვენოს, მაგრამ ისინი მაინც მოკლებულნი არიან პოეტური თქმის ძალას.

მაგ., ლექსში „საზღვარზე“ კეთიხულობთ:

„ცოტა ხნის შემდეგ ამ ბილიკს
კაცი დაადგა ერთი.
ჩაჩხჩხს გავდა იგი. ნამდვილად
ძირს ჩავარდნილი მკერდით,
დაჯდა ატირდა ამ დილით
ხშირი ცრემლების ღვენიით.
საბჭოეთს შემომზეროდა
გულში იცემდა მჯილით“...

ცოტა უფრო ქვემოდ:

„ისევ სტიროდა გაღმეოლი
თვალ ცრემლში ჩაეწვინა,
ამ დროს მოვარდა რაზემეოლი,
ხიშტით გაიგდო წინა“.

ასე პროზაულად გვიხატავს ავტორი ადამიანის ჩაგვრის სურათს მოსაზღვრე მხარეში. შეუფერებელია ლექსის წყობა და მეტრი. ზოგ ალაგას დაშორებული რითმები ძნელად აღწევენ მკითხველის ყურამდე. შეუფერებელია აგრეთვე ენაც: „მჯილით“, „თვალის ცრემლში ჩაეწვინა“ — სახამუშოა. უფრო ძლიერია ლექსის ბოლო სტროფები, სადაც ნაჩვენებია გათავისუფლებული ხალხის სიხარული. ჯაბუშანური ხშირად ღრმად ემორჩილება სიტყვის სტიქიას. მის ლექსებში გამოერევა ხოლმე ბუნდოვანი და უხერხული თქმები: მაგ., „თვალეები ბინდით გადამეხრანენ“, „მწვერვალს წვერი არ მოველება“, „როდესაც მნათობი წუა ცას დალაზავს“, „და თესლს მცენარეთს მქისე ქართა ბერვა“, „დაწყდა სიბნელის ყველა ძაფები“ და სხვა.

აღნიშნულ თვისებას უნდა მიეწეროს ისიც, რომ ჯაბუშანური ხანდახან ხმარობს წრთნაირ გაცვეთილ მეტაფორებსა და შედარებებს.

ჯაბუშანურმა უფრო ღრმად და მრავალფეროვნად უნდა ასახოს განახლებული მთა, მეტი სისარულითა და მხატვრული სიძლიერით უნდა დაგვანახოს მთის ახალი ადამიანები და მათი გაცდები. ლექსების პირველი წიგნით მან მკაფიოდ გამოაჩინა თავისი შემოქმედებითი ძალა. ეს უფლებას გვაძლევს გულახდილად მივუთითოთ ნაკლებდაც და მეტი მოთხოვნილება წავეუყენოთ მას.

ვანო ხალივაშვილი.

კლიმენტი გოგიავა — „ვლადიმერ ნანეიშვილი“

ჩვენს ქვეყანაში გმირობა და სიმამაცე გადაიქცა ყველა მშრომელის სასახელო საქმედ და წერა ამ ადამიანების შესახებ ყველა საბჭოთა მწერლის საპატიო საქმეს წარმოადგენს.

კლიმენტი გოგიავას წიგნში მხატვრულად მოთხრობილია თეთრფინელებთან მებრძოლ, საბჭოთა კავშირის გმირის ვლადიმერ ნანეიშვილის საგმირო და სასახელო საქმეები, რომელიც დავიწყებას არაასოდეს არ მიეცემიან და თაობიდან თაობაზე გადავლენ, როგორც ერთ-ერთი შესანიშნავი ეპიზოდი ჩვენი ხალხის ბრძოლებისა და გამარჯვებებისა.

ვლადიმერ ნანეიშვილის საგმირო საქმეებს დღეს იცნობს მთელი მსოფლიო, მოხუცი და ახალგაზრდა, მტერი და მოყვარე და ფინელი ოფიცრებისა და მფრინავებისათვის ხომ თავზარდამცემი იყო ნანეიშვილის ესკადრილის ბრძოლის არენაზე გამოჩენა.

თეთრფინელების ვერავითარმა ვერაგულმა ხერხმა ვერ გასჭრა, რომელსაც ისინი მიმართავდნენ საბჭოთა ჯარისა და ავიაციის წინააღმდეგ. საბჭოთა გმირები ბრძოლის ლეგენდარულ საქმეებს ჩადიდდნენ და პატრიოტული იდეებით გამსჭვალულნი, საშობლოს სიყვარულით აღფრთოვანებულნი წინ მიიწეოდნენ და მტრებს ჰმუსრავდნენ.

რამდენჯერმე იღვა ნანეიშვილი სიკვდილის პირისპირ, როდესაც მის საჭაერო ბრიგადას მტერი, როგორც ჰაერიდან, ისე მიწიდან ტყვიას სეტყვასავით აყრიდა, მაგრამ მას არ აშინებდა მტერთან პირისპირ შეხვედრა, იგი გამარჯვების რწმენით აღსავსე დანაშაურობდა ფინეთის ყინულოვან სივრცეზე.

აი, ასე წარმოგვიდგება ვლადიმერ ნანეიშვილის პორტრეტი და გმირობა, როდესაც ვეცნობით კლიმენტი გოგიავას წიგნს.

მასში მშვენიერი მხატვრული ენით აღწერილია ნანეიშვილის საზღაპრო საქმეები თეთრფინელებთან ბრძოლის ფრონტზე. ავტორი აღწერს იმას, თუ როგორ მოიპოვა ნანეიშვილმა გამარჯვება და გმირის სახელი.

თავის სამშობლოში არა მარტო ვლადიმერ ნანეიშვილი დაბრუნდა ლენინის ორდენით და საბჭოთა კავშირის გმირის სახელწოდებით დაჯილდოებული, არამედ მთელი მისი ბრიგადა ხუთმეტი კაცის შემადგენლობით, რომელიც ნანეიშვილთან ერთად იბრძოდნენ ფინეთის ფრონტზე. აი, სასახელო სახელები: ვლადიმერ სმირნოვი, მიხეილ ვარავკოვი, იური გარბკო, ივანე ვლასოვი... რომელი ერთი ჩამოვთვალოთ! მათ ჩვენს ისტორიაში მრავალი გმირული ფურცლები ჩასწერეს. გმირმა აღზარდა და გამოწრთვანა გმირები; მან შეასწავლა საფრენოსნო ოსტატობა და მტერთან ოსტატური და მოხერხებული ბრძოლა.

ასე იზრდებიან და ფოლადდებიან მილიონი მებრძოლები, კარგი ხელმძღვანლის გულისხმიერ დამოკიდებულებით.

წიგნში გარდა ნანეიშვილისა და მისი თანამებრძოლების გმირობისა აღწერილია გულშემზარავი სურათი, თუ როგორ მიერეკებოდნენ მშრომელ ხალხს ქალაქიდან თეთრფინელები. ისინი ავრცელებდნენ საბჭოთა კავშირის შესახებ ათასჯვარ კორებს, მაგრამ მტრების ამ ნაცადმა და ჩვენთვის უკვე ცნობილმა ხერხებმა ვერ გასჭრეს და საბჭოთა გმირების რკინის მარჯვენამ საბოლოოდ დაამსხვრია თეთრფინელების კონტრარევოლუციური ბუდეები.

ნანეიშვილი გამარჯვებული დაბრუნდა თავის სამშობლო საქართველოში და ჩვენი მშრომელები დიდი სიხარულითა და აღფრთოვანებით მიეგებნენ მას, როგორც სამშობლოს ერთგულ დამცველს.

კარგი იქნებოდა წიგნში მხატვრულად დასურათებული ყოფილიყო ბრძოლის სხვადასხვა ეპიზოდები, როგორც ასეთი სახის რუსულ გამოცემებშია.

ალ. სიგუა

**1941 წ. იანვრიდან „ჩვენი თაობა“ გამოცემის
შოკველთვიურად**

ხელის მოწერის პირობები

წლიურად	24 მან.
ნახევარი წლით	12 „
ცალკე ნომერი	2 „

ხელის მოწერა მიიღება სახელგამის ყველა მაღაზიაში, სოიუზპეტა-ტის რაიბიუროებში და სახელგამის პერიოდ-სექტორში.

აღმდგომის მისამართი:

ტფილისი, მაჩაბლის ქ. № 13, მწერალთა კავშირი.

ფანი 2 056.

№ 553
1941



Ежемесячный журнал
„ЧВЕНИ ТЛОБА“
Сахелгами 1941 г. Тбилиси